

**2026KO EKAINAREN 25AN UDALBATZA OSOAK EGINDAKO OHIKO BATZARRALDIAREN AKTA.**

**LEKUA:** Beasaingo Udaletxea

**ARETOA:** Batzar Aretoa

**EGUNA:** Hogeita bosta

**HILABETEA:** Ekaina.

**URTEA:** Bi mila eta hogeita sei.

**HASIERAKO ORDUA:** Arratsaldeko seietan.

**BATZARRALDIAREN IZAERA:** Ohikoa.

**DEIALDIA:** Lehena.

**OSATZEN DUTEN PARTAIDEEN KOPURUA:** Hamazazpi (17)

**UDALBURUA:** LEIRE ARTOLA UGALDE

**BILDUAK:**

**EAJ-PNV**

- ADUR UGARTEMENDIA LEUNDA
- AINHOA ARRESE ARRATIBEL
- MARIOLA PASCUAL PAREDES
- EDORTA DIAZ DEL RIO
- MARIA ELENA RUIZ ZABALA
- MICHEL VENTUREIRA IRIZAR
- OLATZ ARRESE IMAZ
- AITOR ALDASORO ITURBE

**BEASAINGO EH BILDU**

- HASIER AGIRRE ELKOROBEREZIBAR
- YOLANDA HERNANDEZ RODRIGUEZ
- IKER URTEAGA REBOLLAR
- AITOR URDANGARIN IRASTORZA

**SOCIALISTAS VASCOS-EUSKAL SOZIALISTAK**

- EVA ALVAREZ ATANES
- ANGEL REDONDO FERNANDEZ

**ELKARREKIN PODEMOS EZKER ANITZA / IU-ALIANZA VERDE**

- WESLEY ARITZ CORSITTO AGIRRE

**ETORRI GABEAK:**

- NEREA MANZISIDOR MENDIZABAL

**IDAZKARIA:** ITZIAR AROZTEGUI APAOLAZA

Bileran ere parte hartu dute Lurdes Alegria Lasa Kontuhartzaileak eta Lurdes Auzmendi interpretariak.

**1.- AURREKO AKTA.** 2026-05-13ko aktaren onespena.

Akats ortografiko bat zuzentzeko eskatu da.

Bildutakoek ados egonik, aho batez onartu da.

**2.- ANTOLAKUNTZA BATZORDEKO PROPOSAMENAK:**

a.- KREDITU ALDAKETA. 8. ZENBAKIA DUEN KREDITU GEHIGARRIEN ESPEDIENTEA.  
2026CRAD0008

Ezagutzera eman da alkatearen proposamena, Antolakuntza batzordean tratatutakoa.

“GAIA.- Kreditu Aldaketa. 8. Kreditu Gehigarrien Espedientea.

*Honekin batera doan proposamenean zerrendatutako gastuak egin beharra izanik eta hauek finantzatzeko aurrekontu kreditu nahikorik ez dagoela kontutan hartuz, Alkatetza honek Udalbatzari ondorengo Akordio Proposamena egiten dio:*

1.- 264.251,70 euroko zenbatekoaz kreditu aldaketa hasiera batean onartzea, kapituluka honela laburtzen dena:

**GASTUAK – GEHIKUNTZAK**

| Kap.                | Izena                                 | Euro       |
|---------------------|---------------------------------------|------------|
| 2                   | Gastu arrunt eta zerbitzuen erosketak | 35.000,00  |
| 6                   | Inbertsio errealak                    | 229.251,70 |
| GEHIKUNTZAK GUZTIRA |                                       | 264.251,70 |

**FINANTZAKETA – SARRERAK**

| Kap.             | Izena             | Euro       |
|------------------|-------------------|------------|
| 8                | Finantza aktiboak | 264.251,70 |
| SARRERAK GUZTIRA |                   | 264.251,70 |

2.- Aipatutako akordioa jendaurrean jartzea, 15 eguneko epean bidezkoak diren alegazioak aurkeztu ahal izateko. Alegaziorik jasoko ez balitz, behin-betirako onartutzat emango da.”

Hitz egiteko txanda eman ondoren bildutakoek proposamenarekiko iritziz hauek azaldu dituzte:

Eva Alvarez Atanes (Socialistas Vascos-Euskal Sozialistak): “entendemos que muchos de los gastos son necesarios. Como venimos haciéndolo, nosotros nos abstendremos.”

Hasier Agirre Elkoroberezibar (Beasaingo EH Bildu): “kopuru handiaz ez bagara ari ere, planteatzen den aldaketa aurreikusi gabeko kreditua denez eta nahiz eta horretarako mekanismoa izan, abstenitu egingo gara.”

Alkate andreak (EAJ-PNV): “140.000€rekin aurreikusi den kontusaila izan da premiazko egoera batean aurkitu garelako, aurrekontuak egin genituenean ez genuen aurreikusi ere egiten. Batzordean eman zitzaizkizuen azalpena eta udaran dagoenez egiteko modua, horregatik aurreikusten da.

Bozketa eginda, ondorengo emaitza lortu da:

Aldeko botoak: 9 (EAJ-PNV)

Aurkako botoak: 0

Abstentzioak: 7 (Beasaingo EH Bildu, Socialistas Vascos-Euskal Sozialistak, Elkarrekin Podemos)

Etorri gabea: 1 (Beasaingo EH Bildu)

Horren ondorioz, gehiengo osoarekin eta dagoen aurrekontu egiturari egokituta ondorengo gastuak eta kreditu aldaketa egitea onartu da, gastuak gauzatzea premiazkoa delako -horien gauzatzea ezin baita atzeratu-, zerbitzu horiek egiteko erritmoa eteteak edo, hala badagokio, horien kudeaketa mailak behera egiteak kalteak sortuko litzukeelako, eta hauek finantzatzeko aurrekontu kredituak nahikoak ez direlako:

| KONTUSAILA                 | KONTZEPTUA                                                                                | Egungoak/<br>Actuales | Aldaketak/<br>Modificac. | Behin-<br>betikoak/<br>Definitivos |
|----------------------------|-------------------------------------------------------------------------------------------|-----------------------|--------------------------|------------------------------------|
| 0110.226.920.00.04         | Beste gastu: notaritza, jabetza erreg. /<br>Otros gastos: jurídicos, contenc.,<br>notaría | 5.000,00              | 20.000,00                | 25.000,00                          |
| 0270.202.133.10.01         | Sarbide kontrol kamarak /<br>Cámaras control de accesos                                   | 17.000,00             | 15.000,00                | 32.000,00                          |
| 0350.622.333.20.01<br>2025 | Bonberia kultur gunea /<br>Centro cultural Bombería                                       | 721.517,00            | 72.151,70                | 793.668,70                         |
| 0220.625.231.40.01         | Etxe babestuetan inbertsioak /<br>Inversiones en viviendas tuteladas                      | 2.500,00              | 12.100,00                | 14.600,00                          |
| 0350.623.337.20.02         | Gaztelekuko ikusentzun instalazioa /<br>Instalac. audiovisuales Gazteleku                 | 5.000,00              | 5.000,00                 | 10.000,00                          |
| 0350.623.342.00.02         | Kiroldegiko instalazioen eraberritzea/<br>Renovac. Instalaciones polideportivo            | 0,00                  | 140.000,00               | 140.000,00                         |
|                            |                                                                                           | 751.017,00            | 264.251,70               | 1.015.268,70                       |

b.- GOIERIKO HERRIEN EKINTZA Fundazioa. Estatutu sozialen 3. artikulua aldatzea eta izaera pribatuko enpresa gehiago fundazioaren kide izateko proposamena. 2026IDBO0016

Ezagutza eman da Goierriko Herrien Ekintza Fundazioaren eskaera Antolakuntza batzordean tratatutakoa:

*“Goierriko Herrien Ekintza Fundazioak, sortu zenetik, estatutuak aldatu izan ditu; sorreran zituen helburuari gizarte beharrei erantzuteko hainbat zehaztasun gehitu dizkie, batez ere erakunde desberdinek, dirulaguntzak eman ahal izateko, helburuetan zehazpen hauek azaltzea eskatu digutelako.*

*Gaur egun, Fundazioaren Helburuek, Estatutuen 3 artikuluan jasota daudenek, horrela diote:*

### **3. Artikulua.- Fundazioaren helburuak eta lurralde eremua**

Fundazioaren helburuak dira heziketa, irakaskuntza gradu eta genero guztietan, prestakuntza eta garapen tekniko eta soziala eta enplegua sustatzea eta gizarte-bazterketako egoeran dauden edo egoera horretan izateko arriskua duten pertsonak eta/edo desgaitasunen bat duten pertsonak eta/edo gizarte edo lan-arloetan desabantaila-egoerak bizi dituzten pertsonak laneratzea, batez ere Goierriko Eskualdean.

*1.- Arestian azaldutako zehazpenen harira, enpresei berrikuntza proiektuetan lagunduz dirulaguntzak lortu ahal izateko, Estatutuetan ondorengo helburua azaltzea eskatzen digute: “ikerketa aplikatua, garapen teknologikoa, berrikuntza eta ezagutza enpresa eta industria sarera transferitzea”. Gehikuntza horrek Helburuen aldaketa suposatzen du eta, ondorioz, estatutuena.*

*2.- Goierriko Herrien Ekintzako Patronatu Batzordea gaur egun 18 udal ordezkari, 9 enpresetakoak, Eskolako Zuzendaria eta Fundazioko Zuzendariak osatuta dago, Ikaslan Fundazioan Ikaslaneko Zuzendaria gehituz.*

*Gehiengo udaletxeek edukitzea, nortasun publikoa ematen die fundazioei, eta udaletxe batean integratuta egotera behartzen ditu, horrek bai udaletxe bai fundazioei dakarkien muga eta Administrazio lanak suposatzen duelarik.*

*Bi fundazioak (Goierriko Herrien Ekintza eta Ikaslan) inongo Udaletxeren menpean ez egoteko helburuarekin, eta estatutuek 7. artikuluan dagoeneko ondorengo baimentzen dutenez (ez du, ondorioz, estatutuen aldaketa suposatzen) zera proposatzen da: enpresen ordezkariak igotzea, beti ere udalen ordezkariak baino gehiago ez izatera baldintzatuta. Horrela dio 7. artikulua:*

b) Goierriko Eskualdean egon eta Fundazioaren helburuetan lagundu dezaketen enpresek. Fundazioaren Patronatuan ordezkariak dauden enpresak Patronatuak berak izendatu eta kargutik kenduko ditu, gehiengo soilaz hartutako erabakiaren bitartez, betiere bere kideen erdia gehi bat bozketan bertan presente edo ordezkariak badaude.

Fundazioaren Patronatuan egoteko aukeratzen diren enpresek pertsona fisiko bana aukeratzeko dute beraiek ordezkatzeko. Enpresen ordezkariak ez dira inoliz udalen ordezkariak baino gehiago izango.

*Gaur egun, aurrez esan bezala, besteak beste, 18 udaletxe eta 9 enpresa daude ordezkariak. Proposamena, izaera mugakor hori gainditzeko asmoarekin, 8 enpresa berri patronatu kide izendatzea izango*

*litzateke. Ondorioz, Patronatu Batzordearen konposaketa horrela geldituko litzateke: 18 udaletxetako ordezkariak, 17 enpresatakoak, Fundaziotako Zuzendari orokorra eta Eskolako Zuzendaria. Ikaslanen kasuan Ikaslaneko Zuzendaria ere berezko kide da.*

*Bestalde, patronoen ekarpen egonkorren ikuspegitik, ikusi daiteke 2021ean ekarpen pribatuak % 53,36ekoak izan zirela, eta hurrengo urteetan ehuneko hori igotzen joan dela 2025ean %60,60ra ailegatuz (ekarpenei buruzko sinatutako artxiboa eransten da).*

*Izaera ez publikoaren baldintzak betetzen direla bermatzen da (patrono EZ PUBLIKOAK gehiengo: 18 udaletxe eta 19 ez publikoak, eta ekarpen aldetik enpresenak gehiengoa suposatzen dutelarik, gaur egun %60,60 enpresena eta %39,44 udaletxeena) kontuan izanik, egoera eguneratu beharko litzateke.*

*Eskaerarekin batera ere GOIEKik, txosten juridikoa helarazi du.*

*LABURBILDUZ, honakoa eskatzen da: Udal Batzarrean ondorengo proposamenak onartzea, uztailen ospatuko diren Patronatu Batzordeetara ekartzeko:*

*1.- Goierriko Herrien Ekintza Fundazioaren Helburuen aldaketa; honela geldituko lirateke: “Fundazioaren helburuak dira heziketa, irakaskuntza gradu eta genero guztietan, prestakuntza eta garapen tekniko eta soziala, **ikerketa aplikatua, garapen teknologikoa, berrikuntza eta ezagutza enpresa eta industria sarera transferitzea**, eta enplegua sustatzea eta gizarte-bazterketako egoeran dauden edo egoera horretan izateko arriskua duten pertsonak eta/edo desgaitasunen bat duten pertsonak eta/edo gizarte edo lan-arloetan desabantaila-egoerak bizi dituzten pertsonak laneratzea, batez ere Goierriko Eskualdean”*

*2.- Goierriko Herrien Ekintza eta Ikaslan Fundazioetako Patronatu Batzordeak 37 eta 38 kideetara zabaltzea, hurrenez hurren, 8 kide berriak enpresak izan beharko dutelarik (uztailerako aurreikusita dagoen deialdia egiterakoan haiek zehazturik joango dira).*

*3.- INVENTE Erregistrotik Goierriko Herrien Ekintza eta Ikaslan Fundazioak baja ematea, egoera berriarekin publikotasun baldintzak ez liratekeelako beteko. Baja emateko eskaera IGAEra luzatzea.”*

GOIEKik aurkeztutako eskaerarekiko udal Idazkariak txostena eman du (espedientean jasota dago), adieraziz enpresa gehiago sartzea ordezkaritza nagusia udalek osa ez dezaten zilegi izan daitekeela, baina zalantzan jartzen dut horrekin bakarrik eta estatutuak aldatu gabe Fundazioa Beasaingo Udalarari atxikita ez egotea lortuko den, Estatutuen 7. artikulua talka egiten duelako Euskal Autonomia Erkidegoko Fundazioei buruzko Legearen 63.1 artikuluekin. Izan ere, Estatutuen 7. artikulua dio enpresen ordezkaritza udalena baino handiagoa ezin daitekeela izan EAEko Fundazioei buruzko Legearen 63.1 dio administrazio publikoek Patronatuan izendatzeko eskubidea duten kide-kopuruak proportzionala izan behar duela emandako fundazio-zuzkidurarekiko edo ondarearekiko.

Hitz egiteko txanda eman ondoren, bildutakoek proposamenarekiko ondorengo iritzia azaldu dituzte:

Hasier Agirre Elkoroberezibar jaunak (Beasaingo EH Bildu): “bakarrik komentatu nahiz eta enpresa gehiago sartu, Fundazioak izaera publikoa izaten jarraituko duela, udalen ordezkaritza batzar orokorrean enpresena baino handiagoa delako. Pribatizatzen da baina kontrol publikoan jarraituko du.”

Alkate andreak (EAJ-PNV): “batzorde exekutibotik pasatzen dira patronatura doazen gaiak eta batzorde exekutiboaren gehiena publikoa da. Hori mantendu egiten da. Horrek bermatzen da batzar orokorrera doazen gaiak, lehenengo batzordetik pasa izana.”

Bozketa eginda, aho batez onartu da GHE Fundazioko eskaera, hau da:

**Lehenik.** Estatutuen 3. artikuluan jasotako fundazioaren xedea aldatzea, eta bertan jasotako ahalmenei honako hauek gehitzea: *ikerketak aplikatzea, garapen teknologikoa, berrikuntza eta ezagutza enpresa eta industria sarera transferitzea.*

**Bigarren.** Patronatua osatzen duten kide pribatuen kopurua aldatzea.

Gaur egun, honako hauek osatzen dute:

- 18 Udalak (bakoitzak ordezkari batekin ordezkatzeko da).
- 9 enpresa (bakoitzak pertsona fisiko batekin ordezkatzeko da).
- Goierri Eskolako zuzendaria.
- Fundazioko zuzendari gerentea.

\* Ikaslanen kasuan, zuzendaria ere bai.

Onartu da, 8 enpresa gehiago sartzea. Guztira 17 enpresa izango lirateke.

**Hirugarren.** INVENTE Erregistrotik Goierriko Herrien Ekintza eta Ikaslan Fundazioak baja ematea, egoera berriarekin publikotasun baldintzak ez liratekeelako beteko. Baja emateko eskaera IGAEra luzatzea.

c.- ASEGURU-PRIBATUEN KONTRATUA. 2023PEBO0014:

- Ondasun higiezin eta higigarrien gaineko kalteen aseguruaren eta ibilgailuen aseguruaren urtebeteko luzapena.
- Erantzukizun zibileko aseguruaren 9 hilabeteko luzapena.

Ezagutzera eman da, Antolakuntza batzordeko proposamena:

#### **AURREKARIAK**

*I.- 2023-03-02. Udalbatza Osoaren erabakia lizitazio prozedura eta plegu administratibo nahiz teknikoaren onartzeari buruzkoa, Beasaingo Udalaren aseguruak kontratatzeko.*

*II.- 2023-05-18. Lizitazio prozedura burutu ondoren, Udalbatza Osoak erabaki zuen, Aseguru pribatuen 1, 2 eta 3, hau da, higiezin eta higigarriei kalteak, erantzukizun zibila eta ibilgailuak ondorengoari esleitzea: SEGUROS LAGUN ARO, S.A.ri.*

*III.- Lizitatzailerek Kontratu Legearen 150. artikuluan aurreikusitako dokumentuak aurkeztu ondoren, Alkateak (plenoak horretarako baimena eman da), 2023ko ekainaren 7an Ebazpena eman zuen behin betiko esleipena eginez.*

*IV.- 2023-07-19an, SEGUROS LAGUN ARO, S.A.k kontratua sinatu zuen (aldeztatik Alkateak sinatu zuen). Prestazioa emateko epea bi urte 2023ko irailaren 1etik aurrera kontatzen hasita, eta berariaz luzatu ahal izango da eta elkarren artean adostu eta gero URTE BATEKO hiru alditan, baina kontratuaren iraupena guztira ez da izango BOST URTEtik goragokoa.*

*Aldeetako batek uko egiten ez badiu kontratua amaitu baino gutxienez hiru (3) hilabete lehenago, kontratazio-organoak kontratua luzatzea erabaki dezake, urtebetez eta gehienez hiru luzapenekin.*

*V.- Aldeztatik Plenoak onartuta 2025-08-04an kontratua luzatu zen. Iraunaldia. 2025-09-01tik 2026-08-31ra.*

*VI.- Amaitzearen dagoenez, baldintza pleguaren 8. artikuluan adierazi bezala, 2026-05-27 udalaren aldetik kontratua luzatzeko aurre-abisua egin zen, hau da, kontratua amaitu eta hiru hilabete lehenago. Maiatzaren bukaeran aseguru etxeak esan zuen erantzukizun zibileko poliza luzatzearen aldekoa ez*

*zela. Aldiz, 2026-06-15ean LAGUN ARO aseguru etxeak adierazi zuen, 1. (ondarea) eta 3. (ibilgailuak) loteak urte betez luzatzearekin ados dagoela, baina ez 2. lotearekin (erantzukizun zibila) Esteban Lasa kalearen urbanizazio-lanetan sortutako erreklamazioak direla medio. Azken kasu honetan, berriro egikaritu arte edo gehienez ere 9 hilabetez kontratua luzatzearekin ados azaldu zen.*

*VII.- Baldintza pleguaren 25. klausularen arabera, prezioa berrikusteko aukerarik ez dago. Primaren kopurua bakarrik aldatuko da aseguraturako ondasunen kopuru aldaketak daudenean, (bajak eta gehitzeak), edota Udal aurrekontuko quantuma aldatzen denean kontratazio organoak ekintza honetarako ahalbidetu duen Alkatearen aurretiazko onarpen espresoarekin.*

*VIII. Espedientean ere jasotzen dira idazkari eta kontuhartzailearen txostenak*

*2026ko irailaren 1etik 2027ko maiatzaren 31ra bitarteko aldirako prima osoa 20.997,26 eurokoa da.*

#### **OINARRI JURIDIKOAK**

*Kasu honetan, azaroaren 8ko 9/2017 Sektore Publikoaren Kontratuak arautzen duen Kontratu Legea aplikatu behar da (29. artikulua). Luzapena aurreikusita egon behar da eta espresuki erabakia hartu behar da. Ezin dena da, tazituki luzatzea. Luzapena IV. Aurrekarietan esanda bezala, baldintza administratibo pleguaren 8. klausulan eta kontratuetan aurreikusia dago.*

*Beraz, Antolakuntza batzordeak, kontuan izanik, luzapena, organo kontratatzaileak berariaz onartu behar duela, Udalbatza osoari ondorengo erabaki-proposamena egiten dio:*

*Lehenik.- Erantzukizun zibileko aseguruari dagokion 2. lotea 9 hilabetez luzatzea, 2026ko irailaren 1etik 2027ko maiatzaren 31ra.*

*Bigarren.- Ondasun higiezinaren eta higigarrien gaineko kalteen aseguruari eta ibilgailuen aseguruari buruzko loteak, urtebetez luzatzea 26ko irailaren 1etik 2027ko abuztuaren 31ra arte.*

*Hirugarren. Ordaindu beharreko primak ondorengoak izango dira, beti ere aurrekarietako VII puntuan adierazitakoa ematen ez bada :*

*- Ondasun higiezinaren eta higigarrien asegurua: 37.273,00 €*

*- Ibilgailuen asegurua: 4.493,11 €*

*- Erantzukizun zibileko asegurua: 20.997,26 €*

*Laugarren. 1. eta 3. loteekiko, 2026-2027ko luzapena formalizatu ostean luzapen bakarra egiteko aukera geratuko litzateke.*

*Hitz egiteko txanda eman ondoren, bildutakoek proposamenarekiko ondorengo iritzia azaldu dituzte:*

*Eva Alvarez Atanes andreak (Socialistas Vascos-Euskal Sozialistak): “dentro del plazo establecido en el pliego el Ayuntamiento comunica la voluntad de prorrogar el contrato y eso es lo que se ha dicho pero, en el informe de secretaria se da a conocer que si bien el preaviso se realizó en plazo por parte de la entidad municipal, el Ayuntamiento estaría en disposición de exigir a la compañía aseguradora el continuar con el contrato de responsabilidad civil .”*

*Idazkari andreak adierazi du horrela dela aseguru etxea ere aurre-abisu epeari lotuta dagoelako kontratuarekin jarraitu nahi ez badu. Udalak jakinarazi arte LAGUN AROk ezer esan ez zuenez udala kontratua luzatzeko exijitzeko moduan egongo litzateke, baina hori beste gatazka batean sartzea izango litzateke.*

*Hasier Agirre Elkoroberezibar jaunak (Beasaingo EH Bildu): “garrantzia hartuko du hurrengo lizitazioen prestaketak ikusita aurrekoan aseguru etxe bakarra aurkeztu zela. Aztertu egin beharko da eta ikusi beste herrietako adibideak, merkatua nola dagoen aseguruen esparruan,*

kontratazio zentralak horrelako zerbitzua lizitatzen duen, etab. Erronka bat dugu ziurtasuna eduki dezagun.”

Alkate andreak (EAJ-PNV): irailetik aurrera azterketa hori egiten hasi beharko dugu kontutan hartuta aseguruaren esparrua aldakorra dela eta baldintzak aldatzen diren heinean konkurrentzia ez dagoela. Bestalde esan, gizartea eraldatzen den moduan kalte ezberdinak estaltzeko beharra dagoela. Azterketak ematen duenaren arabera, plegua adostu beharko da. Kontratazio zentralerako aukera ere arakatuko dugu.”

Gaia behar adina eztabaidatu ondoren, bildutakoek proposamenarekiko adostasuna azaldu dute.

Bozketa eginda, aho batez onartu da proposamena.

d.- BEASAINGO UDALAREN SEXU-JAZARPENARI, SEXU ETA GENERO-ARRAZOIENGATIKO JAZARPENARI ETA BESTE INDARKERIA MATXISTEI AURRE EGITEKO PROTOKOLOA. ONESPEN-PROPOSAMENA. 2026PEBO0041

Ezagutzera eman da, Antolakuntza batzordeko proposamena:

#### “AURREKARIAK

*Beasaingo Udalean sexu-jazarpenari, sexu eta genero-arrazoiengatiko jazarpenari eta beste indarkeria matxistei aurre egiteko protokoloa ezartzeak Udalak 2025ean onartutako Beasaingo Udalaren I. Barne Berdintasun Planean aurreikusitako neurrietako bat betetzeari erantzuten dio.*

*Legeek ezartzen duten markoaren arabera, ezinbestekoa da enpresek lan-esparruan sexu-jazarpenari eta sexuan- eta generoan-oinarritutako jazarpenari aurre egiteko jarduera-protokolo argi, eguneratu eta eraginkor bat izatea.*

*Honako arauak osatzen dute sexu-jazarpenari, sexu eta genero-arrazoiengatiko jazarpenari eta beste indarkeria matxistei aurre egiteko protokoloaren lege markoa:*

- *Martxoaren 16ko 1/2023 Legegintzako Dekretuak, emakumeen eta gizonen berdintasuna eta emakumeen aurkako indarkeria matxistarik gabeko bizitza bermatzen dituen legearen testu bategina.*
- *LGTBI Berdintasunerako Errege Dekretua (1026/2024): Lan-esparruan sexuan, generoan edota LGTBI izaera/aniztasunean oinarritutako diskriminazioari eta jazarpenari aurre egiteko.*
- *10/2022 Lege Organikoa, irailaren 6koa, Sexu Askatasunaren Berme Integralarena.*
- *31/1995 Legea, azaroaren 8koa, Lan Arriskuen Prebentzioari buruzkoa.*

#### PROPOSAMENA

*Beasaingo Udalaren I. Barne Berdintasun Plana onartzeko osatutako Negoziazio Batzorde berak garatu du sexu-jazarpenari, sexu eta genero-arrazoiengatiko jazarpenari eta beste indarkeria matxistei aurre egiteko protokoloa. Hori dela eta, Antolakuntza Batzordeak Udal Osoko Bilkurari honako proposamena egiten dio:*

*Lehenengoa:* *Beasaingo Udalaren sexu-jazarpenari, sexu eta genero-arrazoiengatiko jazarpenari eta beste indarkeria matxistei aurre egiteko protokoloa onartzea, protokoloa indarrean jarri ahal izateko.*

*Protokolo honen helburu nagusia lan-ingurune segurua bermatzea da, jazarpen-egoerak prebenitzeko, antzemateko eta horiei aurre egiteko bidea irekiz.*

*Protokoloak salaketak kudeatzeko prozedura jasotzen du. Prozedurak konfidentzialtasuna, azkartasuna, inpartzialtasuna eta biktimaren babesa bermatzen ditu,*

*jazarpen egoeren aurrean erantzun seguru, bidezko eta eraginkorra emateko.*

*Honetaz gain, protokoloak udalean errespetuzko, protokoloak prebentzio-funtzioa betetzen du eta udalean berdintasunezko eta aniztasunezko antolaketa-kultura bat eraikitzen laguntzen du, indarkeria matxisten aurrean zero tolerantzia bermatuko duena.*

*Alde horretatik, protokoloa egokia da honako aurrerapauso hauek sustatzeko:*

- *Botere-harremanak eraldatzeko:* Lan-eremuan emakumeen eta gizonen arteko desberdintasunak sortzen dituzten botere-harremanak iraultzeko.
- *Indarkeria matxista-egoera guztiei aurre egiteko:* Genero- eta identitate-aniztasunetik zein orientazioetatik eratorritako indarkeria-egoerei aurre egiteko.
- *Egiturazko arazoa ikusarazteko:* Sexu-jazarpena eta sexuan zein genero eta orientazioan oinarritutako jazarpena arazo indibiduala ez dela erakusteko, egiturazkoa baizik.
- *Erantzukidetasun kolektiboa sustatzeko:* Jazarpenaren prebentzioa erakunde osoak partekatzen duen erantzukizun gisa definitzeko.
- *Eskubideak babesteko:* pertsona guztiek beren lana duintasunez eta errespetuz garatzeko duten eskubidea babesteko

*Protokoloak lagundu egiten du Udalak berdintasunaren eta lan-arriskuen prebentzioaren arloan dituen legezko betebeharrak betetzen eta aldi berean, langileen oinarritzko eskubideak babesten ditu, indarkeria matxistarik gabeko eremu baterantz aurrera eginez."*

## PROTOKOLOA

### 1. SARRERA

*Lan-inguruneko sexu-jazarpena eta sexuan oinarritutako jazarpena emakumeen aurkako indarkeria motak dira, eta emakumeen eta gizonen arteko desberdintasunaren egiturazko arazoan dute jatorria. Berdintasun-politikek eskaintzen dizkiguten tresnen bidez prebenitzea, beraz, administrazio publikoen betebeharra da. (Emakundeko Protokoloa – Sarrera).*

*Era berean, LGTBI komunitateko pertsonak—intersex gorputzak dituztenak, gorputz transgeneroak, pertsona homosexualak eta lesbikoak— zein tradizionalki ezarritako genero-eskemak hausten dituzten emakume eta gizonak ere, desberdintasun estruktural beragatik, lan-inguruneko sexu-jazarpena eta oro har diskriminazioa jasaten dituzten taldeak dira.*

*Martxoaren 16ko 1/2023 Legegintzako Dekretuak, emakumeen eta gizonen berdintasuna eta emakumeen aurkako indarkeria matxistarik gabeko bizitza bermatzen dituen legearen testu bateginak arautzen duen bezala eta enpresetan LGTBI pertsonen berdintasuna eta diskriminaziorik eza bermatzeko neurri planifikatuak garatzen dituen urriaren 8ko 1026/2024 Errege Dekretuak ezartzen duen markoaren arabera, ezinbestekoa da enpresek lan-esparruan sexu jazarpenari eta sexuan- eta generoan-oinarritutako jazarpenari aurre egiteko jarduera-protokolo argi, eguneratu eta eraginkor bat izatea.*

*Sexu-jazarpena eta sexu eta genero-arrazoiengatik jazarpena sexuagatik diskriminazio-ekintzak edo jokabideak delituak dira, bai EAEko araudian 1 bai Estatukoan 2 tipifikatuak. Gainera, izaera psikosozialeko lan-arriskuak dira, eta horiek pairatzen dituzten pertsonen segurtasunean eta osasunean eragin dezakete.*

**"Indarkeria matxistak"** terminoa<sup>3</sup> gehitu dugu definizioan bertan, indarkeriaren kausak eta eragilea aipatzen dituelako: "matxismoak eragindako indarkeria" eta "arraren edo matxistaren indarkeria". "Matxista" kontzeptuaren erabilerak menderatze-sistema maskulinoari nahiz sistema horren muturreko jarrerari egiten die erreferentzia.

Izan ere, uste dugu termino horrek emakumeen eta normatiboak ez diren pertsona guztien aurka hainbat testuingurutan gauzatzen diren indarkeria-mota guztiak biltzen dituela. Indarkeria eta sexu-jazarpena, baita sexuagatiko, sexu-identitateagatiko, genero-adierazpenagatiko edo sexu-orientazioagatiko indarkeria eta jazarpena ere, egiturazko arazoak dira; horregatik, pertsona guztiek dute konponbidea emateko ardura. Horrela, "indarkeria matxistak" terminoa erabiliz, emakumeek emakume izateagatik jasaten dituzten indarkeriak ez ezik, beste indarkeria mota batzuk ere barneratu nahi dira, hala nola transfobia, lesbofobia eta homofobia, besteak beste.

Dokumentua errazago irakurtzeko, hemendik aurrera, **"sexu-jazarpena edota genero arrazoiengatiko jazarpena"** terminoa erabiliko da lehen aipatutako guztiei erreferentzia egiteko.

Halaber, erakundeak behartuta daude langileen laneko segurtasuna eta osasuna babesteko beharrezkoak diren neurriak hartzea<sup>1</sup>, bai prebentzio-politiken bidez —kasuak gerta ez daitezen— bai politika erreaktiboaren bidez —gerta daitezkeen kasuei berehalako erantzuna emateko—.

Beasaingo Udalaren protokolo honek ikuspegi prebentiboa eta ikuspegi erreaktiboa barneratuko ditu. Lehenengoa, ikuspegi prebentiboa, funtsezkoa da protokolo hau aplikatu behar ez izateko. Bigarrena, ikuspegi erreaktiboa, sexu-jazarpena edota generoagatiko jazarpena gertatzen den kasuetan jarraitu beharreko urratsak zehazteko ezinbestekoa da.

Prebentzio-lanketari dagokionez, lehen lan-ardatzek emakumeen eta gizonen berdintasunaren arloko prestakuntza eta sentsibilizazioa jorratuko dituzte, baita indarkeria matxisten prebentzioa ere.

Horregatik guztiagatik, ildo horretan jarraitu beharreko jarraibide batzuk jasoko dira. Sexu-jazarpena edota generoagatiko jazarpena gertatzen den kasuei dagokionez, kasuak ebazteko arduradunak nortzuk izango diren zehaztuko da, hau da, "Aholkularitza Konfidentziala" izeneko organoa osatuko duten pertsonak. Organo hori prestakuntza espezializatua duten pertsonak osatuko dute, eta bertan zehaztuta egongo dira bai salaketa-eredua, bai bi prozeduretako bakoitzean jarraitu beharreko bidea ere.

## 2. UDALAREN KONPROMISOA

Protokolo honen bidez, Beasaingo Udalak adierazten du ez duela onartuko bere antolamendu osoan inolako sexu-jazarpenik edota generoagatiko jazarpenik dakarren inolako jokabiderik ere.

Protokolo honekin, Beasaingo Udalak sexu-jazarpenaren edota generoagatiko jazarpenaren aurkako prebentzioarekin eta jarduerarekin duen konpromisoa azpimarratu nahi du. Bere erakundearen zerbitzuak ematen dituzten pertsona guztiei protokoloaren aplikazioaren berri eman nahi die, hau da, berriazko langileei zein beste erakunde batzuetatik datozeinei, zein lan harremanik izan ezean zerbitzuak ematen dituztenei, zein erakundearekin berarekin lankidetzan diharduten pertsonen, hala nola, prestakuntzan edo praktiketan daudenak.

Era berean, Beasaingo Udalak bere gain hartzen du protokolo honen berri emateko konpromisoa, zorrotz bete behar dela adieraziz, baita bertako langileak joaten diren enpresei zein Udalean lan egiten duten langileen jatorriko enpresei ere. Horrela, protokolo honetan xedatutakoa betetzeko betebeharra beste erakunde batzuekin sinatutako kontratuetan jasoko da.

Lan-harremanen esparruan, ustezko jazarlea erakundearen zuzendaritza-boteretik kanpo balego, eta beraz, Beasaingo Udalak ezingo balu prozedura osorik aplikatu, erakunde eskudunarengana joko luke neurri egokiak har ditzan eta, hala badagokio, erantzulea zigor dezan. Aldi berean,

---

<sup>1</sup> <http://www.berria.com/2016/05/04/indarkeria-matxistak/>

ohartaraziko lioke, hala egin ezean, bi erakundeak lotzen dituen merkataritza-harremana amaitu litekeela.

Protokolo honek Emakumeen eta Gizonen berdintasun Eragingarrirako martxoaren 22ko 3/2007 Lege Organikoaren 46.2 eta 48. artikuluetan, berdintasun-planak eta horien erregistroa arautzen dituen urriaren 13ko 901/2020 Errege Dekretuan eta laneko hitzarmen eta akordio kolektiboen erregistro eta gordailuari buruzko maiatzaren 28ko 713/2010 Errege Dekretuan eta Laneko Arriskuen Prebentzioari buruzko azaroaren 8ko 31/1995 Legearen 14. artikuluan eskatzen dena betetzen du.

Hain zuzen ere, Udalak, protokolo hau osatzen duten neurriekiko konpromisoa hartzean, jarrera proaktiboa hartzeko borondatea adierazten eta iragartzen du, bai jazarpenaren prebentzioan – erakundeak onartzen ez dituen portaerei buruzko sentsibilizazioa eta informazioa eskaintzen –, bai jardunbide egokien zabalkundean eta gai horri buruz planteatzen daitezkeen kexak eta salaketak kudeatzen, baita kasu bakoitzean dagokionaren arabera ebazteko beharrezkoak diren neurri guztiak ezartzen ere.

### 3. EZARPEN EREMUA

#### ESPAZIO-EREMUA

Espazio-eremuari dagokionez, Protokolo hau Beasaingo Udalarik dagozkion eremu guztietan aplikatuko da, hau da, espazio fisikoetan (eraikinak, bulegoak, bilera gelak, ...) eta/edo birtualetan.

Alde batetik, Protokoloa aplikatuko zaie lanean gertatzen diren sexu-jazarpena edota generoagatiko jazarpena egoerei, lanarekin lotuta edo horren ondorioz gertatzen direnean :

- a) Lantokian, eta lantoki gisa ulertu daitezkeen espazio publikoetan zein pribatuetan;
- b) Lanarekin zerikusia duten joan-etorrietan, bidaletan, ekitaldi edo jarduera sozialetan edo prestakuntza-jardueretan;
- c) Laneko komunikazioen esparruan, baita informazioaren eta komunikazioaren teknologien bitartez egindakoak ere (jazarpen birtuala edo ziber-jazarpena);
- d) Enplegatzaileak emandako bizilekuan;
- e) Etxetik lantokira bitarteko ibilbideetan.

#### DENBORA-EREMUA

Protokolo hau sinaduraren datatik aurrera egongo da indarrean, eta zehaztugabeko iraupena izango du. Suertatutako aldaketei eta hobekuntza-prozedurei lotuta egongo da, bai Beasaingo Udalak eginak, bai legeak ezarrita, beti ere ordezkatzeko duen bestelako protokolorik adostu ez den heinean.

#### EREMU PERTSONALA

Protokoloa martxan jartzeko, indarkeriak jasan dituzten pertsonak ez dute zertan salaketa jarri polizia-etxean edo epaitegian.

Protokoloaren eremu pertsonala honakoa da:

1. Udalarekin lan-lotura duten langileek, funtzionario publikoek edo zinegotziek. Beasaingo Udalak nahitaez bermatu behar ditu langile guztien lan segurtasuna eta osasuna. Horretarako, bere esku dagoen guztia egingo du langileen osasunerako arriskutsuak diren edozein lan-giro saihesteko. Beasaingo Udaleko langileak honako hauek dira:

- a. Enplegatu publikoak.

b. *Praktiketan dauden langileak.*

*Nolanahi ere, protokoloa aktibatzeke bi pertsonetako batek langilea izan behar du. Hau da, salatzailleak edo salatuak izan behar du lan-lotura Udalarekin.*

2. *Beasaingo Udalaren langileak ez diren pertsonak, hau da, kontratatutako kanpoko langileak direnak: zerbitzuen erabiltzaileak, erakunde hornitzaileak edo kolaboratzaileak. Kasu horietan neurriak adosteko edota euren protokoloa aktibatzeke ardura kanpoko enpresek izango dute. Ikus protokoloaren 10. atala (31. orria) Protokoloa aplikatzea kanpoko enpresak tartean daudenean.*

a. *Ustezko jazarpenaren salatua Beasaingo Udalaren langilea ez bada, Beasaingo Udalak ezingo luke protokoloa bere osotasunean aurrera eraman. Kasu horietan, Beasaingo Udalak ustezko salatuaren erakunde, enpresa edota elkarte eskudunari zuzenduko da, aurkeztutako erreklamazioa bidera dezan, eta, hala badagokio, pertsona erantzulea zigortu dezan. Adierazitakoa egingo ez balu, Beasaingo Udalak zein neurri hartu ditzakeen hausnartuko du.*

b. *Beasaingo Udalak kontratatzen dituen zerbitzuen erabiltzaileei, erakunde hornitzaileei zein kolaboratzaileei sexu-jazarpenaren edota generoagatiko jazarpenaren aurrean dituen politiken berri emateko konpromisoa hartzen du.*

3. *Ustezko jazarpenaren salatua zerbitzuen erabiltzaileak direnean (herritarrak/partikularrak)*

*Ustezko salatua Beasaingo Udalaren zerbitzuen erabiltzailea bada eta erakundearekin lan-harremanik ez badu, honako neurri hauek aplikatuko dira:*

#### **SALAKETA EDO KEXA JASOTZEA**

☐ *Aholkularitza konfidentzialari formalki jakinaraztea.*

☐ *Salaketa barne-mekanismoen bidez erregistratzea (posta elektronikoa, formularioa, etab.).*

*Beasaingo Udalak salatutako gertakariak aztertuko ditu eta beharrezko informazioa bilduko du neurri egokiak zehazteko. Prozesu horretan, honako hauek bermatuko dira uneoro:*

☐ *Inplikaturako alderdien konfidentzialtasuna.*

☐ *Salatzailearen babesa eta ingurune segurua izateko eskubidea.*

#### **NEURRI ZUZENTZAILAK**

*Jazarpena egon dela baieztatzen bada:*

*Erabiltzaileari ohartarazpen formala: Salatuari jakinaraziko zaio bere jokabidea onartezina dela eta Udalaren politikak urratzen dituela.*

*Zerbitzuetarako sarbidea mugatzea edo debekatzea: Larritasunaren arabera, aldi baterako edo behin betiko murrizketak ezarri ahal izango zaizkio erabiltzaileari Udalak emandako zerbitzueta sartzeko.*

*Erakunde eskudunen esku-hartzea: Egoera larrietan, Udalak dagokion agintaritzara (polizialak edo judizialak) bideratu ahal izango du kasua.*

*Espazioaren erabilerari buruzko araudia: Jazarpen-egoeren ondorioz herritarrei ezar dakizkiekeen zigorrak Beasaingo Udalaren espazio eta zerbitzuen erabilerari buruzko araudian txertatuko dira. Herritarrei modu erraz eta argian emango zaie arau horien berri.*

#### **INFORMAZIOA ETA PREBENTZIOA**

□ Zerbitzuen erabiltzaile guztiei sexu-jazarpenarekiko eta genero-arrazoiengatiko tolerantziarik gabeko politikari buruzko informazioa ematea.

□ Espazioaren erabilerari buruzko araudian sartzeari baimendu gabeko jokabideak eta balizko zehapenak, errespetuzko ingurunea bermatzeko.

#### 4. KONTZEPTUEN DEFINIZIOA

##### SEXU-JAZARPENA

*Sexu-jazarpena: ahozko jokaerak zein ahozkoak ez diren eta fisikoak diren jokaerak, sexu-izaerakoak eta nahi ez direnak, laneko, irakaskuntzako edo antzeko harremanen esparruan egiten direnak, emakumearen duintasunaren aurka jokatzeko edota larderiazko ingurune aurkako, laidogarri, umiliagarri edo iraingarria sortzeko asmoz edo sortzearen ondorioz. (GFAko terminologia)*

*Sexu-jazarpenaren berehalako helburua sexu-gogobetetasunen bat lortzea da, baina azken helburua pertsona batek beste bat mende hartzeko boterea adieraztea da; maiz gizonezkoa da emakumea mende hartzen duena, modu horretan betikotuz gure gizartean oraindik ere irauten duten zenbait botere-egitura.*

*Sexu-jazarpena dakarten jokabideak*

*Hitzezko jokabideak:*

- Sexu-iradokizunak, proposamenak edo sexu-jarduerarako presioa;
- Flirteo iraingarriak;
- Iruzkina iradokitzaileak, zeharkakoak edo iruzkin lizunak;
- Nahi ez diren sare sozialetako telefono-deiak edo kontaktuak;
- Sexu-itxurari buruzko txantxak edo iruzkinak.

*Hitzik gabeko jokabideak:*

- Sexualki iradokitzaileak edo pornografikoak diren argazkiak, objektuak edo idatziak, begirada lizunak eta keinuak erakustea.
- Posta elektronikoko edo sare sozialetako gutunak edo mezuak, izaera iraingarrikoak eta eduki sexual argikoak.

*Portaera fisikoak:*

- Kontaktu fisikoa nahita eta eskatu gabe, besarkadak edo nahi ez diren musuak, hurbilketa fisiko gehiegizkoa eta beharrezkoa ez dena.

*"Quid pro quo" sexu-jazarpena edo sexu-xantaia dakarten jokabideak*

*Sexu-jazarpena dakarten jokabideen artean, "quid pro quo" sexu-jazarpena edo sexu-xantaia bereiz daitezke; hau da, biktima behartzea bi aukera hauek hautatzera: batetik, sexu-eskakizunei men egitea, eta, bestetik, zenbait onura edo lan-baldintza galtzea edo kaltetuta ikustea, baldin eta lanbide-heziketan, etengabeko enpleguan, mailaz igotzean, ordaintzean edo gai horrekin lotutako beste edozein erabakitan eragina badute. Agintekeria den heinean, jazarlea izango da, zuzenean edo zeharka, onura edo lan-baldintza bat emateko edo kentzeko boterea duena.*

##### SEXUAN OINARRITUTAKO JAZARPENA

*Honako hau har daiteke sexu-arrazoiengatiko jazarpentzat : "Pertsona baten sexuaren arabera egindako portaera oro, horren helburua edo ondorioa pertsona horren duintasunari erasotzea edo kikilduta, makurrarazita, edo laidoztatua sentiarazteko giroa sortzea bada".*

*Sexuan oinarritutako jazarpena nagusiek zein lankideek edo mendeakoei eragin dezakete, eta genero-estereotipoak izan ohi dira eragile nagusiak; maiz sexu bateko pertsonak mespretxatzea du helburu, haren gaitasunak, konpetentzia teknikoak eta trebetasunak gutxietsiz. Normalean sexu batek bestea mende hartzeko botere-egoera mantentzeko asmoz egiten da, eta sexueto bateko pertsonak lan-mundutik egozteak dute helburu.*

*Sexu-arrazoiengatiko kontzeptutik abiatuta, sexu-arrazoiengatiko jazarpena eskubideen urraketa horiek pertsona bati bere genero-identitatea (emakumea, gizona, trans., edo beste batzuk) dela medio edo bere lehentasun sexualak direla medio esleitzen zaion rolaekin harremana duenean gertatzen dena da.*

*Sexuagatiko jazarpena dakarten jokabideak*

*Erasoak antolaketa-neurriak erabiliz:*

1. Pertsonaren jarduna modu iraingarrian epaitzea, haren ahaleginak eta trebetasunak ezkutatzea.
2. Pertsonaren erabakiak auzitan jartzea eta desbaimentzea.
3. Atazarik ez esleitzea, edo zentzurik gabeko zereginak edo apalgarriak esleitzea.
4. Lana egiteko bitartekoak ukatzea edo ezkutatzea edo datu okerrak ematea.
5. Pertsonaren gaitasunak edo kualifikazioak baino askoz handiagoak edo askoz ere txikiagoak diren lanak esleitzea, edo daukana baino askoz kualifikazio txikiagoa eskatzen dutenak.
6. Agindu kontraesankorrak edo bete ezinak.
7. Gauzak, dokumentuak, lan-tresnak lapurtzea, ordenagailuko fitxategiak ezabatzea, lan-tresnak manipulatzeko eta kalte egitea.
8. Jazarpena jasaten duten pertsonen egindako mehatxuak edo presioak.
9. Pertsonaren gutunak, deiak, mezuak eta abar manipulatzeko, ezkutatzeko, itzultzea.
10. Baimenak, ikastaroak, jarduerak eta abar ukatzea edo eskuratzeko zailtasunak jartzea.

*Biktima isolatu nahi duten jarduketak:*

1. Pertsonaren kokapena aldatzea eta lankideengandik bereiztea (isolamendua).
2. Pertsonaren presentziari muzin egitea.
3. Ez hitz egitea pertsonari.
4. Lankideei pertsonarekin hitz egiteko aukera murriztea.
5. Pertsonari hitz egiten ez uztea.
6. Ikusmen-kontaktu oro saihestea.
7. Pertsonak eskura dituen komunikabideak (telefonoa, posta elektronikoa, etab.) ezabatzea edo mugatzea.

*Biktimaren osasun fisiko edo psikikoari eragiten dioten jarduerak:*

1. Mehatxu eta eraso fisikoak.
2. Ahozko edo idatzizko mehatxuak.
3. Oihuak eta/edo irainak.
4. Telefono dei beldurgarriak.
5. Pertsona probokatzea, eta emozionalki erreakzionatzera behartzea.
6. Pertsonari kalte egiteko gastuak nahita eragitea.
7. Lanpostuan edo bere gauzetan kalteak eragitea.
8. Pertsonari lan arriskutsuak edo osasunerako kaltegarriak direnak egiteko eskatzea.

*Gehiegizko eta etengabeko zinta berekin duten jokaerak erakustea.*

*Bizitza pribatuaren eta ospe pertsonal edo profesionalaren aurkako erasoak:*

1. Ospe pertsonala edo profesionala manipulatzeko zurrumurruaren, laidoztatzekoaren eta barrengarri uztearen bidez.
2. Pertsonak arazo psikologikoak dituela aditzera ematea, azterketa edo diagnostiko psikiatrikoa egiten saiatzea.
3. Keinuen, ahotsaren, itxura fisikoaren, ezgaitasunen, ezizenak jartzearen eta abarren isekak.
4. Kritikak naziotasunari, jarrera eta sinesmen politiko edo erlijiosoei, bizitza pribatuari eta abarri.

## **SEXU-ORIENTAZIOAGATIKO JAZARPENA**

*Pertsona baten aurkako hitzezko, hitzik gabeko edo nahi gabeko portaera fisiko oro da, haren sexu-orientazioarengatik haren duintasunaren aurka egitean, larderiazko, indarkeriazko, etsaitasunezko, laidoztatzeko, umiliatzeko, iraintzeko edo bereizteko ingurunea sortuz.*

*Sexu-orientazioagatiko jazarpena dakarten jokabideak*

*Pertsona baten aurkako edozein portaera, hitzezkoa, hitzik gabekoa edo fisikoa, haren sexu-orientazioan oinarrituta, haren duintasunaren aurka egiteko, eta, horrela, ingurune larderiatsua, bortitza, etsaitasunezkoa, apalesgarria, umiliagarria, iraingarria edo bereizia sortzeko. Sexu-orientazioagatiko jazarpena egiten da pertsona batengana modu iraingarrian zuzentzen denean edo haren lana gutxiesten denean haren orientazio sexualagatik, pertsonak modu desorekatuan tratatzen direnean beren homosexualitatean edo bisexualitatean oinarrituta, pertsona horrek egindako ekarpenak alde batera uzten direnean, sexu-orientazioaren arabera barrengarri uzten denean, umore homofobia, lesbofobia edo bifobia erabiltzen denean, etab.*

## **GENERO-IDENTITATEAGATIKO EDO -ADIERAZPENAGATIKO JAZARPENA**

*Hitzezko, hitzik gabeko edo nahi gabeko portaera fisiko oro da, pertsona baten aurka egiten dena, adierazpen-arrazoiengatik edo genero-identitateagatik, pertsona horren duintasunaren aurka egiteko. Horrela, larderiazko, indarkeriazko, umiliaziozko eta desberdintasunean oinarritutako ingurunea sortzen da.*

*Genero-identitateagatiko edo -adierazpenagatiko jazarpena dakarten jokabideak*

*Pertsona baten genero-adierazpen edo -identitatean oinarrituta, nahi gabe, hitzezko jarrera, hitzik gabeko jarrera edo jarrera fisikoa erakusten denean, pertsona horren duintasunaren aurka eginez eta, horren ondorioz, larderiazko, indarkeriazko, etsaitasunezko, laidoztatzeko, umiliatzeko, iraintzeko edo bereizteko giroa sortuz.*

*Genero-identitateagatiko edo -adierazpenagatiko jazarpena egiten da trans pertsona bat hark nahi duen moduan izendatzen ez denean edo hura identifikatuta sentitzen den generoarekin bat ez datozen izenordainak erabiltzen direnean, genero-identitateagatiko gaitasunak eta trebetasunak gutxiensten direnean eta haren ekarpenak kontuan hartzen ez direnean, pertsona hori enpresako instalazio jakin batzuetan egoteagatik arauz kanpoko genero- edo identitate-adierazpenak egiten zaizkionean edo adierazpen horiez baliatuz handik kanporatzen denean, pertsonarentzat iraingarria den umore transfobia edo interfobia erabiltzen denean, etab.*

#### **INDARKERIA MATXISTAK**

*Tradizioz esleitutako genero-eskemak hausten dituzten gorputzetan (intersex, transgenero, transexual, transexual, homosexual, lesbiko eta sexu/genero eskema tradizionala erreproduzitu nahi ez duten emakume eta gizonak) gauzatzen diren indarkeria-mota guztiak, espazio fisiko eta sinboliko guztietan. Izan ere, gorputz intsumiso horiek jasaten dituzten zuzeneko indarkeria-adierazpenak haurtzarotik agertzen dira, eta bizitzan zehar forma desberdinak hartzen jarraitzen dute.*

#### **JOKABIDE MATXISTAK**

*Jokabide matxistak dira, oro har, gogaikarriak edo desatseginak haiek pairatzen dituztenentzat eta ikusten dituztenentzat.*

*Aldizkako jokabideak dira, errepikatuz gero edo ohikoak eginez gero sexu-jazarpena eta generoan oinarritutako jazarpena eragin dezaketenak.*

*Batzuetan, gizarte-usadioek onartutakoak dira, baina erakundearen balioen aurkakoak dira, eta, horregatik, gaitzesgarriak.*

*Jarraian, adibide gisa, balizko jokabideak zerrendatzen dira, adierazpenezkoak eta inola ere ez mugatzaileak.*

- *Sexuarekin lotutako txisteak, piropoak, iruzkinak eta txantxak, betiere lantaldeetako pertsona zehatzei zuzentzen ez bazaizkie; kasu horietan jazarpena, sexu-jazarpena edo generoan oinarritutako jazarpena izango lirateke.*

- *Irudi sexualak edo pornografikoak erabiltzea lantokietan, baldin eta irudiak ez badira laneko espazioak partekatzen dituzten pertsonenak; kasu horretan, sexu-jazarpena izango dira.*

- *Paternalismoa zereginak banatzean edo horiek egiteko laguntza eskaintzean.*

- *Gorputzei, janzteko moduei, ezaugarri espezifikoak eta adinari buruzko iruzkinak, pertsona zehatzei buruzkoak ez direnean.*

*Aipatutako kasuez gain, kontuan izan behar da edozein jokabide matxista, hasieran larritasun gutxikoak dirudienak barne, jazarpena ere izan daitekeela egoera jakin batzuetan.*

#### **5. PROZEDURAREN BERMEAK**

*Protokolo hau aplikatzeak berekin dakar prozedura informatzeko printzipio eta berme hauek betetzea:*

#### **ERRESPETUA ETA BABESA**

*Pertsonen intimitatea eta duintasuna babesteko zuhurtziaz jokatu da. Hori dela eta, edozein jarduketak inplikaturako pertsona guztiekiko errespetua izango du. Izan ere, prozesu osoan zehar parte hartuko duten pertsona guztiek Protokolo honen jakitun izan behar dute.*

#### **KONFIDENTZIALTASUNA ETA DATUEN BABESA**

*Indarkerien aurreko edozein kontsulta edo kexa konfidentzialtasun-printzipioren babesa izango du. Berme horrek bereganatzen ditu bai zuzenean inplikatura dauden pertsonak, bai Protokolo hau aurrera eramateko, era batean edo bestean, parte hartu dutenak. Kaltetutako pertsonen anonimotasuna zainduko da. Protokolo honetan aurreikusitako prozeduran parte hartzen duten pertsonak, bai instruktore gisa, bai aholkulari gisa, kasuaren aurrean isiltasun-betebeharra bete beharko dute, inplikaturako pertsonen pribatutasuna babesteko. Debekatuta dago salaketarekin edo ikerketarekin zerikusia duten dokumentuak zabaltzea, prozedura judizial edo administratibo bat hasteko beharrezkoa denean izan ezik.*

*Osasunari buruzko datuak berariaz tratatu behar dira, eragindako pertsonak espedienteen sar daitezen berariazko baimena eman ondoren, eta sortzen den edozein txostenek osasun-datuen konfidentzialtasun-eskubidea errespetatu behar du.*

#### **AZKARTASUN- PRINTZIOA**

*Premiaz izapidetu behar da, eta gehieneko epe bat ezarri behar da izapidetzen diren erreklamazioak edo salaketak ebazteko.*

#### **BERRIZ EZ BIKTIMIZATZEKO PRINTZIOA**

*Ahal dela, saihestu egin behar da jazarpena jasan duen pertsonak behin eta berriz azaltzea eta deskribatzea zer jokabideren biktima izan den.*

#### **LAN-INGURUNEAN BIKTIMA ERREPARATZEKO PRINTZIOA**

*Sexu-jazarpena edota generoagatiko jazarpena dakarren edozein jokabideren eraginpean dauden pertsonak kalte-ordaina jasotzeko eskubidea dute, ezarritako legezko mekanismoen bidez; era berean, helburu horrekin, Beasaingo Udalak honako konpromiso hauek hartuko ditu bere gain, adibide gisa: lanbide-ingurunean jazarpenaren biktimari laguntzea, eta, horrela, Beasaingo Udalak biktimaren proiektu profesionala berreskuratzeko neurriak abian jartzeko konpromisoa hartuko du; biktimaren esku jartzea egoki iritzitako neurri guztiak bere osasuna modu integralean babesteko eskubidea bermatzeko, harik eta erabat oneratu arte, esate baterako, jazarpenaren biktimei laguntza profesional psikologikoa eta/edo medikoa ematea, edo isilpeko aholkularitza batekin harremanetan jartzea. Azken horrek laguntza, aholkularitza eta sostengua emango ditu biktima gertakariaren aurreko normaltasun-egoerara itzul dadin.*

#### **ERREPRESALIEN DEBEKUA**

*Jazarpen ikerketetan bermatuko da ez dela errepresaliarik egongo salatzen, lekukotza ematen, laguntzen edo parte hartzen duten pertsonen aurka, ezta horrelako jokabideen aurka egiten edo horiek kritikatzeko dituztenen aurka ere, ez beren buruengan, ez hirugarrenei eginda ere. Aipaturako subjektuetako (salatzaileak, lekukoak edo laguntzaileak) baten kontra hartutako neurriak haien mesedegarriak ez badira, deusezak izango dira. Prozeduran zehar errepresaliak gertatu badira edo biktimari edo jazarpenaren salatzaileei kalterik eragin bazaie, gutxienez, jazarpenaren aurretik zeuden baldintzetan lehengoratuko dira, egoera horren eta horren ondorioen inguruan hasi nahi duten beste edozein prozedura eragotzi gabe. Sexu-jazarpenaren edota generoagatiko jazarpenean oinarritutako kexa edo salaketa faltsua nahita aurkeztea oso zehapen astuntzat hartzen da.*

#### **PRESTAKUNTZA JASO DUTEN PERTSONEI LAGUNTZEKO PRINTZIOA**

*Prozedura bermatze aldera, Beasaingo Udalak ziurtatuko du berdintasunean eta horren eginkizunetan trebatutako pertsonak parte hartzen dutela. Era berean, salaketak izapidetzeaz arduratuko den organoa osatzean, emakumeen eta gizonen ordezkaritza orekatua bermatzea garrantzitsua da.*

#### **LANKIDETZA-PRINTZIOA**

*Sexu-jazarpeneko edo/eta sexu-arrazoiengatiko jazarpeneko portaeraren baten berri duten pertsona guztiek horren berri eman behar diote Aholkularitza Konfidentzialari. Prozedura hau aplikatzean zitezake jasotzen duten pertsona guztiek inplikatzeko eta lankidetzan aritzeko betebeharra dute.*

## 6. PROZEDURA IZAPIDETZEKO ARDURA DUEN ORGANOA

Sexu-jazarpeneko edota generoagatiko jazarpeneko kasuetarako instrukzio- eta jarraipen-batzorde bat eratu da, Aholkularitza Konfidentziala izeneko.

Honako hauek osatuko dute:

- Julen Urteaga Legarra
- Maider Aizkorbe Agirre
- Ixiar Carabelos Astiasaran

Berdintasun teknikariaren laguntza eta orientazioa izango dute.

Prozedura honen konfidentzialtasuna ahalik eta gehien bermatzeko, Aholkularitza Konfidentzialeko taldea egonkorra izango da.

Aholkularitza Konfidentziala osatzen duten pertsona horiek zehatz-mehatz beteko dute inpartzialtasuna. Beraz, ikerketak eragindako pertsonaren batekin edo batzuekin odolkidetasunezko edo kidetasunezko ahaidetasunen bat izanez gero, prozedurak eragindako pertsonekin edo prozesu zehatzean zuzenean edo zeharkako interesak eragindako pertsonekin adiskidetasun estua edo etsaitasun nabarmena izanez gero, ezingo dute ekintzarik aurrera eraman. Arrazoi horiek egon arren abstentzioa gertatzen ez bada, prozedurak eragiten dion edozein pertsonak eskatu ahal izango du pertsona hori edo Aholkularitza Konfidentzialeko pertsonak ordezkatzeko.

Horrez gain, Aholkularitza Konfidentzialak kanpoko aditu bat kontratatzeko eskatu ahal izango du, prozeduraren instrukzioan lagun dezakeena, bai bere erabakiz, bai eraginpeko pertsonaren batek eskatuta.

Protokolo honetako prozeduraren arabera, Aholkularitza Konfidentziala, gehienez ere 3 laneguneko epean bilduko da, kexa, salaketa edo jokabide desegoki baten berri jasotzen den egunetik.

Aholkularitza Konfidentzialean, berehala eta zehatz-mehatz ikertuko da sexu-jazarpentzat edota generoagatiko jazarpentzat har daitekeen edozein salaketa, komunikazio, kexa edo txosten. Kexak, salaketak eta ikerketak modu erabat konfidentzialean tratatuko dira, ikertzeko eta neurri zuzentzaileak hartzeko beharrezko koherentziaz, pertsonen intimitatean eta ohorean eragin zuzena izan dezakeela kontuan hartuta.

### 6.1.1. AHOLKULARITZA KONFIDENTZIALAREN EGINKIZUNAK

Eginkizun hauek beteko ditu:

- ☐ Jokabide matxistei edo sexu-jazarpenari edota generoan oinarritutako jazarpenari buruzko kexak, komunikazioak edo salaketak jasotzea eta izapidetzea.
- ☐ Aholku ematea, eta pertsonen beren eskubide eta betebeharren, protokolo honetan jasotako prozedura metodoen eta abarren berri ematea.
- ☐ Kexa edo salaketa egiazkoa dela baiestea, ikerketa konfidentzial, erraz eta bizkor baten bidez.
- ☐ Jazarpenaren larritasuna identifikatzea.
- ☐ Prozedura garatzea.
- ☐ Salatuari salaketaren berri ematea eta entzunaldia ematea.
- ☐ Salatutako egoera ikertu eta baloratzea.
- ☐ Balorazio txosten bat egitea, ikerketaren ondorioak jasota; horren barruan sartuko dira, kasuaren zantzu eta frogabideak, izan litezkeen astungarri edo aringarriak eta jarduketa proposamenak.
- ☐ Balorazio txostenari aurkezten zaizkion alegazioei erantzutea.

## 7. PREBENTZIO NEURRIAK

Ezinbestekoa da jazarpen-jarduerak edo jarduera matxistak zuzentzea eta sexu- jazarpena eta generoan oinarritutako jazarpena prebenitzea, jazarpen hori desagerrarazteko. Horretarako, proposatutako neurriak esku hartzeko 4 ardatzetan egituratzen dira: sentsibilizazioa, prestakuntza, komunikazioa eta arriskuaren detekzio goiztiarra. Lehenengo biak jazarpenaren lehen mailako prebentzioa dira, eta hirugarrena eta laugarrena, aldiz, bigarren mailako prebentzioa.

Aipatutako 4 ardatz horiek garatzeko prebentzio-jarduerak berdintasun-planeko jardurekin lotuko dira, bertan zehazten diren epeekin, arduradunekin eta aurrekontuarekin, hargatik eragotzi gabe

prebentzio-neurriak eraginkortasunez txertatzea Beasaingo Udaleko lan-arriskuen kudeaketa-sisteman.

#### 7.1.1 SENTSIBILIZAZIOA

- Protokoloaren komunikazio orokorra.
- Langileen atarian zabaltzea.
- Lantokietako jazarpenari buruzko liburuxka, diptikoa edo triptikoa edukitzea.

#### 7.1.2 PRESTAKUNTZA

Jazarpen-kasuen prebentzioari eta detekzioari buruzko prestakuntza bi lan lerroren bidez ezarriko da:

1. ildoak: sexu jazarpena prebenitu eta detektatzeko sentsibilizazioa, prestakuntza eta orientazioa erakundeko langile guztientzat, bi urtez behin saio bat egitea aurreikusten da.
2. ildoak: Bi urtez behin saio bat egitea aurreikusten da. Berariazko prestakuntza prestatu, diseinatu eta emango zaie Aholkularitza Konfidentzian parte hartzen duten langileei. Prestakuntza espezifiko hori beharrezkoa eta nahitaezkoa da Aholkularitza Konfidentziala osatzen duten pertsonentzat.

#### 7.1.3 KOMUNIKAZIOA

- Jarduketa-protokoloa eta kexak eta salaketak jakinarazteko modua erakunde osoan zabaltzea, esku hartzen duen organoan eta erreferenteen artean.
- Protokoloa harrera-eskuliburuetan zabaltzea.

#### 7.1.4 ARRISKUAREN DETEKZIO GOIZTIARRA

- Arrisku psikosozialen ebaluazioan sartzea jokabide matxisten eta sexu-jazarpeneko edota generoan oinarritutako jazarpeneko egoeren adierazleak azterketa.
- Jazarpenari buruzko galderak sartzea lan-giroari buruzko inkestan, emaitzak aztertzea eta dagozkion hobekuntza-ekintzak programatzea.

### 8. JARDUKETA PROZEDURA

#### 8.1.1. PROZEDURA MOTAK

Bi prozedura-mota ezartzen dira:

- ☐ Prozedura informala: Prozedura informala eta laburra da, sexu-jazarpenetako edota generoan oinarritutako jazarpenetako hartzeko bezain larriak ez diren ekintzen kasuan soilik erabili ahal izango da; jokabide matxistak zuzentzeko helburua duten egintzei ekiteko soilik diseinatuak.
- ☐ Prozedura formala: sexu- jazarpena edota generoan oinarritutako jazarpena iradokitzen duten jokabideen kasuan erabiliko dena.

#### 8.1.2. SALAKETA EGITEA

Nork egin dezake salaketa?

Beasaingo Udaleko langilea, praktiketako langilea edo Udalean lan egiten duten kanpoko enpresetako langilea den pertsona orok, baldin eta ustezko jokabide matxista, sexu-jazarpena edota generoan oinarritutako jazarpena pairatu edo honen berri badu. Ikus protokoloaren 3.atal (8.orria) Ezarpen eremua.

Protokolo hau aplikatzeak ez die eragotziko ez inplikaturako alderdiei ez Beasaingo Udalari bidezko jotzen dituzten legezko ekintzak egitea, bai bide judizialean, bai administrazio-bidean, protokoloa garatu aurretik, aldi berean edo ondoren.

Salaketa egiteko bideak

Prozedura hasteko, Aholkularitza Konfidentzialarekin harremanetan jarri behar da, honako hauek baliatuta:

[isilpekoaholkularitza@beasain.eus](mailto:isilpekoaholkularitza@beasain.eus)

Aholkularitza Konfidentzialak hitzordu bat adostuko du eskatzailearekin, eta informazioa emango du kexa edo salaketa Sexu-jazarpen eta generoan oinarritutako jazarpenagatiko protokoloa

aktibatzea eskatzeko salaketa-inprimakian (1. Eranskina) aurkeztu eta erregistratzeari buruz, emandako informazioaren konfidentzialtasuna bermatzeko.

Hasierako elkarrizketa horretarako, pertsona lagunduta joan daitekeela jakinaraziko da, bai eta kexa edo salaketa nork izapidetuko duen ere.

*Nola jarri kexa edo salaketa bat*

Protokoloaren aplikazio-eremuan zehaztutako pertsonak (ikus 7. orria) jar dezakete edozein kexa edo salaketa eta Aholkularitza Konfidentziala da horiek kudeatzeko eta izapidetzeko ardura duen organoa.

Beasaingo Udala osatzen duten langileek jakin behar dute, engainuz edo fede txarrez jokatu ezean, ez dutela zigorrik jasoko protokoloa aktibatzeagatik. Hala eginez gero, edozein erreklamazio jartzean, egiazkotasun-presuntzioa izango du, eta Aholkularitza Konfidentzialak kudeatuko du.

Jazarpen-egoeren berri duen edonork kexa edo salaketa aurkez dezake Aholkularitza Konfidentzialean sexu-jazarpenari edota genero-arrazoiengatik jazarpenari buruz ondoren arautzen den prozeduraren arabera. Hirugarren pertsona batek kasu bat jakinarazten badu, prozedura ez da aktibatuko jazarpena edo eraso jasan duen pertsonak baimena idatziz eman arte.

Salaketak isilpekoak izango dira, baina ezin izango dira anonimoak izan, Beasaingo Udalak eragindako alderdien konfidentzialtasuna bermatuko du.

Kexa edo salaketa ahoz edo idatziz egin daiteke. Aholkularitza Konfidentzialak, ahozko komunikazio edo salaketaren bat jasoz gero, jarduketa-prozedura hasteko berehala erregistratu beharko du idatziz Sexu-jazarpen eta generoan oinarritutako jazarpenagatik protokoloa aktibatzea eskatzeko salaketa-inprimakian (1. Eranskina).

Salaketetan, gomendatzen da salatutako gertakaria deskribatzea, behar diren bezain beste orri zenbakituak erantsita, ahal den guztietan gertaeren datak eta tokiak adierazita, eta, hala badagokio, gertakarien lekuko izan diren pertsonak.

Pertsonak salaketa sinatu nahi ez badu, erakundeak jarraituko du prozedurarekin, martxoaren 16ko 1/2023 Legegintzako Dekretuko 47.5. artikulua arabera, Emakumeen eta gizonen berdintasuna lortzeko eta emakumeen kontrako indarkeria matxistatik gabe bizitzeko Legearen testuategina onartzen duena.

*Izapideak*

Prozeduretan ezarritako epeak egun baliodontzat hartuko dira.

Errefusatzeko edo abstentzioaren kasuan, kontuan hartuko da eta aplikatuko da Sektore Publikoaren Araubide Juridikoaren urriaren 1eko 40/2015 Legearen 23. eta 24. artikuluetan indarrean dagoen araudia.

Protokolo honetako prozeduraren arabera, Aholkularitza Konfidentziala, gehienez ere 3 laneguneko epean bilduko da, kexa, salaketa edo jokabide desegoki baten berri jasotzen den egunetik.

### **8.1.3 JOKABIDE MATXISTAK EBAZTEKO PROZEDURA INFORMALA**

Helburua da ustezko jokabide matxistak arin konpontzea, sexu-jazarpen edo generoan oinarritutako jazarpen bihur ez daitezen. Pertsonari bere jokabideak sortzen dituen ondorio iraingarriak, larderiazkoak eta jazarpen bihurtzeak ekar ditzakeen ondorioak adieraztea lagungarria izan daiteke arazoa konpontzeko.

Salaketa Aholkularitza Konfidentzialera iristen denetik prozedura informala amaitu arteko epea ez da 30 egunetik gorakoa izango salbu eta arrazoitutako inguruabarrek aipatutako epeak betetzea eragozten badute; kasu horretan, inguruabar horiek adierazten dituen txosten arrazoitua egin beharko da. Beharrezkoa izanez gero, prozedura behin-behinean etenda gera daiteke, harik eta hori eragin zuten inguruabarrak ebatzi arte. Kasu horretan, eta denboran luzatuko dela aurreikusten denean, txostena egingo da (2. Eranskina), eta Alkateari igorriko zaio. Alkateak Aholkularitza Konfidentzialari jakinaraziko dio egoera hori amaitzen edo aldatzen denean.

**FASEAK**

**1.FASEA: Prozedura informala onartzea**

Jokabide matxista dela uste bada, salatzaileari prozedura informala egitea proposatuko zaio, zertan datzan azalduz eta bere zalantzei erantzunez.

Prozedura informala onartzen ez bada, Aholkularitza Konfidentzialak txosten bat egingo du, gertakarien azterketa zehatzarekin (2. Eranskina), eta Alkateari bidaliko da. Alkateak erabakiko du zer neurri hartu, eta alderdiei horren berri emango die.

## 2.FASEA: Esku-hartzea

Salatuari jakinaraztea eta pertsonekin harremanetan jartzea, aurrez aurre edo egoeraren tratamendu egokia ahalbidetzen duen beste edozein bitartekoren bidez:

Aurkeztutako kexan jokabide matxisten zantzuak daudela egiaztatu ondoren, kexa jaso duen pertsonarekin harremanetan jarriko da Aholkularitza, konfidentzialtasunez, bakarrik edo salatzailearekin batera (salatzaileak erabakitzen duenaren arabera). Alde batetik, salatuaren jokabideari buruzko kexa bat dagoela adierazteko, eta kexa hori egiazkoa bada eta behin eta Beasain errepikatzen bada edo denboran irauten badu, sexu-jazarpenzat edota generoan oinarritutako jazarpenzat jo daiteken ikusteko, eta, bestetik, salatutako pertsonak izan ahal lituzkeen diziplina-erantzukizunak xedatzeko.

Salatua beste pertsona batekin joan ahal izango da, hala nahi badu, eta egokitzen jotzen dituen azalpenak eman ahal izango ditu.

Salatuari jakinaraziko zaio Aholkularitza Konfidentzialak Giza Baliabideen arduradunari erabakitako behin betiko neurrien berri emango diola. Adostasunik ez badago, azken horretara jo ahalko du, arrazoiak adierazita.

## 3.FASEA: Prozedura informalaren amaiera

- Aholkularitza Konfidentziala arduratuko da adostutako konpromisoak eta neurriak dokumentu bidez jasotzeaz, Aholkularitza Konfidentzialaren Txostenaren formularioa (2. Eranskina).

- Era berean, Giza Baliabideen arduradunari igorriko dio Aholkularitza Konfidentzialaren Txostenaren formularioa (2. Eranskina), beteta.

- Erasoa jasan duen pertsonari eta salatuari jakinaraztea Giza Baliabideen arduradunari azken ebazpena eman duela.

- Aholkularitza Konfidentzialari jakinaraztea dagoeneko egoeraren berri eman zaiela eragindako pertsonari, bai eta Giza Baliabideen arduradunak kasuarekin lotuta egindako edozein neurri edo ekintza ere.

- Jokabide matxistatzen hartzen ez dela ondorioztatzen bada, Giza Baliabideen arduradunak eraso jasan duen alderdiei jakinaraziko die eta prozedura amaitu egingo da.

Prozedura informalak ez badu egoera konpontzen, eraso jasan duen pertsonak hala nahi duelako edo egitatei buruzko informazioa biltzean gertakari horiek sexu-jazarpen edo generoan oinarritutako jazarpen kasu bat izan daitezkeela susmatzen delako, prozedura formala abiaraziko da. Giza Baliabideen arduradunak eraginpeko alderdiei jakinaraziko die.

## 8.1.4. PROZEDURA FORMALA

Zuzenean abiaraziko da sexu-jazarpenaren edota generoan oinarritutako jazarpenaren zantzuak daudenean. Garatzen den espedientea informazio-espedientea izango da.

### Epea

Prozedura formalaren izapidetze- eta ebazpen-epea gehienez ere 3 hilabetekoa izango da, Aholkularitza Konfidentzialak kexa edo salaketa jasotzen duen egunetik zenbatzen hasita.

Salbuespen gisa, behar bezala arrazoitutako konplexutasun bereziko inguruabarrak gertatzen direnean, epe hori luzatu ahal izango da, gehienez ere 6 hilabetera arte.

Beharrezkoa izanez gero, prozedura behin-behinean etenda gera daiteke, harik eta hori eragin zuten inguruabarrak ebatzi arte. Kasu horretan, eta denboran luzatuko dela aurreikusten denean, txostena egingo da (3. Eranskina), eta Alkateari igorriko zaio. Alkateak Aholkularitza Konfidentzialari jakinaraziko dio egoera hori amaitzen edo aldatzen denean.

## FASEAK

### 1.FASEA: Prozedura formalaren hasiera

Lehenengo jarduketetan jasotako salaketa aztertu ondoren, eta ustezko sexu-jazarpen edota generoan oinarritutako jazarpen gisa tipifikatu ondoren, Aholkularitza Konfidentzialak prozedura formalari ekingo dio.

- Idatziz jakinaraztea Alkateari sexu-jazarpenaren edota generoan oinarritutako jazarpenaren ustezko kasu bat dagoela.
- Prozedura formalaren hasieraren berri ematea inplikaturako alderdiei. Erasoak jasan duen pertsonari proposaturako zaio prozedura formalak gauzatzeko, zertan datzan azalduta eta haren zalantzei erantzunda. Era berean, salaketa salatuari jakinaraztea eta Aholkularitza Konfidentzialean parte hartuko duten pertsonak identifikatzeko, lege ezarritako arazoiengatik errekusatzea ahalbidetuz.
- 8 eguneko epea emango da, salaketa gertaerei buruzko frogak eta alegazioak aurkezteko. Alegazioak aurkezteko aldia, hurrengo fasea egingo da, hau da, ikerketa-fasea.

### 2.FASEA: Ikerketa

- Ikerketa osagarria egitea, beharrezkoa bada: informazioa eskatzea, arduradunari, lekukoei edo bestelakoei elkarrizketak egitea, eta alegazioetarako irerkitako epean egitea.
- Jazarpena pairatu duen pertsonaren egoerak eskatzen duen laguntza medikoa eta psikologikoa emango zaio.
- Prozeduran zehar beharrezkoa den laguntza edo aholkularitza juridikoa emango da.
- Alderdiei txostenaren ondorioak jakinaraztea eta alegazioak aurkezteko 3 eguneko epea emango da.
- Jasotako alegazioen balorazioa egingo da.
- Behin betiko txostena eta Prozedura Formalaren Txostena egitea (3. Eranskina), alegazioak jaso eta gehienez ere 3 eguneko epean.

### 3.FASEA: Prozedura Formalaren amaiera

- Aholkularitza Konfidentzialak 3. Eranskineko txostenean jasotako neurrien proposamenaren eta emaitzaren berri emango dio Beasaingo Udaleko Alkateari.
- Aholkularitza Konfidentzialak sexu-jazarpenaren edota generoan oinarritutako jazarpenari aurre egiteko protokoloko Jarduketan Erregistroa beteko du.
- Jazarpena frogatu bada, Giza Baliabideen arduradunak, , egoera konpontzeko beharrezkotzat jotzen dituen ekintzak abiarazteko agindua emango du. Halaber, hala badagokio, Fiskaltza salaketa jartzea, Udaleko Aholkularitza Juridikoarekin kontrastatu ondoren. Ekintza horiek inplikaturako alderdi guztiei jakinaraziko zaizkie.
- Jazarpena jasan duen pertsonak berariaz atzera egiten badu, baina jazarpen-zantzu oinarritutako hautematen badira, eta/edo ikerketaren ondorioz sexu-jazarpena edota generoan oinarritutako jazarpena frogatuta geratu bada, jarduketak ofizioz egingo dira.
- Jazarpen-egoera frogatzen ez bada, salaketa artxibatu egingo da, eta Giza Baliabideen arduradunak alderdiei jakinaraziko die.

### 9. DIZIPLINA-ARAU BIDEA

Protokolo honek zehapen-ahalmenik ez badu ere, jazarpena dagoela ondorioztatzen denean, dagokion diziplina-prozedura hasiko da, protokoloaren esparruan egindako ikerketa eta ebazpen-txostena kontuan hartuta.

Sexu-jazarpena edota generoan oinarritutako jazarpena oso hutsegite larritzat tipifikatzen dira Beasaingo Udaleko langileei aplikatu dakiekeen diziplina-araubidean, oinarritzako araudiaren arabera: 5/2015 Legegintzako Errege Dekretua, urriaren 30ekoa, Enplegatu Publikoaren Oinarritzako Estatutuaren testu bategina onartzen duena.

Udalan lan egiten duten langile publikoek Euskal Enplegu Publikoari buruzko abenduaren 1eko 11/2022 Legearen xedapen indargabetzaile bakarrean ezarritako diziplina-araubidea eta zehapenak bete beharko dituzte. Indargabetuta geratzen da Euskal Funtzio Publikoari buruzko uztailaren 6ko 6/1989 Legea, bai eta lege honetan ezarritakoaren aurka doan maila bereko edo beheragoko beste edozein xedapen ere.

Bestetik, erasotzailea erabiltzailea denean, zigorra arau orokorretan jasoko da.

## 10. PROTOKOLOA APLIKATZEA KANPOKO ENPRESAK TARTEAN DAUDENEAN

Egoera hauek gerta daitezke:

- Jazarlea edo jokabide matxista duena Beasaingo Udaleko plantillakoa bada eta erasotua kanpoko enpresa batekoa bada, salaketa jasotzean protokoloa aktibatuko da ezarritako prozedurari jarraituz eta Aholkularitza Konfidentzialak hasiera-hasieratik emango dio horren berri Alkateari. Udala harremanetan jarriko da erasotutako pertsonaren enpresarekin eta enpresari lagunduko dio erasoa jasan duen pertsonari aholkuak eta laguntza ematen. Praktiketako langileak kanpoko enpresa batek kontratatutako langileekin parekatuko dira.
- Beasaingo Udaleko langile baten aurkako jazarpena kanpoko enpresako pertsona batek egiten badu, Aholkularitza Konfidentzialak eraginpeko enpresari eskatuko dio Giza Baliabideen arduradunaren bitartez haren protokoloa edo kasu horiek konpontzeko dituen neurriak aktiba ditzala. Beasaingo Udalak jarduketetan parte hartuko du, aldi berean bere protokoloa aplikatuz eta erasoa jasan duen pertsonaren babesa bermatuz.
- Jazarpena edo jokabide matxista Beasaingo Udaleko zentroetan lan egiten duten kanpoko pertsonen artean gertatzen bada eta salaketa Aholkularitza Konfidentzialera iristen bada, edo, hala badagokio, gertaeren berri badu, Giza Baliabideen arduradunari jakinaraziko zaio, eta horrek, era berean, egoeraren berri emango die dagokien enpresei, ebazpenaren jarraipena eginez. Kanpoko enpresak ez badu ezer egiten bere langileek egindako jazarpen-kasu baten aurrean, dela enpresaren langileen artean, dela Beasaingo Udaleko langile baten aurka, horrek ondorioak izango ditu enpresak Beasaingo Udalarekin duen kontratu-harremanean, bai eta etorkizunean egin daitezkeen kontratazioetan ere, aplikatu beharreko araudiaren arabera. Era berean, Beasaingo Udalak klausula espezifikoak sartzea bultzatuko du formalizatzen diren obra- eta zerbitzu-kontratuetan.

## 11. JARRAIPENA, EBALUAZIOA ETA HOBEKUNTZA

Aholkularitza konfidentzialak aurkeztutako kexa eta salaketa guztien erregistroa egingo du, prozedura mota (informala edo formala) eta deribatu edo artxibatu den zehaztuz.

Giza Baliabideen arduraduna, protokoloa aplikatzean, ondorioen txostenaren azken hartzailea da, eta hartuko diren neurrien berri emango die eraginpeko alderdiei. Beraz, Giza Baliabideen arduradunak neurri horien jarraipena egingo du, eta protokolo horren aplikazioaren jarraipenean eta ebaluazioan lagunduko du.

Urtean behin jarraipen-txostenak egingo dira, eta, horietan oinarrituta, prozeduren urteko ebaluazioa egingo da, bai eta horien ondoriozko neurri eta zehapenena ere. Lan horretan Aholkularitza Konfidentzialak eta Giza Baliabideen arduradunak parte hartu beharko dute.

Sei hileko txosten horiek informazio kuantitatiboa eta kualitatiboa jasoko dute. Sei hilean behingo jarraipen-txostenak eta hobekuntza-jardueren proposamena jasotzen duen urteko ebaluazioa Beasaingo Udalaren Berdintasun Batzordeari helaraziko zaizkio.

Zerbitzu-erakundeetako Berdintasun Batzordeetan sei hilean behin kasuen jarraipena egingo da, betiere kasuak itxita badaude, horietan inolako interferentziarik egon ez dadin, eta informazio kuantitatiboa soilik emango da.

Protokolo hau Berdintasun Batzordeak berrikusiko du urtero, beharrezkotzat jotzen dituen aldaketak eta hobekuntzak proposatzeko. Lehenengo 4 urteetan, urteko ebaluazioa egitea gomendatzen da, eta une horretatik aurrera, 2 urtean behin berrikusiko da.

### 11.1. ADIERAZLEAK

Adierazleak lortzeko erregistro bat izatea proposatzen da. Bertan datuak estatistika-ondorioetarako soilik jasoko dira, datu pertsonalik izan gabe. Ikusi 10. Eranskina: Sexu-jazarpenaren edota generoan oinarritutako jazarpenari aurre egiteko protokoloko jarduketaren erregistroa.

#### 11.1.1. INPAKTUAREN ADIERAZLEAK

- Egindako komunikazio-, informazio- eta sentsibilizazio-neurrien kopurua.
- Protokoloko prestakuntza-ekintzen kopurua eta tipologia.
- Prestakuntza-ekintzen aurreko eta ondorengo balorazioa.

#### 11.1.2. EMAITZAREN ADIERAZLEAK

- Jasotako salaketen guztizko kopurua, motaren arabera sailkatuta: jokabide matxista, sexu-jazarpena edota generoan oinarritutako jazarpena.

- *Protokolotik kanpo geratzen diren beste kasu batzuentzako salaketen kopurua (beste jazarpen mota batzuk).*
- *Salatzaileen eta salatuen kopurua, sexuaren arabera bereizita.*
- *Jazarpena jasan duena ez den beste pertsona batek egindako salaketen ehunekoa.*
- *Prozedura kopurua, motaren arabera: informala, formala.*
- *Aurreikusitako gehieneko epea gainditzen duten prozeduren ehunekoa.*
- *Adostasunez ebatzen diren prozedura informalaren ehunekoa.*
- *Salaketa ezesten duten prozedura formalen ehunekoa.*
- *Hartutako neurrien kopurua eta tipologia.*

#### 11.1.3. PROZESUAREN ADIERAZLEAK

*Salatzaileei zuzenduta, protokoloaren prozesua baloratzeko inkesta bat planteatzen da prozeduraren amaierarako, harrera-prozedura eta prozedurak aurrera egitea hobetu ahal izateko.*

#### ERANSKINAK

- 1.- *Protokoloa aktibatzea eskatzeko salaketa-inprimakia*
- 2.eta 3.- *Prozedura informalaren txostenaren formularioa*
- 4.- *Konfidentzialtasun eta inpartzialtasun-konpromisoaren eredua*
- 5.- *Urteko ebaluazioaren txostenaren formularioa*
- 6.- *Definizioak*
- 7.- *Biktimentzako informazioa*
- 8.- *Fluxuograma*
- 9.- *Prozeduren laburpena*

Hitz egiteko txanda eman ondoren, bildutakoek proposamenarekiko ondorengo iritziak eman dituzte:

Hasier Agirre Elkoroberezibar jaunak (Beasaingo EH bildu): udal langile eta politikoen artean egindako lana izan da, hasieratik informatu zaiguna eta parte hartu duguna. Positiboki baloratzen dugu. Espero dezagun paperean geratzen den protokoloa izatea eta sekula martxan jarri beharrik ez izatea.”

Alkate andreak (EAJ-PNV): “bai hori espero dugu guztiok.”

Bozketa eginda, aho batez onartu da, Beasaingo udalean sexu-jazarpenari, sexu eta genero arrazoiengatik jazarpenari eta beste indarkeria matxistei aurre egiteko protokoloa

### **3.- KONTUETARAKO BATZORDE BEREZIAREN PROPOSAMENA:**

a.- 2025EKO KONTU OROKORRA. Onespen-proposamena. 2026LIPR0001

Alkate andreak (EAJ-PNV) Kontu Orokorraren inguruan ezagutzera eman ditu ondorengo datuak:

“UDALA

1.-Hasierako aurrekontua : 24.443.329,84 €

☐ Foru Funtsaren aurreikuspen eta likidazioa:

- Aurrekontuan aurreikusia: 12.449.850,00
- Aldundiak likidatutakoa: 12.988.138,71

Kreditu aldaketak:

2024tik txertatuta: 2.113.299,42 €.

Kreditu berriak: 5.851.410,70 €

2.- Behin-betiko aurrekontua: 32.408.039,96 €

3.- Gastuen gauzatze maila: % 74,22

4.- Sarrerren gauzatze maila: % 102,54 (Gerakinaren doikuntza eginda)

5.- Diruzaintzako gerakina (gastu orokorretarako): 24.227.265,37 €

(2026 urtean zehar onartu diren kreditu aldaketekin dagoeneko erabilia: 6.077.939,67)

6.- Bankuetan saldoa 2025eko urte amaieran: 25.621.160,91 €

7.- Maileguen zor bizia 2025eko urte amaieran: 0,00 €

8.- Ondare emaitza: 1.521.858,97 €

9.- 2025ean egindako gastu aipagarrienak:

2025ean bukatutakoak:

- Musika Eskola: 525.512,66 €

- J. M. Iturriotz kalea berrurbanizatzea: 472.471,49 €

- San Inazio-Esteban Lasa berrurbanizatzea: 2.427.735,91 €

- Estandako hondar beroa aprobetxatzeko azpiegitura: 1.062.000,00 €

- Garingo saneamendua-estolderia sarea: 298.714,93 €

- Panel informatiboak kiroldegi, Erauskin eta Bideluzen: 47.190,00 €

2025ean hasitako aipagarrienak:

- Barrendain plaza eraberritzea: 1.610.000,00 €

- Bonberia kultur gunea: 721.160,00

- Gaztelekua: 310.100,00 €

- MRR-PRTR. Igartza monum. Multzoko instalaz.: 604.691,78 €

## EGONKORTASUN LEGEAREN BETETZEA

Arau fiskalak berraktibatu diren urte honetan, ondorengoak izan dira emaitzak:

Superabita: 1.193.918,47 €

Finantzen Iraunkortasuna edo zor publikoa: % 1,78 (Goiekiren mailegua)

Gastu araua bete da, Estatuan aurrekontu-superabita bideratzeko arau bereziak luzatu ondoren, Foru Aldundiak egonkortasun araudian ezarritako aldaketa baliatuz; aukera eman baitu, aurrekontu-superabita edukita eta baldintza jakin batzuetan, gastu-arauan konputatzen ez duten finantzarioki jasagarriak diren inbertsioak finantzatzeko.”

Jarraian ondorengo proposamenaren berri eman da:

*“GAIA.- 2025eko Kontu Orokorra: 2025eko Kontuak. 2025eko Barne kontrolari buruzko urteko laburpen txostena. 2025eko ekitaldiko eragozpenen desadostasunen ebazpenak. 2026rako finantza kontroleko plana.*

## AURREKARIAK

1.- 2026ko maiatzaren 7an Antolakuntza Batzordea Kontuetarako Batzorde Berezi gisa osaturik egindako bileran, Kontuhartzaileak ondorengoaren berri eman zuen:

- 2025eko ekitaldiari dagokion Aurrekontu Orokorren Kontua osatu dela, ondorengo dokumentuez osatuta: Aurrekontuaren likidazioa, Egoera Balantzea, Ondarearen emaitza ekonomikoaren Kontua, Diruzaintzako gerakina eta indarrean dagoen legeriak eskatutako gainerako eranskinak.

2.- Aipatutako kontuei buruzko jendaurreko iragarkia 2026ko maiatzaren 13an argitaratu zen G.A.O.ean, eta 15 lanegun egon behar zuen jendaurrean.

Aipatutako epea igaro denez, inolako erreklamazio edo oharrik jaso gabe:

- Udalbatzaren onespenerako jartzen da 2.025 ekitaldiko Kontu Orokorra.

- Udalbatzari Kontu ematea:

- Alkateak 2024ko ekitaldiari dagokion txostenaren emaitzaren ondorioz egindako ekintza-planaren ekintzen emaitza.
- Kontuhartzaileak barne kontrolari buruzko 2025 urteko laburpenaren eta ekitaldiko eragozpenen desadostasunen ebazpenaren txostenaren berri ematen du eta 2026 ekitaldirako urteko finantza kontroleko planarena ere.”

b.- KONTU EMATEA. 2026EKBO0106

- ALKATEAK 2024KO EKITALDIARI DAGOKION TXOSTENAREN ONDORIOZ EGINDAKO EKINTZA-PLANAREN EKINTZEN EMAITZA.

Ondorengoaren berri eman da:

“KONTRATAZIOAREN ETA DIRULAGUNTZEN INGURUAN.

1.1.- Lantalde bakoitzean indarrean dauden kontratuen jarraipena egiten dela egiaztatzea.

2.1.- Lantalde bakoitzean dirulaguntzen publizitate-betebeharrak betetzen direla egiaztatzea.

Hiru lantaldeetako arduradunek adierazitakoaren arabera, egiaztatu da bete egin dela kontratuen jarraipenerako eta dirulaguntzen nahitaezko publizitaterako dinamika berriei ekiteko helburua.

Aurrerantzean, beharrezkoa da hasitako prozesuei jarraipena ematea, horiek osatuz eta sendotuz.

**PERTSONALAREN KUDEAKETA**

2025ean ez da gauzatu “Antzinasuna-ordainketa” kontzeptua.

Udalbatzak, 2025eko abenduaren 4ko osoko bilkuran, Enplegu Publikoaren Oinarriko Estatutuaren testu bateginaren 14. xedapen gehigarrian antzinasunagatiko opor-egun gehigarriei buruz xedatutakoa aplikatzea erabaki zuen.

**DIRUSARREREN KUDEAKETA**

- Jabari publikoaren okupazioa mahai eta aulkiekin: Diruzainak beharrezko informazioa bidali zuen Lurralde sailera, eta bere urteko egin-beharrekoen egutegian sartu du.

*Lurralde-eremuan baimena urte natural bakoitzeko uztailean jakinarazteko eta berritzeko/baliogabetzeko egutegia ezarri da, bat datorrelako instalazio bakoitzaren baimenak berritzeko bidalketarekin eta ordainketa-gutunekin.*

*- Jabari publikoaren okupazioa merkatuan: Diruzainak beharrezko informazioa hiruhilero bidaltzen dio Merkataritzako azpiarloari, eta bere urteko egin-beharrekoen egutegian sartu du.*

*Zordunak dauden kasuetan, Merkataritza teknikariak gorabeheren berri ematen dio udaltzaingoari eta hauek instalazioa galarazten diete dagokion tasa ordaindu ez dutenei.*

*- Hiri-lursaila bagoi kafeteriarekin okupatzea: Udalak demanda tartejarria du zor diren zenbatekoak kobratzeko.*

*- Esnea saltzeko instalazio iraunkorra duen espazio publikoa okupatzea:*

*Orain arte ez da emakida-espeditenterik hasi Barrendain plazako esne-salmentarako instalazio iraunkorra erregularizatzeke."*

- BARNE-KONTROLAREN ETA ERAGOZPENEN AURKAKO DESADOSTASUNEN EBAZPENEN URTEKO LABURPEN-TXOSTENA, 2025EKO EKITALDIARI ETA 2026KO EKITALDIRAKO URTEKO FINANTZA-KONTROLA, KONTU-HARTZAILEAK EGINA.

Ondorengoaren berri eman da:

"KONTUHARTZAILETZAKO FUNTZIOAREN ETA FINANTZA-KONTROLAREN EMAITZEN LABURPEN-TXOSTENA

#### 1.- APLIKATU BEHARREKO ARAUDIA

*- 7/1985 Legea, apirilaren 2koa, Toki Araubidearen Oinarriak arautzen dituen (130., 133. eta 136. artikulua).*

*- 21/2003 Foru Araua, abenduaren 19koa, Gipuzkoako Lurralde Historikoko Toki Erakundearen Aurrekontuei buruzkoa (IV. titulua, kontu-hartzailetzako kontrola, 65-74 artikulua).*

*- 32/2018 Foru Dekretua, abenduaren 27koa, Gipuzkoako tokiko sektore publikoko erakundearen barne-kontrolaren araubide juridikoa arautzen duena.*

*- Aurrekontua betearazteko udal-araua (12. artikulua).*

#### 2. AURRETIAZKO OHARRAK

*Kontu Orokorra onartzearekin batera, nahitaezkoa da Udalbatzari aurkeztea, Lehendakaritzaren bidez, 2025eko ekitaldian egindako finantza-kontrola eta kontuhartzailetzako jardueretatik eratorritako emaitzarik esanguratsuenak jasotzen dituen urteko txostena.*

*Dokumentu honetan aipatutako txostenak kudeaketa organoei bidali zaizkie Barne Kontrola Foru Dekretuan araututako izapidetzearen arabera.*

*Tokiko sektore publikoko erakundearen kontabilitate informazioa eta kontuen auditoretza txostenak egoitza elektroniko korporatiboetan argitaratu beharko dira.*

#### 3. ETENGABEKO KONTROLETIK ERATORRITAKO EMAITZARIK ESANGURATSUENAK.

### 3.1. GAI OROKORRAK

2025eko ekainaren 26an, Osoko Bilkurari 2025 Finantza Kontrolerako Planaren berri eman zitzaion.

Plan hori aplikatuz lortu nahi zen helburua, arriskuaren ebaluazioan eta analisisian oinarritua, epe labur eta ertaineko kudeaketaren gaineko kontrol planifikatua egitea zen, baliabide publikoak modu eraginkorragoan erabiltzeko eta kudeaketa ekonomiko-finantzarioaren diagnostikoa egiteko, ahultasunak, desbideratzeak edo gabeziak identifikatuz eta horiek zuzentzeko hobekuntza-ekintzak proposatuz eta, horrela, kudeaketa ekonomiko-finantzarioa eta gardentasuna optimizatuz.

Plan horretako jarduerak, udalaren etengabeko kontrolaren modalitatean, honako hauek dira:

### 3.2. KONTRATAZIOAREN, DIRU-LAGUNTZEN, LANGILE-GASTUEN ETA DIRU-SARREREN KUDEAKETAREKIN LOTUTAKO ALDERDIAK

#### 3.2.1.- KONTRATAZIOAREN KUDEAKETAREKIN LOTUTAKO ALDERDIAK

3.2.1.1.- Laginketa bidez egiaztatzea Aurrekontua Gauzatzeko Udal Arauaren 10. artikulua, kontratu txikien kudeaketari buruzkoa.

Kontratu txikiak unean uneko eta noizbehinkako beharrianak asetzeko baino ezin dira erabili, zehatzak eta behar bezala zehaztuak, eta premiazkoak. Alderantziko zentzuan, ezin dira kontratu txikiak erabili aldizkako eta aurreikus daitezkeen premiei erantzuteko (Kontuen Auzitegiaren txostena, 1.151/2016, 2016ko apirilaren 27koa, GSINen 2013ko ekitaldiko kontratu txikien fiskalizazioari buruzkoa).

Lehiatz gain, udal-baliabideen erabilera eraginkorragoa ahalbidetzeko, eskaintza desberdinak baloratu eta onuragarriena bultzatzeko, aurrekontua betearazteko udal-araua aldatu egin zen 2023ko aurrekontua onartu zenean, eta honako hau txertatu zen (10. art.): 3 eskaintza eskatzeko betebeharra ezarriz, 5.000,00 euro (BEZik gabe) edo handiagoko zerbitzu eta hornidura kontratu txikietan, eta 20.000,00 euro (BEZik gabe) edo handiagoko obra-kontratu txikietan. Horrekin bat etorritz, xedapen hori betetzen dela egiaztatu da, eta emaitza koadro honetan laburbildu da:

| KONTRATU TXIKIAK GUZTIRA |          |                    | OBRA KONTRATU TXIKIAK >= 20.000 HORNIK. ETA ZERB. KONTRATU TXIKIAK >= 5.000 |         |                    |       |
|--------------------------|----------|--------------------|-----------------------------------------------------------------------------|---------|--------------------|-------|
| Kontratu mota            | Kopurua  | Euroak (BEZ barne) |                                                                             | Kopurua | Euroak (BEZ barne) | %     |
| Obra                     | 116,00   | 860.784,04         |                                                                             | 13,00   | 433.425,67         | 11,21 |
| Hornikuntza              | 394      | 711.284,41         |                                                                             | 25,00   | 303.740,67         | 6,35  |
| Zerbitzua                | 717,00   | 1.699.749,66       |                                                                             | 71,00   | 822.860,99         | 9,90  |
|                          |          |                    |                                                                             |         |                    |       |
| GUZTIRA                  | 1.227,00 | 3.271.818,11       |                                                                             | 109,00  | 1.560.027,33       | 8,88  |

2025ko ekitaldian 1.227 kontratu txiki formalizatu dira, 3.271.818,11 (BEZ barne) euroko guztizko zenbatekoarekin (aurrekontuaren 2. kapituluaren onartutako obligazioen % 32,11).

1.- Formalizatutako kontratu txiki guztietatik (1.227), Aurrekontua gauzatzeko Udal Arauak 3 eskaintza eskatzera behartzen zituenak (109) kontratu txiki guztien % 8,88 dira, eta kontratu txikiaren bidez kontratatutako zenbateko osoaren % 47,68a.

2.- Datuak kontratu motaren arabera aztertzen baditugu:

- OBRA kontratu txikiak: Formalizatutako 116 kontratu txikietatik, % 11,21 (13 kontratu) 20.000,00 euroko muga berdindu edo gainditzen du, eta, aldi berean, kontratu txikiaren bidez ordaindutako guztiaren % 50,35 da (433.425,67 €).

Horietako batean ere ez da egiaztatzen 3 eskaintza eskatu direnik.

- Hornidura-kontratuak: Formalizatutako 394 kontratu txikietatik, % 6,35k (25 kontratu) 5.000,00 euroko muga berdindu edo gainditzen du, eta, aldi berean, kontratu txikiaren bidez ordaindutako guztiaren % 42,70 da (303.740,67 €).

Horietako 6tan bakarrik egiaztatu da 3 eskaintza eskatu direla.

- Zerbitzu-kontratuak: Formalizatutako 717 kontratu txikietatik, % 9,90ak (71 kontratu) 5.000,00 euroko muga berdindu edo gainditzen du, eta, aldi berean, kontratu txikiaren bidez ordaindutako guztiaren % 48,41 da (822.860,99 €).

Horietako 10etan egiaztatu da 3 eskaintza eskatu direla, eta beste 13tan justifikatzen da beste hornitzaile batek ezin duela zerbitzua eskaini.

3.2.1.2.- Kontratu txikien finantza eta eraginkortasun kontrola:

- Kontratazio-organoak, esleipena egin aurretik, gastua benetan baimendu eta erabili duela egiaztatzea, laginketa bidez.

Kontratu txikiaren kasuan, izapideak sinplifikatzeak ez du esan nahi organo eskudunak gastua baimendu eta erabilera onartu behar ez duenik, kreditua badagoela egiaztatu ondoren. Gastua egin ondoren (faktura jaso ondoren) fase horiek gauzatzea jarduketa irregularra da, aurrekontu arautegia eta kontratuen legea ez baitute betetzen.

Formalizatutako kontratu txikien % 30a hartu da lagintzat, hau da, 369, eta egiaztatu da horien % 38,48a faktura jaso ondoren formalizatu direla, hau da, aldeztu aurretik ziurtatu gabe, ordaintzeko krediturik bazegoen, ez eta ordaindu behar zen gastuaren aurretiazko baimenik ere.

Jarraian, informazioa azpiarloka banatuta jasotzen da:

| SAILA         | LAGIN<br>A | EPE<br>BARRUA<br>N | EPEZ<br>KANPO | %EPE<br>BARRUAN |
|---------------|------------|--------------------|---------------|-----------------|
| KULTURA       | 50         | 50                 | 0             | 100,00%         |
| MUSIKA ESKOLA | 12         | 12                 | 0             | 100,00%         |
| MERKATARITZA  | 20         | 18                 | 2             | 90,00%          |
| ZERBITZU      | 100        | 70                 | 30            | 70,00%          |
| LIBURUTEGIA   | 21         | 14                 | 7             | 66,67%          |
| EUSKARA       | 9          | 6                  | 3             | 66,67%          |
| INFORMATIKA   | 14         | 9                  | 5             | 64,29%          |

|                         |    |    |    |        |
|-------------------------|----|----|----|--------|
| ONGIZATE                | 14 | 9  | 5  | 64,29% |
| BERDINTAS-<br>GAZTEDIA  | 18 | 10 | 8  | 55,56% |
| ANTOLAKUNTZA            | 8  | 3  | 5  | 37,50% |
| HIRIGINTZA              | 30 | 11 | 19 | 36,67% |
| KIROLDEGIA              | 12 | 3  | 9  | 25,00% |
| EUSKALTEGI              | 9  | 2  | 7  | 22,22% |
| UDALTZAINGOA            | 27 | 5  | 22 | 18,52% |
| ALKAT -<br>KOMUNIKAZIOA | 16 | 2  | 14 | 12,50% |

| <b>HIRUGARRENA</b>                          | <b>2021</b>     | <b>2022</b>     | <b>2023</b>     | <b>2024</b>     | <b>2025</b>     | <b>GUZT<br/>IRA</b> |
|---------------------------------------------|-----------------|-----------------|-----------------|-----------------|-----------------|---------------------|
| BAKETIK                                     | 16.94<br>0,01 € | 18.02<br>9,00 € | 25.59<br>1,50 € | 15.51<br>9,46 € | 16.45<br>6,00 € | 92.53<br>5,97 €     |
| MHP SERVICIOS<br>DE CONTROL SA              | 0,00 €          | 6.167,<br>37 €  | 6.167,<br>37 €  | 4.824,<br>00 €  | 4.824,<br>00 €  | 21.98<br>2,74 €     |
| PREMANK SPA<br>S.L.                         | 18.93<br>6,50 € | 17.96<br>8,50 € | 17.96<br>8,50 € | 17.90<br>8,00 € | 18.86<br>8,50 € | 91.65<br>0,00 €     |
| HEZTEN AISIALDI<br>EUSKALTZALEA             | 3.150,<br>00 €  | 7.475,<br>00 €  | 7.827,<br>50 €  | 8.260,<br>00 €  | 8.172,<br>50 €  | 34.88<br>5,00 €     |
| KULTURMAGIC,<br>S.L.                        | 0,00 €          | 6.800,<br>00 €  | 5.989,<br>50 €  | 6.985,<br>00 €  | 6.985,<br>00 €  | 26.75<br>9,50 €     |
| HISPAVISTA LABS<br>AIE                      | 0,00 €          | 11.89<br>0,67 € | 7.312,<br>03 €  | 7.828,<br>88 €  | 6.613,<br>32 €  | 33.64<br>4,90 €     |
| OPENCARTIS,<br>S.L.                         | 11.16<br>8,30 € | 9.559,<br>00 €  | 9.559,<br>00 €  | 9.202,<br>05 €  | 9.889,<br>33 €  | 49.37<br>7,68 €     |
| ALEJANDRO<br>CALVO GARCIA<br>CB (INNOVATEK) |                 |                 |                 |                 |                 |                     |
| HORNIDURAK/SU<br>MINISTRSO                  | 8.754,<br>80 €  | 16.33<br>5,00 € | 12.82<br>9,90 € | 14.45<br>8,24 € | 24.41<br>5,52 € | 76.79<br>3,46 €     |
| GOISYSTEM S.L.<br>2022                      |                 |                 |                 |                 |                 |                     |
| HORNIDURAK /<br>SUMINISTROS                 | 9.825,<br>69 €  | 7.714,<br>84 €  | 16.07<br>1,64 € | 6.798,<br>99 €  | 24.20<br>6,05 € | 64.61<br>7,21 €     |
| ALEJANDRO<br>CALVO GARCIA<br>CB (INNOVATEK) |                 |                 |                 |                 |                 |                     |
| ZERBITZUAK/SER<br>VICIOS                    | 11.64<br>1,41 € | 20.96<br>6,46 € | 17.07<br>6,75 € | 20.68<br>3,83 € | 21.88<br>2,10 € | 92.25<br>0,55 €     |
| GOISYSTEM S.L.<br>2022                      |                 |                 |                 |                 |                 |                     |
| ZERBITZUAK /<br>SERVICIOS                   | 5.014,<br>24 €  | 6.769,<br>95 €  | 5.009,<br>44 €  | 5.082,<br>00 €  | 5.445,<br>00 €  | 27.32<br>0,63 €     |
| SOFTWAREONE<br>SPAIN S.A.                   | 0,00 €          | 0,00 €          | 8.154,<br>43 €  | 9.016,<br>92 €  | 18.03<br>3,84 € | 35.20<br>5,19 €     |

|                                                   |                 |                 |                 |                 |                 |                 |
|---------------------------------------------------|-----------------|-----------------|-----------------|-----------------|-----------------|-----------------|
| CRUZ ROJA<br>ESPAÑOLA                             | 10.31<br>3,18 € | 16.06<br>6,64 € | 15.47<br>6,22 € | 14.89<br>4,60 € | 5.381,<br>43 €  | 62.13<br>2,07 € |
| ASPE<br>JUGADORES DE<br>PELOTA, S.L.              | 0,00 €          | 6.500,<br>00 €  | 6.500,<br>00 €  | 6.500,<br>00 €  | 6.500,<br>00 €  | 26.00<br>0,00 € |
| AKHONMEDIA<br>PRODUCCIONES,<br>S.L.               | 2.317,<br>15 €  | 726,0<br>0 €    | 4.961,<br>00 €  | 7.199,<br>50 €  | 7.804,<br>50 €  | 23.00<br>8,15 € |
| GLOBAL<br>EDUKINET<br>SERVICE S.L.                | 11.82<br>2,91 € | 13.35<br>1,47 € | 12.41<br>3,39 € | 11.83<br>9,85 € | 14.38<br>7,46 € | 63.81<br>5,08 € |
| TANDEM<br>KOMUNIKAZIO<br>GRAFIKOA S.L.            | 2.642,<br>64 €  | 4.729,<br>80 €  | 12.78<br>3,65 € | 13.96<br>7,40 € | 25.45<br>2,35 € | 59.57<br>5,84 € |
| GRUPO DELTA<br>EDICIONES<br>DIGITALES, S.L.       | 583,5<br>1 €    | 8.704,<br>17 €  | 4.900,<br>70 €  | 3.966,<br>99 €  | 2.438,<br>91 €  | 20.59<br>4,28 € |
| INZA<br>MIHURA,ALBERT<br>O                        | 2.770,<br>90 €  | 10.62<br>6,69 € | 13.79<br>3,64 € | 15.70<br>1,83 € | 21.69<br>0,46 € | 64.58<br>3,52 € |
| MOLATU<br>PRODUKZIOAK<br>S.L.                     | 3.751,<br>00 €  | 5.021,<br>50 €  | 8.349,<br>00 €  | 5.868,<br>50 €  | 3.085,<br>50 €  | 26.07<br>5,50 € |
| SOINU GARA S.L.                                   | 0,00 €          | 0,00 €          | 6.000,<br>39 €  | 6.000,<br>39 €  | 10.00<br>0,65 € | 22.00<br>1,43 € |
| GRAFICAS<br>EGUZKI C.B.                           | 1.149,<br>50 €  | 7.200,<br>71 €  | 15.00<br>7,19 € | 12.74<br>7,72 € | 13.28<br>6,72 € | 49.39<br>1,84 € |
| GRAFICAS SAN<br>MARTIN, CB                        | 0,00 €          | 1.306,<br>75 €  | 2.268,<br>75 €  | 18.14<br>9,91 € | 19.92<br>1,41 € | 41.64<br>6,82 € |
| INSIGNA<br>UNIFORMES, S.L.                        | 1.013,<br>19 €  | 1.940,<br>77 €  | 12.85<br>3,71 € | 12.15<br>9,27 € | 1.689,<br>52 €  | 29.65<br>6,46 € |
| IRRATILAN,<br>S.L..U.                             | 830,0<br>6 €    | 8.023,<br>51 €  | 2.820,<br>51 €  | 4.942,<br>85 €  | 4.227,<br>26 €  | 20.84<br>4,19 € |
| NAVATRES, S.L.U.                                  | 18.77<br>9,62 € | 7.887,<br>14 €  | 16.79<br>2,44 € | 7.635,<br>23 €  | 34.31<br>1,01 € | 85.40<br>5,44 € |
| SUMUN<br>EQUIPAMIENTOS,<br>S.L.                   | 5.134,<br>74 €  | 5.654,<br>05 €  | 2.762,<br>48 €  | 3.410,<br>67 €  | 7.927,<br>05 €  | 24.88<br>8,99 € |
| GIPUZKOAKO<br>ANIMALIA ETA<br>LANDAREAK<br>BABEST | 4.235,<br>00 €  | 8.287,<br>29 €  | 15.03<br>1,83 € | 13.98<br>3,85 € | 15.04<br>7,71 € | 56.58<br>5,68 € |

|                                                    |                 |                 |                 |                 |                 |                 |
|----------------------------------------------------|-----------------|-----------------|-----------------|-----------------|-----------------|-----------------|
| PASKIN<br>SEINALIZAZIOAK<br>S.L.                   | 8.486,<br>47 €  | 2.579,<br>60 €  | 5.909,<br>15 €  | 2.541,<br>24 €  | 6.666,<br>74 €  | 26.18<br>3,20 € |
| SOCIEDAD<br>IBERICA DE<br>CONSTRUCC.ELE<br>CTRICAS | 1.819,<br>01 €  | 1.914,<br>70 €  | 10.96<br>1,10 € | 3.025,<br>00 €  | 2.509,<br>80 €  | 20.22<br>9,61 € |
| ALQUILERES<br>TXINDOKI, S.L.                       | 0,00 €          | 3.103,<br>86 €  | 5.000,<br>00 €  | 5.000,<br>00 €  | 8.470,<br>00 €  | 21.57<br>3,86 € |
| CINNIA TECH<br>SLU                                 | 3.714,<br>78 €  | 2.090,<br>65 €  | 4.359,<br>68 €  | 11.68<br>1,37 € | 1.193,<br>53 €  | 23.04<br>0,01 € |
| ECENARRO<br>ESNAOLA<br>FERNANDO                    | 826,0<br>5 €    | 6.240,<br>35 €  | 11.33<br>7,85 € | 12.53<br>1,22 € | 15.43<br>9,04 € | 46.37<br>4,51 € |
| ESTACION DE<br>SERVICIO<br>LAZKAO S.L.             | 6.860,<br>37 €  | 11.30<br>2,77 € | 10.53<br>5,98 € | 9.615,<br>16 €  | 9.680,<br>00 €  | 47.99<br>4,28 € |
| JELASA<br>OLABERRIA, S.L.                          | 0,00 €          | 0,00 €          | 0,00 €          | 12.76<br>0,60 € | 15.67<br>9,97 € | 28.44<br>0,57 € |
| KOROSTI<br>MATERIALAK S.L.                         | 1.117,<br>04 €  | 4.840,<br>00 €  | 9.559,<br>00 €  | 7.260,<br>00 €  | 4.840,<br>00 €  | 27.61<br>6,04 € |
| LAZARO<br>ECHEVERRIA,<br>S.A.                      | 10.89<br>0,00 € | 16.35<br>2,67 € | 10.28<br>5,00 € | 9.075,<br>00 €  | 11.49<br>5,00 € | 58.09<br>7,67 € |
| TXIMELA, S.A.                                      | 6.171,<br>00 €  | 5.853,<br>74 €  | 16.52<br>3,68 € | 16.21<br>4,00 € | 13.83<br>6,79 € | 58.59<br>9,21 € |
| URA<br>EXCLUSIVAS S.L.                             | 1.815,<br>00 €  | 9.115,<br>66 €  | 11.19<br>2,50 € | 10.89<br>0,00 € | 12.75<br>8,65 € | 45.77<br>1,81 € |
| URBABIL 2000,<br>S.L.                              | 4.779,<br>50 €  | 6.167,<br>98 €  | 14.52<br>7,08 € | 23.52<br>5,97 € | 14.80<br>6,77 € | 63.80<br>7,30 € |
| URBIL<br>ETXEGINTZAKO<br>MATERIALAK,<br>S.L.       | 248,0<br>5 €    | 25.41<br>0,00 € | 15.28<br>8,35 € | 22.29<br>6,78 € | 25.48<br>5,83 € | 88.72<br>9,01 € |
| WÜRTH ESPAÑA,<br>S.A.                              | 2.349,<br>62 €  | 3.784,<br>35 €  | 5.545,<br>43 €  | 4.871,<br>57 €  | 4.630,<br>00 €  | 21.18<br>0,97 € |
| ASCENSORES<br>MUGUERZA, S.A.                       | 0,00 €          | 6.499,<br>54 €  | 7.260,<br>00 €  | 7.188,<br>56 €  | 9.859,<br>45 €  | 30.80<br>7,55 € |
| CONTENEDORES<br>SARASOLA, S.L.                     | 3.630,<br>00 €  | 12.74<br>5,77 € | 10.89<br>0,00 € | 15.03<br>4,25 € | 18.15<br>0,00 € | 60.45<br>0,02 € |
| EKOTRADE<br>RCD'S, S.L.                            | 0,00 €          | 8.183,<br>00 €  | 12.44<br>9,11 € | 13.20<br>0,00 € | 14.30<br>0,00 € | 48.13<br>2,11 € |
| FUNERARIA<br>OYARBIDE SL                           | 4.235,<br>00 €  | 3.056,<br>00 €  | 10.89<br>0,00 € | 12.57<br>0,57 € | 6.050,<br>00 €  | 36.80<br>1,57 € |

|                              |            |            |            |            |            |             |
|------------------------------|------------|------------|------------|------------|------------|-------------|
| LORKE SYSTEM S.L.            | 4.722,93 € | 3.723,77 € | 5.723,30 € | 5.082,00 € | 4.840,00 € | 24.092,00 € |
| SOLOGAISTUA CENDOYA, ROBERTO | 5.082,00 € | 5.203,00 € | 5.566,00 € | 9.317,00 € | 5.566,00 € | 30.734,00 € |

3.2.1.3.- Kontratu txikiaren bidea behar bezala erabiltzen dela egiaztatzea. Zehazki, kontratu txikien bidez zerbitzuak jarraian ematen dituzten hornitzaileen urteko fakturazioa aztertuko da.

Kontratu txikiaren bidez esleitutako zerbitzuak edo hornidurak aztertu dira, kontratazio mota horren bidez zerbitzuak elkarren segidan ematen dituzten hornitzaileak dauden egiaztatzeko; izan ere, kasu horretan, zerbitzu edo hornidura horiek sektore publikoko kontratuen araudian berariaz aurreikusitako eta araututako figuretako baten bidez antolatu beharko lirateke, Publizitate eta lehia-printzipioak, diskriminaziorik eza eta tratu-berdintasuna; eta funtsen erabilera eraginkorra ziurtatzea.

Jarraian, zuzenean kontratatutako zerbitzu eta horniduren arabera 2021 eta 2025 arteko ekitaldietan metatutako zenbateko handienekoen artean aukeratutako lagina zerrendatzen da:

### 3.2.2.- DIRU-LAGUNTZEN KUDEAKETAREKIN LOTUTAKO ALDERDIAK. ETENGABEKO KONTROLA DIRU-LAGUNTZEN ETA LAGUNTZEN ARLOAN

3.2.2.1.- Pertsona edo erakunde onuradunek 2025ean jasotako dirulaguntzak egoki eta zuzen lortu dituela egiaztatzea.

2025ean onartu den dirulaguntza zenbatekoa 1.742.559,26 eurokoa izan da.

Emandako dirulaguntza arrunten artean, %65a zuzenean izapidetu dira 887/2006 Errege Dekretuaren 55. Artikuluak, dirulaguntzak emateko ohiko prozedura norgehiagokakoa izan behar duela xedatu arren. (2020an egiaztatu zen azkeneko aldiz eta datua % 67,4koa izan zen)

Emandako dirulaguntza izendunen artean, lagin hau hautatu da:

- BASQUECCAMi dirulaguntza, udalerrian hiri-banaketa iraunkorreko sistema baten bideragarritasuna ebaluatzeko. Esleitutako eta ordaindutako zenbatekoa: 50.000,00.

- ANDRE MARI JASOKUNDEAREN PARROKIARI dirulaguntza, parrokian aurkitutako horma-pintura errenazentistak zaharberritzeko. Esleitutako eta ordaindutako zenbatekoa: 130.000,00.

- AITTU EUSKARA TALDEAri dirulaguntza, Beasainen euskal giroa biziberritzeko, euskararen erabilera sendotzeko indarrak batuz. 60.000,00 euro esleitu eta 47.812,96 euro ordaindu dira.

Honako alderdi hauek betetzen direla egiaztatu da:

a) Dirulaguntzen plan estrategikoan jasota egotea: Guztiak planean jasota daude:

- BASQUECCAMi dirulaguntza: "Udalerrri osasungarria, jasangarria eta irisgarria sortzen laguntzea" helburu estrategikoa

- PARROKIAri dirulaguntza: "Ekintza kulturalak sustatzea" helburu estrategikoa.

- AITTU EUSKARA TALDEAri dirulaguntza: "Euskararen ikaskuntza eta erabilera bultzatu eta normalizatzea" helburu estrategikoa.

b) Hiru espedienteetan diruz lagundutako jarduerak egin direla egiaztatzen duen memoria dago.

c) Hiru espedienteetan egindako gastuaren eta lortutako beste diru-sarrera batzuen egiaztagiria daude.

BASQUECCAMEk eta Parrokiak emandako dirulaguntzari dagokion guztizko gastua egiaztatu dute, baina ez AITTU Euskara Elkarteak, honek gastu txikiagoa egiaztatzearen ondorioz esleitutako zenbatekoa baino kopuru txikiagoa jaso du.

d) Kasu guztietan egiaztatu da zerga-betebeharrak eta Gizarte Segurantzarekikoak egunean dituztela.

e) BASQUECCAMEkin sinatutako hitzarmenak berariaz salbuesten du onuraduna hornitzaile desberdinen hiru eskaintza gutxienez eskatzeko betebeharretik "kontratazioen ezaugarri bereziak kontuan hartuta", eta beste bi hitzarmenetan ez da aipatzen ez betebeharrak hori ez eta berariazko salbuespenari ere.

PARROKIAri emandako dirulaguntzaren kasuan, 3 eskaintzaren eskaera egiaztatzearen beharra sortuko luketen baldintzak eman dira, eta ez AITTU EUSKARA taldeari emandako dirulaguntzaren kasuan.

### 3.2.3.- ASPECTOS RELACIONADOS CON LA GESTIÓN DE PERSONAL

#### 3.2.3.1.- Expedientes de nuevas contrataciones de personal

2025. urtean langileak kontratatatzeko 12 espediente izapidetu dira:

7 bitarteko funtzionarioak izendatzeko formalizatutakoak:

3 espediente lanpostu hutsak betetzeko:

- (2) Arkitekto teknikoa (horietako bat hasieran izendatutako funtzionarioak uko egiteagatik) (2025PEBO0006 eta 2025PEBO0101)

- (1) Administrazio orokorreko teknikaria (2025PEBO0192)

4 espediente zeregin-pilaketagatik:

- (2) Administrazio artxiboan garbiketa-lanak egiteko zeregin-pilaketagatik (horietako bat hasieran izendatutako funtzionarioak uko egiteagatik) (2025PEBO0013 eta 2025PEBO0156)

- (1) 2 udaltzain, zeregin-pilaketagatik. (2025PEBO0092)

- (1) Lurralde-eremuko zeregin-pilaketagatik administrazioa. (2025PEBO0128)

5 espediente lan-kontratu bidez formalizatuak:

- (2) Musika Eskolako irakasleak kontratatzea, bai aldizkako langile finkoak deitzeko, bai irakasleen beharrian berrietarako eta/edo ordezkapenatarako aldi baterako kontratuak egiteko.

- (1) Euskaltegia irakasleak kontratatzea zeregin-pilaketatik.

- (1) Udaltzaiei festetan laguntzeko kontratuak

-(1) Jaietan Kultura arloari laguntzeko kontratuak

Ekimen hau 2020ko ekitaldiko planean egin zen ere, eta haren ondorioz jasotakoaren artetik, gauzatzeke geratzen den bakarra 2/2004 Legegintzako Errege Dekretuaren 214. artikulua dioena da, hau da, eduki ekonomikoa duten eskubide eta obligazioak edo gastuak aitortzea eta likidatzea eta horien ondoriozko diru-sarrerak eta ordainketak dakarten egintza guztien aldez aurreko fiskalizazioa egitearen beharra.

Egia da Aurrekontua Gauzatzeko Udal Arauan ezarritako lotura juridikoaren maila I. kapituluko partida guztietara iristen dela, eta, beraz, kontratazio jakin batzuetarako kreditua aurreikusirik ez badago ere, aztertutako 2025eko ekitaldian gertatzen den moduan, gabezia hori aurrekontuz hornitutako eta gauzatu gabe geratzea erabaki den beste kontratazio batzuetarako aurreikusitako kredituekin estal daitekeela.

Baina horrek ez du ordezkatzeko aipatutako 214 artikulua xedatutakoa, batez ere ekitaldiaren amaieran itxiera-aurreikuspen bat egiten denean, kreditu nahikorik gabeko ordainketa-obligazioen egoeran erortzea saihesteko, beharrezkoa izango ez litzatekeen lana, aldi baterako kontratazioak etengabe fiskalizatuz gero eta era berean 2/2004 Legegintzako Errege Dekretuan xedatutakoa betetzea ahalbidetuz

#### 3.2.4.- DIRUSARREREN KUDEAKETAREKIN LOTUTAKO ALDERDIAK.

##### 3.2.4.1.- Isunen kudeaketaren finantza-kontrola

Estatuko Kontratazio Zentralera atxiki ondoren, VIALINE GESTIÓN, S.L.rekin isunak kudeatzeko kontratu eratorria formalizatu zen eta zerbitzua 2025eko urtarilean ematen hasi zen.

Lehenengo 7 hilabetetan, esleipendunak bere aplikazio informatikoa erabili zuen kudeaketa egiteko, eta horrek eragotzi zuen bide exekutiboa jarraitzea kobratu gabe geratu ziren isunen % 44a 271.276,50 euroko zenbatekoan. Gaur egun, kudeaketa udal-aplikazioaren bidez egiten da, eta, beraz, ordaindu gabeko zenbatekoak bide exekutiboan jarraitzen dira.

Beste gorabehera bat jakinarazpenak berandu bidaltzearena izan da, eta, beraz, kasu askotan zergadunari zaildu egin zaio deskontuarekin ordaintzea. Egoera hori 2026 ekitaldian bideratzen hasi da.

#### 4. ONDORIOAK

##### a) Kontratu txikiak:

Egiaztatu da esleipena gauzatu aurreko konparazio gisa eta udal arauak xedatzen duen bezala, 3 eskaintza eskatu behar ziren 109 kontratu txikietatik, bakarrik horietako 29tan (% 27) bete dela xedatutakoa.

Gastua baimentzeko eta xedatzeko eta kreditu egoki eta nahikoa dagoela aurrez egiaztatzeko beharraren inguruko legezko eskakizunari dagokionez, egiaztatu da aztertutako laginaren % 38,5ak ez duela bete, eta ikusi da oso desberdina dela sail ezberdinek hori betetzeko duten konpromiso-maila.

Kontratu txikiaren gehiegizko erabilera berrikustearen beharra ageri da, lehia eta gardentasun handiagoa sustatzen duten beste kontratazio-modalitate batzuetarantz aurrera egiteko.

**b) Dirulaguntzak:**

Aztertutako espedienteetan egiaztatu da emandako dirulaguntza behar bezala izapidetu dela, horietako bitan bete ez den arren Dirulaguntzei buruzko Lege Orokorraren 31.3 artikulua 3 eskaintza eskatzeari buruz ezartzen duen eskakizuna.

**c) Pertsonalaren kudeaketa:**

Kontratazio-espedienteak osatzeko, gastuaren aurretiazko fiskalizazio-izapidea bete behar da.

**d) Dirusarreraren kudeaketa:**

Isunak kudeatzeko zerbitzuaren esleipendunak egiten duen kudeaketaren jarraipena mantendu behar da, batez ere epeak betetzeari dagokionez.

**5. EKINTZA-PLANA**

Toki-erakundeko lehendakariak ekintza-plan bat formalizatuko du, laburpen-txostenean adierazitako ahuleziak, akatsak, eta ez-betetzeak konpontzeko hartu beharreko neurriak zehazteko.

Ekintza-plana gehienez ere 3 hilabeteko epean egingo da, laburpen-txostena Osoko Bilkurara bidaltzen denetik zenbatzen hasita, eta honako hauek jasoko ditu: hartutako zuzenketa-neurriak, neurri horiek gauzatzeaz arduratuko den pertsona eta egin beharreko jardueren egutegia.

Lehendakariak Osoko bilkurari jakinaraziko dio barne-kontrola gauzatzean agerian utzitako ahulezien zuzenketaren egoera, eta, horrela, Osoko bilkurak ekonomia- eta finantza-kudeaketa hobetzeko ezarritako neurri zuzentzaileen aldizkako jarraipena egin ahal izango du.

**UDAL KONTU-HARTZAIETZAK 2025KO EKITALDIAN FORMULATUTAKO ERAGOZPENEN, FISKALIZAZIOARIK EGIN EZ DEN KASUEN ETA DIRU-SARREREN ARLOAN ANTZEMANDAKO ANOMALIA NAGUSIEN AURKAKO DESADOSTASUNAK EBAZTEKO TXOSTENA**

**- LEHENENGOA: ERREGULAZIO JURIDIKOA:**

Abenduaren 27ko 32/2018 Foru Dekretuaren (Gipuzkoako tokiko sektore publikoko toki-erakundeen barne-kontroleko araubide juridikoa arautzen duena) 15.6 artikuluan, Aurrekontua Gauzatzeko Udal Arauaren 11 artikuluan eta arlo horretan indarrean dagoen gainerako araudian ezarritakoaren arabera. Kontu-hartzaitzako organoak Udalbatzari igorriko dizkio egindako eragozpenen aurka toki-erakundeko presidenteak hartutako ebazpen guztien txostena eta diru-sarreraren arloan antzemandako anomalia nagusien laburpena. Txosten horrek fiskalizazio-funtzioaren berezko alderdiei eta zereginiei baino ez die erantzungo, fiskalizatzen dituen jarduketan egokitasun edo komenigarritasun-gaiak barne hartu gabe.

**- BIGARRENA: EGINDAKO ERAGOZPENAK ETA HARTUTAKO EBAZPENAK:**

2025eko ekitaldian, honako erabaki hauek hartu dira, eragozpenak eta fiskalizaziorik eza ebatziz:

- 2025/05/29ko ebazpena (2025BOBE0013 eta 2025BOBE0014): La Salle San José eta Andramendi ikastola ikastetxeei dirulaguntzak zuzenean emateari buruzko eragozpenak

ebazten ditu, aipatutako dirulaguntzen izaera berezia egiaztatzen ez delako, ezta deialdi publikoa zailtzen duten arrazoiak ere.

- 2025/07/30eko ebazpena (2025ERET0002): "Beasainen elkarbizitza berria lantzen programa eta Beasaingo giza eskubideen urraketen ikerketaren programa" kontzeptuan legez ezarritako prozedura alde batera utzita egindako gastuen fiskalizazioa ez egitea ebazten duena.

#### - HIRUGARRENA: TXOSTENA BIDALTZEA.

Kontu Orokorra dela eta Osoko Bilkurari jakinarazi ondoren, Herri Kontuen Euskal Epaitegiari jakinaraziko zaio, indarrean dagoen legeriaren arabera:

#### URTEKO FINANTZA KONTROLEKO PLANA (2026)

Organo kontuhartzaileak egiten du Beasaingo Udalaren tokiko sektore publikoaren ekonomia eta finantza jardueraren urteko finantza kontrolleko plan hau, 2.026 ekitaldian gauzatuko dena.

Bertan, 2026 ekitaldiko finantza-kontrol iraunkorreko jarduketak azaltzen dira, eta hurrengo ekitaldirako plan berririk egin ezean, egungoa 2.027ra luzatutzat joko da.

Ondoko koadroan ikus daiteke zein kontrol mota aplika diezaiokeen kontuhartzaileak Udalari:

| UDALA ETA<br>MENDEKO<br>ERAKUNDEAK | EGINKIZUN<br>KONTU-<br>HARTZAILEA | FINANTZA-KONTROLA    |                    |              |            |
|------------------------------------|-----------------------------------|----------------------|--------------------|--------------|------------|
|                                    |                                   | KONTROL<br>ETENGABEA | AUDITORIA PUBLIKOA |              |            |
|                                    |                                   |                      | KONTUENA           | BETETZEARENA | OPERATIBOA |
| UDALA                              | X                                 | X                    |                    |              |            |

#### 1. Aplikatu beharreko araudia

Gipuzkoako Foru Aldundiaren 32/2018 Foru Dekretuak, abenduaren 27koa, Gipuzkoako tokiko sektore publikoko erakundeen barne-kontrolaren araubide juridikoa arautzen duena, III. titulua, Kontrol finantzarioko eginkizuna.

Estatuko Administrazioaren Kontu-hartzailetza Orokorraren 2015eko uztailaren 30eko Ebazpena, finantza kontrol iraunkorra egiteko jarraibideak ematen dituena.

#### 2. Xedeak

Plan hau aplikatuta Beasaingo Udalaren tokiko sektore publikoaren kudeaketaren gaineko kontrol planifikatu bat egin nahi da zeinak, mugatutako aurreko fiskalizazio eta kontuhartzearekin batera, kudeatzaileari baliabide publikoen administrazio gero eta efizienteagoa lortzeko balioko baitu. Horretarako, ekonomia eta finantza kudeaketaren diagnostiko bat behar da, indarrak eta ahultasunak adieraziz eta, behin hautemandakoan, hobetzeko ekintzak proposatzea ahultasun horiek zuzendu edo indarrak sendotzeko.

Emandako diru-laguntzei dagokienez, finantza kontrolaren helburu nagusia funtsen aplikazio zuzenaren ikuskapena sendotzea izango da.

Gainera, plan honen aplikazioaren ondorioen balorazioa kontuan hartuko da ondorengo planak egitean.

#### 3. Arriskuak eta lehentasunak

Arriskuak dira kontrolpean jarritako kudeaketan hautemandako gertakariak edo gorabeherak, aplikatu beharreko araudia ez betetzea, finantza informazioaren fidagarritasunik eza, aktiboen babes desegokia edo kudeaketako eraginkortasun eta efizientziarik eza ekar ditzaketenak.

Arriskuen mapa zehazteko kontuhartzaitzak sektore publikoaz duen ezagutzaz gain, aurrez igorritako ondorengo fiskalizazio osoari buruzko txostenak, Herri Kontuen Euskal Epaitegiak emandako txostenak eta antzeko erakundeen azterketa.

Hala:

### 3.1 Arriskuak erakundearen egituraren eta jardueraren.

#### 1.- Diru-laguntzen Datu-base Nazionalari informazioari ez ematea. (E1)

### 3.2 Arriskuak prozeduretan eta kontrolean

#### 1.- Baliabide publikoen kudeaketa desegokia, jardunbide okerrean ondorioz (Finantza- eta eraginkortasun-kontrola kontratazioan) (C1).

#### 2.- Baliabide publikoak behar bezala ez kudeatzeko arriskua (1 kapituluko gastuen eta hobarien kontrola) (C2) (C3).

Arriskuaren garrantziaren ebaluazio kuantitatibo eta kualitatiboak erabakiko du lehentasunen ordena, finantza kontrola gauzatzeko dauden baliabideak kontuan hartuz.

### 3.3 Arriskua baloratzeko irizpideak:

#### 1.-Arrisku-faktoretzat jotzen den gertakariak edo inguruabarrak ekar ditzakeen ondorioen larritasuna. Hala:

a) Larritasun oso handia, GMA 25 puntu: arriskuak aplikatu beharreko araudia ez betetzea ekar badezake, finantza informazioaren fidagarritasunik eza, aktiboen babes desegokia edo eraginkortasun eta efizientziarik eza kudeaketan.

b) Larritasun handia GA, 20 puntu: arriskuak egoera hauetatik hiru sor baditzake: aplikatu beharreko araudia ez betetzea, finantza informazioaren fidagarritasunik eza, aktiboen babes desegokia edo eraginkortasun edo efizientziarik eza kudeaketan.

c) Larritasun ertaina, GM 15 puntu: arriskuak egoera hauetatik bi sor baditzake: aplikatu beharreko araudia ez betetzea, finantza informazioaren fidagarritasunik eza, aktiboen babes desegokia edo eraginkortasun edo efizientziarik eza kudeaketan.

d) Larritasun txikia, GB 5 puntu; larritasun oso txikia, GMB 0 puntu: arriskuak egoera hauetako bat sor badezake: aplikatu beharreko araudia ez betetzea, finantza informazioaren fidagarritasunik eza, aktiboen babes desegokia edo eraginkortasun edo efizientziarik eza kudeaketan.

#### 2.-Arrisku-faktoretzat jotzen den gertaera edo inguruabarrak ekar ditzakeen ondorioak gertatzeko probabilitatea. Hala:

a) Probabilitate oso handia, PMA 25 puntu: sistematikoki errepikatzen bada

b) Probabilitate handia, PA 20 puntu: maiz errepikatzen bada

c) Probabilitate ertaina, PM 15 puntu: noizean behin errepikatzen bada

d) Probabilitate txikia, PB 5 puntu: oso gutxitan errepikatzen bada

e) Probabilitate oso txikia, PMB puntu 1: aurrekaririk jaso ez bada

#### 3.- Barne kontrolaren eraginkortasuna. Hala:

a) Ez dago kontrolik: 0 puntu

b) Kontrola egin izanaren frogak daude: -5 puntu

c) Kontrola egin eta haren probak egitearen ebidentziak daude: -15 puntu

- d) Kontrola automatizatuta dago: -25 puntu.
- e) Kontrola automatizatuta dago eta auditatzen da: -35 puntu

*Dauden baliabideak: Udal Kontu-hartzailea.*

*Finantza kontroleko jarduketak hautatzeko orduan lehentasunak zehaztuko dituen eskala hau izango da, aipatutako faktoreak baloratu ondoren lortutako puntuazioa kontuan hartuz:*

- a) Lehentasun oso handia: 34 puntu baino gehiago
- b) Lehentasun handia: 24 puntu baino gehiago 34 punturaino
- c) Lehentasun ertaina: 14 puntu baino gehiago 24 punturaino
- d) Lehentasun txikia: gainerakoa.

#### **4 Finantza kontrol iraunkorra**

##### **4.1 Xedea**

*Haren xedea tokiko sektore publikoaren ekonomia eta finantza jarduerak ordenamendu juridikoa eta finantza kudeaketa onaren printzipio orokorrak betetzen dituela egiaztatzea da, azken xedea kudeaketa ekonomia, finantza, ondare, aurrekontu, kontabilitate, antolakuntza eta prozeduraren alderdian hobetzea izanik. Bietan sartuko da eraginkortasunaren kontrola. Haren bidez, hauek zein mailatan betetzen diren egiaztatuko da: programatutako helburuak, zerbitzuen kostua eta errendimendua eraginkortasun, efizientzia, aurrekontu-egonkortasuna eta tokiko baliabide publikoen erabilerako finantza jasagarritasun printzipioen arabera.*

##### **4.2 Eremu subjektiboa**

*Etengabeko kontrol finantzarioa Udalaren gainean egingo da.*

##### **4.3 Baliabideak:**

*Azken urteotan araudi ugari onartu da, Udal Kontu-hartzailetzari esleitutako lanak, horien zailtasun teknikoa eta erantzukizun maila nabarmen areagotzen dituen (Aurrekontu-egonkortasunari eta finantza-iraunkortasunari buruzko 2/2012 Lege Organikoa; HAP/2015/2012 Agindua, aurrekontu-egonkortasunari eta finantza-iraunkortasunari buruzko 2/2012 Lege Organikoan aurreikusitako informazioa emateko betebeharrak garatzen dituen; 27/2013 Legea, Toki Administrazioaren arrazionalizazioari eta iraunkortasunari buruzkoa; ED. 424/2017, tokiko sektore publikoko erakundeen barne-kontrolaren araubide juridikoa arautzen duena;...). Hala, 424/2017 Errege Dekretuaren 4.3 artikulua ezartzen du bitarteko egokiak eta nahikoak eman behar zaizkiola organo kontuhartzaileari. Kontuhartzailetzan eskura dauden baliabideak ez dira aldatu funtzio- eta zeregin-gehikuntzaren arabera, eta, beraz, egoera horrek finantza-kontrol iraunkorraren irismena mugatzen du, bai aurreikuspenari bai gauzatzeari dagokienez. Kontrol hori sailaren beraren jardueraren bilakaeraren eta eskura dauden baliabideen erabileraren arabera egokituko da.*

##### **4.4 Jarduketak**

Lehenengoa: Ordenamendu juridikoan organo kontu-hartzaileari egotzitako kontrol jarduketak, hala nola:

- a) Aurrekontu proiektuen eta haiek aldatzeko espedienteen txostena.
- b) Luzatu gabeko sarreraren, finantza-karga handiagoen, ordainsarien gehikuntzaren, konpromiso kredituak sartzearen zein euren izaera ekonomikoagatik euren zuzkidurak

- handitzeko eskatzen duten bestelako gastuen ondorioz aurrekontuaren luzapenean egingako doikuntzei buruzko txostena.
- c) *Finantza jasagarritasuna zerbitzu publikoak TAOaren 85. artikuluan xedatutako baldintzetan zuzenean kudeatzeko moduak erabiltzeari dagokionez baloratzeko txostena.*
  - d) *Herri-ekimena erabilia udal eskumeneko arloetako araudiei buruzko erabaki edo jarduketa edo proiektu proposamenei buruzko txostena, ekimenak udalaren eduki ekonomikoko eskubide eta betebeharrei eragiten dienean.*
  - e) *Diruzaintza-geldikinarekin finantzatutako gastuen finantza jasagarritasunari eta norberarenak ez beste eskumen berriak eta eskuordetuak erabiltzeari buruzko txostena.*
  - f) *Berankortasunaren arloko araudiaren betetzea ebaluatzeko urteko txostena.*
  - g) *Hiruhileko txostena fakturen zerrendarekin, zeinei dagokienez idatzi zirenetik hiru hilabete baino gehiago igaro eta organo eskudunek betebeharraren onarpena egin ez baitute.*
  - h) *Konpromiso kredituen bolumen berri bati aurre egiteko finantza baliabideak nahikoa izateari buruzko txostena.*
  - i) *Txostena kreditu eragiketak itundu edo aldatu aurretik egitea.*
  - j) *Aurrekontuaren likidazioa onartu aurreko txostena egitea.*
  - k) *Lehendakaritzak, zinegotzien herenak edo legez gehiengo berezia behar duten gaietan ekonomia-, finantza- edo aurrekontu-arloan eskatu dizkion txostenak, irizpenak eta proposamenak egitea; halaber, zerbitzu berriak ezartzea bidezkoa den edo daudenak aldatzea egokia den irizpena ematea, proposamen bakoitzaren ekonomia- eta finantza-eragina eta aurrekontu-egonkortasuna ebaluatzeko.*
  - l) *Ekonomia eta finantzen eta aurrekontuaren arloko txostenak eta ziurtagiriak egitea eta berariazko araudiak ezarritako organoei bidaltzea.*
  - m) *Kontratazio-mahietara, informazio-batzordeetara eta gobernu-organismoetara joateari lotutako jarduerak.*
  - n) *Ondasunak doan lagatzeko espedienteetan udal aurrekontuaren kargura likidatzeke dauden zorrak egoteari buruzko txostena.*
  - o) *Udalbatzan eztabaidatu beharreko akordioak, ordenantzak eta erregelamenduak egiteko izapideak egitea erabakitzen diren ekimenei buruzko txostena, halakorik egonez gero. (ETEL 78.3).*
  - p) *Lehendakariaren proposamenari buruzko txostena, toki entitateko osoko bilkurak aurretiazko fiskalizazio eta kontu-hartze mugatuko araubidea aplikatzea erabakitzeke.*
  - q) *Kreditu nahikoa dagoela dioen ziurtagiria ematea.*
  - r) *Instrukzio honen, foru-organoen eskudunak ematen dituen gainerako arau orokorren eta Udalbatzaren Osoko Bilkurak ematen dituen arauen arabera, finantza-kontabilitatea eta toki-erakundearen aurrekontuaren gauzatzea eramatea eta garatzea.*
  - s) *Toki-entitatearen kontu orokorra osatzea.*
  - t) *Onartu ohi diren irizpideak kontuan hartuta, Udalbatzak erabakitako kontuen egoera-orri integratu eta bateratuak osatzea.*
  - u) *Toki-entitatearen kontabilitate-eginkizunak edo -jarduerak koordinatzea, eta, horretarako, jarraibide tekniko egokiak ematea eta haien aplikazioa ikuskatzea.*
  - v) *Kontabilitate-dokumentazio eta -informazio guztia artxibatzeko eta gordetzeko sistema egokia antolatzea, kontrol-organoen eskura jartzeko behar diren epeen barruan haiek eskatzen dituzten kontabilitateko informazio-sistemako erregistroak, kontuak, dokumentuak eta frogagiriak.*
  - w) *Gipuzkoako Lurralde Historikoko Toki Erakundearen Aurrekontuei buruzko abenduaren 19ko 21/2003 Foru Arauaren 64. artikulua aipatu eta Jarraibide honetako IV. tituluko III. kapituluaren*

garatutako informazioa prestatzea, eta Udalbatzari igortzea toki-entitatearen buruaren bidez, erabakitako epeen barruan eta aldizkakotasunarekin.

- x) Urteko aurrekontuko gastuen eta sarreraren gauzatze-egoerak (Gipuzkoako Lurralde Historikoko Lurralde Erakundearen Aurrekontuei buruzko abenduaren 19ko 21/2003 Foru Arauaren 6.3.d) artikuluan aipatuak) egitea eta aipatutako informazioaren egitura zehaztea, erakundearen osoko bilkurak erabakitakoaren arabera.
- y) Fakturen kontabilitateko erregistroa kudeatzea eta haren jarraipena egitea abenduaren 29ko 3/2004 Legearen (zeinaren bidez ezartzen baitira merkataritza-eragiketen berankortasunari aurre egiteko neurriak) eta abenduaren 27ko 25/2013 Legearen (zeinaren bidez faktura elektronikoa sustatu eta sektore publikoan fakturen kontularitza-erregistroa sortzen baita) helburuak betetzeko, horretarako araudiak ezarritako txostenak emanaz.

Bigarrena: Plan honetan lortu nahi diren helburuekin, ekitaldi bakoitzerako ezarritako lehentasunekin eta 4.3 puntuan aipatzen diren baliabide erabilgarriak etengabeko kontrolerako izatearekin bat datorren arriskuen analisi batean oinarrituta plan honetan hautatutakoak.

#### **4.5 Plan honetan hautatutako jarduketaren xehetasuna**

Hautemandako arriskuek eta arestian definitutako ereduaren araberrako lehentasun ordenaren ezarpenak jarduketaren xehetasun hau osatzen dute:

##### **A.- UDAL AURREKONTU OROKORRAREN GASTU EGOERARI DAGOKIONEZ**

###### **A.1.- KONTROL IRAUNKORRA KONTRATAZIO ALORREAN**

A.1.1.- Laginketa bidezko egiaztapena, 2026ko ekitaldian gauzatutako kontratuetan eskainitako hobekuntzak bete direla egiaztatzeko.

Egiaztapen hori proposatzen da; izan ere, eskainitako hobekuntzei emandako puntuazioak lizitatzailer jakin baten aldeko esleipena eragin dezake, bai eta hobekuntza horiekiko udal-interesa dela ere; beraz, hobekuntza horiek betetzen direla ziurtatu beharko da.

###### **A.2.- KONTROL IRAUNKORRA DIRULAGUNTZEN ALORREAN**

A.2.1.- Laginketa bidez egiaztatzea diru-laguntzen Datu Base Nazionalera informazioa igo dela.

Kontuan izanda diru-laguntzei buruzko 38/2003 Lege Orokorraren 57. artikulua arabera, "Arauhauste larria" dela Diru-laguntzen Datu Base Nazionalari informaziorik ez ematea, laginketa bidez egiaztatuko da betebeharrak hori betetzen dela.

###### **A.3 ETENGABEKO KONTROLA LANGILE-GASTUEN ARLOAN**

Aurrekontuaren 1. kapituluko gastuen etengabeko kontrola ondoren zerrendatzen diren jardueretan oinarrituko da, eta esku-hartze arloko baliabideen arabera egingo da:

###### **A.3.1. Pertsonal kontratazio berrien espedienteak**

Laginketa bidez, espediente horien izapidetzea egokia dela egiaztatuko da.

##### **B) UDAL AURREKONTU OROKORREKO DIRU-SARREREN EGOERARI DAGOKIONEZ**

###### **B.1 DIRU-SARRERAK EGIAZTATZEA**

###### **B.1.1.- Diru-sarreraren finantza-kontrola.**

Laginketa-teknikak aplikatuta, 2026ko ekitaldian emandako onura fiskalak kontrolatuko dira. Horiek emateko eskatzen diren inguruabarrak betetzen direla egiaztatuko da, bai eta behar bezala aplikatzen direla ere.

#### **4.6 Finantza kontrol iraunkorraren txostena**

*BKFDren 35. artikuluan (Finantza kontrolaren txostenak) xedatutakoaren arabera, kontrol iraunkorreko jarduketan emaitza idatzizko txostenetan dokumentatuko da, eta haietan, era argi, objektibo eta haztatuan, egiaztatutako egitateak, ateratako ondorioak eta, halakorik balego, kontrolatutako jarduketei buruzko gomendioak adieraziko dira. Halaber, berehalako jarduketa zuzentzaile baten bidez zuzendu behar diren hutsuneak adieraziko dira, eta hurrengo kontrol jarduketetan haiek egin direla egiaztatu beharko da.*

*Kontuhartzaitzako organoak finantza-kontrolako behin betiko txostenak bidaliko dizkie kontrolatutako jarduera ekonomiko-finantzarioa zuzenean kudeatzen duenari eta toki-erakundeko Lehendakariari.*

*Kontuhartzaitzako organoak barne-kontrolaren emaitzen laburpen-txostena egin beharko du urtero, kontu orokorra onartzen denean, eta Osoko Bilkurara bidaliko du Lehendakariaren bidez.”*

Hitz egiteko txanda eman ondoren, bildutakoek proposamenarekiko ondorengo iritziak azaldu dituzte:

Hasier Agirre Elkoroberezibar jaunak (Beasaingo EH Bildu): “urtero antzeko zenbakien kontu ematen da. Batzuk gustatzen zaizkigu eta besteak, ez hainbeste: kreditu aldaketak, gerakinak, superabitak. Ikuspegiaren arabera, datu onak izan daitezke baina nola lortzen den hori, azpikontratazioak duen eragina etab. zer pentsa ematen digu. Kudeaketa-eredua dago eta batzuk positibotzat jotzen baditugu ere, beste batzuk ez hainbeste. Herritarren beharrak handiak diren honetan, beste modu batera ere kudeatu daiteke hainbeste gerakina egon gabe eta dirua herritarren onurako izanez. Kontu Orokorraren inguruan ematen zaigun azalpenarekin ados gaude, baina kritikatzeko hau ere egiteko aukera ematen digu.”

Alkate andreak (EAJ-PNV): “Aurrekontuak aurretik egiten diren kontuak dira eta urtean zehar baliabideak izaten ditugu kontu horiek moldatzeko eta herritarren beharretara egokitzeko. Orain aipatu dugun gastu-araua betetzeko, gerakinetik finantzatzeko kreditu-aldaketak beti ere aurreko urteko superabita erabiltzen da konpentsazio modura. Beraz, ohikotasun batean herriak aurrera egiteko baliabide egokitzat jo beharko genituzke. Aurrekontua ahalik eta gehiena lantzen saiatzen gara, baina horrek ez du esan nahi urtean zehar sortzen diren behar berriei ere erantzun behar ez zaienik. Horretan jarduten dugu. Gu hemen gauden bitartean gure borondatea da horrela jarraitzea. Udalak finantza egoera egonkorra du, zuhurtziaz baino anbizioz lana egiten duelako eta beti herritarrak erdi-gunean jarriaz.

Bozketa eginda, aho batez onartu da 2025eko Kontu Orokorra. Kontu Orokorra ondorengo dokumentuaz osatuta dago: 2025eko Kontuak. 2025eko Barne kontrolari buruzko urteko laburpen txostena. 2025eko ekitaldiko eragozpenen desadostasunen ebazpenak. 2026rako finantza kontrolako plana.

#### **4.- LURRALDE BATZORDEKO PROPOSAMENAK:**

**a.- HIRI ANTOLAMENDUKO PLAN OROKORRA. HASIERAKO 2. ONARPENARI EGINDAKO ALEGAZIOEN EBAZPENA ETA BEHIN-BEHINEKO ONARPEN-PROPOSAMENA.**  
2023HAPO0001

Alkate andreak batzorde-proposamena ezagutzera eman aurretik ondorengoa adierazi du:

“2018an bere ibilbidea hasi zuen Beasaingo Hiri Antolakuntzarako Plan Orokorrak, azken mugarri azpimarragarria Osoko Bilkura honetan izan zuen, 2024ko uztailaren 24an bigarren aldiz Hasierako Onespina eman zitzaionean. Honen ondotik, 45 egunez jendaurrean egon zen, epe barruan 12 alegazio jaso eta epe kanpo beste 20. Epe kanpokoak ere aintzakotzat hartu dira.

Ondoren, 2025eko martxoaren 25ean, Udal ordezkari zein herriko eragileez osaturiko Hirigintza Aholkularitza Batzordea elkartu zen HAPOaren idazleek alegazioarekiko proposatzen zituzten erantzunak berretsi edo zuzentzeko. A10–ARANGOITI, A11-LARDI, A13-TRENBIDEAREN ZABALGUNEA, A24-ANTZIZAR I, SI-UGARTEMENDI eta A50-ITURRALDE TXIKI izan ziren alegazioen bat jaso zuten eremu zein sektoreak eta azpimarratu nahiko nuke, adostasun maila oso altu batekin erantzunak ontzat eman zituela batzorde honek, aldeko 7 bozka eta 2 abstentziorekin.

Onarturiko alegazioen baitan HAPOaren dokumentua moldatu eta UR Agentzia, Kantauriko Konfederazio Hidrografikoa, Espainiako Garraio Ministerioa eta ADIFerik helarazi zitzaion dagozkion txosten sektorialak igortzeko. Gaur behin-behineko onespena jaso nahi duen dokumentuak, alegazioen erantzun positiboek zein txosten sektorial hauek eskaturiko moldaketak jasotzen ditu. Edozein kasutan, dokumentuak HAPOaren ezaugarri eta helburu nagusiak mantentzen ditu; 7 dira helburu horiek:

1. Ingurune fisikoa kontuan hartzea, lurraldea antolatzeko proposamenen oinarritzko euskarri gisa.
2. Epe luzeko hiri-ikuspegia kontuan hartzea, orain hartuko diren erabakiek ez ditzaten eragotzi etorkizuneko beharren garapena.
3. Landa auzoetako biztanleria mantentzea, despopulazioa saihesteko.
4. Beasaingo hirigunea indartzea, kanpoaldeko garapenen aurretik.
5. Definitutako eredua egituratzea eta kohesionatzea.
6. Trenbidearen Zabalgunea berrantolatzea erabilpen anitzak jasotzen dituen proposamenekin.
7. Beasaingo hirigunearen perimetroko eremuak osatzeko garapenak antolatzea, eremu horretan hiria desagiteko arriskua saihesteko asmoz.

HAPO berriak bi agertoki jasotzen ditu: behin-behineko bat indarraldiaren lehen erdiari erreferentzia egiten diona, non burdinbidearen berrantolaketa osatu gabe egongo den eta bigarren bat, trenbidearen ibilbidea N1 ondora eramane eta Beasainen garapen berri bat ahalbidetzen duena.

Lehen egoeran etxebizitza berrien esku-hartze nagusiak S1 Ugartemendi, A24 Antzizar eta A10 Arangoitin aurreikusten dira, jada martxan dagoen Fleming-ekoari gehituko zaiona (48 libre + 3 babestu).

- S1 - Ugartemendi: HAPOk urbanizagarri gisa sailkatzen duen sektorea da, alokairurako babes publikoko etxebizitza-eskaintzari. %100ean alokairurako izango diren 94 etxebizitza berri aurreikusten dira
- A24 - Antzizar I: 44 etxebizitza berri txertatzen dira 4.000 m<sup>2</sup>-ko eraikigarritasunarekin, %40 babestuak izango direlarik.
- A10 - Arangoiti: 12 etxebizitza berri txertatzen dira 1.200 m<sup>2</sup>-ko eraikigarritasunarekin, %40 babestuak.

Horretaz gain, A1-Alde Zaharra eremuan etxebizitza kopurua handiagotzea ahalbidetzen da. Zuzkidura Jardueri eta Kale Nagusia 38ko jarduketari esker, guztira 81 etxebizitza gehigarri merkaturatzeko aukerarekin.

Landa-auzoetan, helburu orokorra dauden bizitegi-eraikinak finkatu eta gaur egungo baserrietan segregazioak egiteko baldintzak malgutzea da. Segregazio hauei esker lortzen diren 47 etxebizitzetatik haratago, etxebizitza garapen berriei ere aukera emanez:

- Arriaran: 24 etxebizitza berri (+6 segregatuz)
- Garin: 16 etxebizitza berri. (+18 segregatuz)
- Matxinbenta: 4 etxebizitza berri. (+11 segregatuz)
- Astigarreta: 2 etxebizitza berri. (+2 segregatuz)
- Gudugarreta: 0 etxebizitza berri (+10 segregatuz)

Plan Orokorraren indarraldiaren bigarren erdian, konplexua bezain ezinbestekoa den apustu bat egiten da egungo burdinbidea desagertarazi eta Beasainen etxebizitza garapen berri bat egiteko, non gune berde, plaza, zerbitzu, geltoki intermodal bat eta N1 bateko sarrera-irteera berri eta seguruagoak aurreikusten diren. A13 - Trenbidearen Zabalgunea eremu honetan, 600 etxebizitza berri proposatzen dira, %45 babes publikokoak. Gainera, zuzkidura-apartamentuak eraikitzea ere aurreikusten da.

HAPOaren indarraldi osoa hartzen badugu, guztira 1038 etxebizitza berri proposatzen dira. 438 lehenengoan eta gainerako 600ak bigarrenengan. Hauei, birgaitze eta berreskuratu litezkeen 25 etxebizitza gehituko litzaizkieke behin-betiko onarpenera jaso bezain laster.

Ondorioz, lehen urteetan guztira 463 etxebizitza gehigarri egitea ahalbidetzen du dokumentuak eta beste 600 ondoren, Beasainek duen etxebizitza erronkari aurre egiteko 1.063ko zifrara iritsi arte.”

Jarraian Lurralde batzordeko proposamenaren berri eman da:

*“Gaia: Beasaingo Hiri Antolamenduko Plan Orokorra. 2024-07-22ko Plenoak hartutako erabakiaren ondorioz, alegazioak ebatzea eta dokumentuari behin behineko onespenera ematea.*

#### AURREKARIAK

**I.-** 2021-03-25. Aldez aurretik 2021-03-15eko Plangintzako Aholku Batzordearen txostena izanda, Plenoak erabaki zuen Aurrerakinari aurkeztutako iradokizunak ebatzea eta irizpide eta helburuak onartzea

**II.-** 2023-01-26. Plenoko erabakia, HAPOko dokumentuari hasierako onespenera ematea, ingurumen-azterketa estrategikoarekin batera jendaurrean jartzeko eta lizentzien ematea gehienez ere bi urtez eteteari buruzkoa.

Erabakia eskumen sektorialak dituzten administrazioei jakinarazi zitzairen, eta dokumentua eraginpeko administrazio publikoei eta aldez aurretik kontsultatutako pertsona interesdunei bidali zitzairen.

**III.-** 2024-05-23. Plangintzako Aholku Batzordearen txostena, aurkeztutako alegazio eta txosten sektorialeiei buruzkoa.

**IV.-** 2024-06-24. Ur Agentziaren eta Kantauriko Konfederazio Hidrografikoaren txostenak jasotzen dira. Zenbait kontsiderazio ezartzen dituzte, eta kontuan hartu behar dira dokumentu berri batean. Dokumentu hori txostena egiteko bidaltzea eskatzen dute, behin-behinean onartzeko erabakia hartu aurretik.

**V.-** 2024-07-22. Osoko bilkuraren erabakia, dokumentuari berriro ere hasieran onartzekoa, alegazioak aurkezteko jendaurrean jartzekoa eta txostena eskatzekoa (egitea beharrezkotzat jotzen badute), sektore-administrazioei:

- Lurralde Plangintza, Etxebizitza eta Garraio Saila, Eusko Jaurlaritzakoa.

- *Trenbide Azpiegituren Administrazioa.*
- *Ekonomia Gaietarako eta Eraldaketa Digitalerako Ministerioa.*

*Hori guztia eremu hauei buruz:*

*A10-ARANGOITI, A11-LARDI, A13-TRANBIDEAREN ZABALGUNEA, A24-ANTZIZAR I, S1-UGARTEMENDI, A50-ITURRALDE TXIKI*

*- Alegazioak aurkezteko epea: Gipuzkoako Aldizkari Ofizialean iragarkia argitaratzen denetik kontatzen hasita 45 lanegun.*

*- Iragarkiak Diario Vasco eta Berrian 2024-07-26an argitaratu ziren eta GAOean, 2024-08-7an.*

*- Alegazioak aurkezteko epearen amaiera: 2024-10-10.*

*- Epe horretan 12 alegazio aurkeztu ziren.*

*- Epez kanpo, 19 alegazio aurkeztu ziren.*

*- Gainera, dokumentuaren hasierako onespeneraren ondoren epez kanpo aurkeztutako alegazio bat.*

*Alegazioak, guztira: 32*

*Administrazio sektorialen txosten hauek jaso dira:*

*1.- Telekomunikazio eta azpiegituretako operadoreak (Eraldaketa Digitalerako eta Funtzio Publikorako Ministerioa): 2024-09-06an.*

*2.- Trenbide Azpiegituren Administrazioaren Iparraldeko Ondare eta Hirigintza Arloko Gerentzia, ADIF (Trenbide Azpiegituren administrazioa): 2024-09-23.*

*3.- Trenbide Plangintzaren Zuzendariorde Nagusia (Ministerioa Garraioak eta Mugikortasun Iraunkorra): 2024-12-3.*

*VI.- HAPOn dokumentua idatzi duen arkitektoak, aurkeztutako alegazioei buruzko txostena eman zuen eta 2025-03-25ean, Aholkularitza Batzordearen bileran egin zen. Emandako txostena, beharrezkoa dokumentuari behin-behineko onspena emateko, proposamen honi atxikitzen zaion aktan jasotzen da.*

*Planeamenduko Aholkularitza Batzordeak erabaki zuen TXOSTENA Lurralde batzordeari ematea aintzakotzat hartu ahal izateko eta horren Udalbatza osoari proposatzeko:*

*- Alegazioak ebaztea txosten teknikoaren arabera.*

*- Dokumentuari behin-behineko onspena ematea, behin arkitekto erredaktoreak onetsitako alegazioen eta jasotako txosten sektorialen edukia bertan txertatu ondoren.*

*VII.- 2025-04-29. Arkitekto erredaktoreak dokumentua aurkezten du behin-behineko onspenerako, bertan txertatuz aldeko iritzia jaso dituzten alegazioen eta txosten sektorialen baldintza-edukiak, baina ondoren txosten berriak eta eskaerak aurkezten dira, hots:*

*VIII.- 2025-06-13. Ur baliabideen nahikotasun-ziurtagiria, Gipuzkoako Ur Kontsultazioak emana.*

*IX.- 2025-06-17an. Kantauriko Konfederazio Hidrografikoak adierazitakoa betez (2024-06-24an jasotako txostena), behin-behineko onarpenerako idatzitako dokumentua Uraren Euskal Agentziari bidali zitzaion txostena emateko, eta hark, berriz, Kantauriko Konfederazio Hidrografikoari igorri zion.*

*X.- 2025-11-10. CAF enpresak eskatu du Plan Orokorren dokumentuan zuzentzeko bere eraikin eta elementuen udal-babeseko kultura-ondasunen katalogazio-maila.*

*XI.- 2026-04-01. Kantauriko Konfederazio Hidrografikoaren eta Uraren Euskal Agentziaren txostenak jasotzen dira. HAPOn dokumentu berri batean jaso behar diren eta behin-behineko onarpenerako kontuan hartu behar diren baldintza jakin batzuk ezarri dira.*

**XII.-** 2026-06-09. Arkitekto erredaktoreak dokumentua aurkezten du behin-behineko onespenerako, bertan Kantauriko Konfederazio Hidrografikoak eta Uraren Euskal Agentziak ezarritako baldintzak jasoz.

**XIII.-** 2026-06-18. Udalari aholkua ematen dion arkitektoaren aldeko txostena, adieraziz behin-behineko onarpenerako dokumentuan edo behin betiko onarpenerakoan zenbait zuzenketa sartu behar direla eta CAFek katalogoari buruz egindako eskaerari erantzun behar zaiola.

**XIV.-** 2026-06-19. Arkitekto erredaktoreak dokumentua aurkeztu du behin-behinean onartzeko, arkitekto aholkulariaren txostenean adierazitako zuzenketa gehienak erantsita.

**XV.-** 2026-06-22. Udalari aholkua ematen dion arkitektoaren aldeko txostena, behin-behineko onarpena behin betiko onespenerako dokumentuan zenbait alderdi jasotzearen baldintzapean.

**XVI.-** Udal idazkariaren txostena, jarraitu beharreko izapidetzeari eta onartzeko quorumari buruzkoa.

Lurralde Batzordeak aintzakotzat hartu du Plangintzako Aholku Batzordeak 2025-03-25ean egindako bileran emandako TXOSTENA eta Udalbatzari ERABAKI PROPOSAMEN (onartzeko beharrezkoa da kideen legezko gehiengo osoaren aldeko botoa izatea), hau egiten dio:

**Lehenik.** Aurkeztutako alegazioak ebatzea, alegazio horiei buruz arkitekto erredaktoreak emandako txosten teknikoaren eta Plangintzako Aholku Batzordearen txostenaren arabera. Horren ondorioz, aurkeztutako 32 alegazioetatik:

- Osorik onartu dira: 3 alegazio.

- Zati batean onartu dira: 3 alegazio.

- Ezetsi egin dira: 26 alegazio.

**Bigarren.** Beasaingo Hiri Antolamenduko Plan Orokorraren dokumentua, 2026ko ekainekoa, behin-behinean onestea, hasierako onespeneratik aldaketekin eta ondorengo hauetatik eratorritako aldaketak txertatuz:

- Baietsitako alegazioak.
- Jasotako sektore-txostenak, Ur Agentziarenak eta Kantauriko Konfederazio Hidrografikoarenak barne.
- CAFen eskaera
- Udalari aholkuak ematen dizkion arkitektoaren txostenean adierazitako zuzenketak.

**Hirugarren.** Behin-behineko onespenera baldintza honekin ematen da: behin betiko onespenera dokumentuan Udalari aholkularitza ematen dion arkitektoaren 2026-06-22ko txostenean adierazitako alderdiak jasotzearena:

- Hirigintza araudi partikularra:

A1. Alde Zaharra:

Z.1.13 eta Z.1.14 zuzkidura-jarduketetan, garaje-sotoak egiteko aukera ematea.

**A49-Indar.** Behin betiko onespenerako dokumentuak gaur egun izapidetzen ari diren xehetasun-azterlanetik eta Plan Partzialaren aldaketatik eratorritako aldaketak jaso beharko ditu.

Hirigintzako araudi orokorra:

Araudiak bermatu behar du kaleen merkataritza-izaerari eutsiko zaiola, gutxienez fatxada-aurrealdeetan, bai jarduketa berrietarako, bai eraikin finkatueterako, eta gehiago mugatuko da beheko solairuan garaje-erabilera ezartzea.

Garajeetarako lokalei aplikatu beharreko baldintzak, 58, gutxienezko bizigarritasun-baldintzei buruzko 80/2022 Dekretuan ezarritakoekin bat etorri beharko dira.

**Laugarren.** Dokumentua aldi berean, bidaltzea:

a) *Euskal Autonomia Erkidegoko Lurralde Antolamendurako Batzordeari, gehienez ere hiru hilabeteko epean txostena eman dezan.*

b) *Ingurumen-organoari, espedientearen kopia osoarekin batera, ingurumen-adierazpen estrategikoa emateko eskatuz. Adierazpen hori gehienez ere bi hilabeteko epean egin beharko da, espediente osoa jasotzen denetik zenbatzen hasita.*

**Bosgarren.** *Erabaki hau alegazioak aurkeztu dituztenei helaraztea, eta adieraztea beraren aurka ezin daitekeela errekurtsorik aurkeztu, izapide-egintza bat delako."*

Hitz egiteko txanda eman ondoren, bildutakoek proposamenarekiko ondorengo iritzia azaldu dituzte:

Eva Alvarez Atanes andreak (Socialistas Vascos-Euskal Sozialistak): "ya anteriormente mostramos nuestras dudas porque todavía no queda clara la edificación de las 600 viviendas en "Trenbidearen Zabalgunea" y la reurbanización de toda esa zona. Nuestro voto será negativo porque siguen existiendo esas dudas. No sólo son 600 viviendas, también hay zonas ajardinadas y diferentes servicios que quedan kilikolo, ya que no sabemos si aprobarán o no la nueva playa de vías. También se prevé la realización de una pasarela que une la plaza Gipuzkoa con la parte vieja, sobre la que albergamos serias dudas ya que en menos de 500 metros existen dos puentes. Creemos que no es necesario."

Hasier Agirre Elkoroberezibar jaunak (Beasaingo EH Bildu): "guri hasieratik sortu digu zalantzak aipatutako eremuak. Hamahiru alegazio izan zituen hastapeneko fasean. Azpimarratu horretan, ADIFek duen pisua. Planteatzen diren 1.000 etxebizitza horiek, ez dakigu zein azterketa demografikotan oinarrituta egon daitezkeen. Aldi berean esaten da landa-eremua indartu egin behar dela eta etxeak egiteko aukera dagoela, erdi-gunean aurreikusten diren 600 etxebizitzaz gain. Jakin egin behar da zein etxebizitza-ereduaz ari garen, esan da %45a babestua dela. Guk babestuen beharra ikusten dugu baina etxebizitza sozialena gehiago. Ugartemendi aurreikusten diren az gain, iruditzen zaigu alokairuko etxebizitzak bultzatzeko garaia dela. Hor ere gabezia batzuk antzematen dizkiogu dokumentuari. Erdi-gunearen bizi-berritzea buruz san, etxe berriak egitea aurreikusten dela baina badaude zahartzen ari diren zantzu batzuk. Aukera egongo litzateke interbentzio batzuk eginez etxebizitza berriak egitea saihestea. Gauza positiboak ikusten dizkiogu HAPOari baina beste batzuk ez. Beraz, abstenitu egingo gara. "

Alkate andreak (EAJ-PNV): "biok bat egin duzue Trenbidearen inguruneekiko dituzuen zalantzekin. Hor, Madril en esku gaude eta nolabait ere orain bidalitako txosten horretan bide ematen digu lantzeko. Eta hori da gure egin beharra. Apustu handia da Trenbide-eremu hori berrantolatzea eta bigarren agertoki horretan etxebizitzak eta gainerako zerbitzuak bertan egiteko Madrilekin landu behar dugu. Bide itxita ez daukagu eta lanerako aukera eman digute, behin betiko onartuta dagoenean lanean jarraitzeko. Etxebizitzaren inguruan aipatu dena esan, kalkuluak 2018tik datoz. Kalkulu teknikoak egiten dira jakiteko herria demografikoki nora doan. Izan daiteke eszenario positiboa edo ez eta horren baitan aurreikusitako etxebizitzak, eremu ezberdinetan kokatu dira. Ez da nolanahi ateratako kalkulua, baizik et azterketa baten ondorioz ateratakoa. Birgaitzea ere aipatu da. Birgaitze-ereduak ere suertatzen ari dira. Egia da, hemen, erdi-gunean ez ditugula hainbeste etxebizitza birgaitzeko moduan daudenak, baina J. M. Iturriotz inguruan ere baditugu birgaitutako ereduak. Ikusten da birgaitzeko-eredu horrek ere martxan bat hartu duela. Babestuen artean izan daitezke Ugartemendiko apartamentu-sozialak, alokairurako, baina baita ere tasatuak. Babestuen artean dauden aukera guztiak landu egin behar dira."

Adur Ugartemendia Leunda jaunak (EAJ-PNV): "alderdi sozialistari erantzunez, ez dakit oso ondo nola interpretatu aholkularitza batzordean alde bozkatu izana eta orain aurka, kontuan

izanda dokumentua helburu eta irizpideei dagokienean berdina denean. 13. eremuan definizioaren faltarekiko HAPOn esaten da ondoren etorriko den Egitasmo Berezia zehaztuko dela ordenazioa. Hori agerikoa da. Madrilen alderdi sozialista dago. Aprobetxatzen dut eskaera egiteko azterketa informatibo hori jaso dezagun ahaleginak egiteko, behingoz garapenari atea irekitzeko.”

Angel Redondo Fernandez jaunak (Socialistas Vascos-Euskal Sozialistak): “hemos tenido alguna noticia de que en el 2026 va a haber alguna mejora.”

Alkate andreak (EAJ-PNV): “badira urte batzuk azterketa hori jaso izan behar genuena. Bilera joan ginenean amaitzeaz izan behar zuten azterketa baina oraindik ez dugu inolako berririk. Beraz, Madrilekin lan egin behar dugula esaten dudanean, hori ere bada. Izan ere Madrileri ere badagokio hartutako konpromisoak betetzea.”

Adur Ugartemendia Leunda jaunak (EAJ-PNV): “Apustu guztia ez dugu bakarrik 13. eremuan egiten. Lehenengo indarraldian hainbat eremu daude non etxeak egiteko aukerak dauden eta ondoren Madrilgo erantzunaren baitan ikusi egin behar da, baina uste dut Beasaingo udalak 13. eremua garatzearen apustua egin behar duela.”

Gaia behar adina eztabaidatu ondoren, bozketa egin da eta ondorengo emaitza lortu da.

Aldeko botoak: 9 (EAJ-PNV)

Aurkako botoak: 2 (Socialistas Vascos-Euskal Sozialistak)

Abstentzioak: 5 (Beasaingo EH Bildu, Elkarrekin Podemos)

Etorri gabeak: 1 (Beasaingo EH Bildu)

Horren ondorioz, gehiengo osoarekin onartu da proposamena.

**b.- XEHETASUN-AZTERLANA. BEASAINGO INDAR 7. SEKTOREKO A LURZATIAREN BIGARREN XEHETASUN-AZTERLANA BEHIN BETIKO ONARTZEKO PROPOSAMENA. 2026AEST0001**

Ezagutzera eman da Lurralde batzordeko proposamena:

*“Gaia: Beasaingo INDAR 7. sektoreko A lurzatiaren bigarren xehetasun-azterlana. Behin betiko onespena.*

#### **AURREKARIAK**

***I.- 2026-04-13ko Alkatearen Ebazpenaren bidez, Beasaingo INDAR 7. sektoreko A lurzatiaren bigarren xehetasun-azterlanari hasierako onespena eman zitzaion, adieraziz behin betiko erabakia hartzeko dokumentua zuzenduta aurkeztu behar dela, ondorengoari buruz:***

*- Dokumentuaren izena ondorengo izango da: BEASAINGO INDAR 7. SEKTOREKO A LURZATIAREN BIGARREN XEHETASUN-AZTERLANA, izan ere lursail berdinerako behin betiko (GAO, 2021-05-19), onartuta dagoen beste Xehetasun Azterlan bat dago.*

*- "Genero-eragina" atalean, bertan aipatzen den legearen ordeaz, gaur egun indarrean dagoen legezko-testua adieraztea: Emakumeen eta Gizonen berdintasunerako eta Emakumeen aurkako Indarkeria Matxistarik Gabeko Bizitzetarako Legearen testu bategina onartzen duen martxoaren 16ko 1/2023 Legegintzako Dekretua.*

**II.-** Espedientea hoge laneguneko epean jendaurrean jarri zen Gipuzkoako Aldizkari Ofizialean (2026-04-28an), probintzian gehien zirkulatzen duen egunkarian (2026-04-17) eta Berria egunkarian (2026-0415), iragarkiak argitaratuz.

Alegazioak aurkezteko epea, 2026-05-27an amaitu zen eta epe horretan ez zen inolako alegaziorik aurkeztu.

**III.-** 2026-05-28an, INGETEAM INDAR MACHINES, S.A.k Xehetasun Azterlanaren dokumentu berria aurkeztu du, aipatutako zuzenketak txertatuz.

Ondorioz, Lurralde Batzordeak, Toki Araubidearen Oinarriak arautzen dituen apirilaren 2ko 7/1985 Legearen 22,2c) artikuluan eta Lurzoruari eta Hirigintzari buruzko ekainaren 30eko 2/2006 Legearen 56,1j) artikuluan xedatutakoarekin bat etorritik, honako erabaki-proposamen hau aurkeztu dio Udalari (onartzeko quoruma, gehiengo soil):

**Lehenik.** Beasaingo Indar, 7. sektoreko A lursailaren bigarren Xehetasun Azterlanari behin betiko onespina ematea.

**Bigarren.** Erabaki honen berri sustatzaileari ematea eta Gipuzkoako Aldizkari Ofizialean eta Beasaingo udalaren web orrian argitaratzea.”

Hitz egiteko txanda eman ondoren, bildutakoek proposamenarekiko adostasuna azaldu dute:

Bozketaren eginda, aho batez onartu da proposamena.

c.- ORDENANTZA. BEASAINGO UDALERRIKO BIZITEGI-ERABILERAKO LURZATIETARAKO ERAIKUNTZA ORDENANTZA, INDARRIK GABE UZTEKO PROPOSAMENA. 2026HIBO0091

Ezagutzera eman da Lurralde batzordeko proposamena:

“Gaia: BEASAINGO UDALERRIKO BIZITEGI-ERABILERAKO LURZATIETARAKO ERAIKUNTZA ORDENANTZA OSAGARRIA BERTAN BEHERA UZTEA

AURREKARIAK

I. 2020-02-27. Osoko bilkuraren erabakia, bizitegi-erabilerako lurzatietarako eraikuntzaren antolamendu osagarriaren hasierako onespinari buruzkoa.

II. 2020-03-05. Jendaurrean jartzeko erabakia Gipuzkoako ALDIZKARI OFIZIALEAN argitaratzea, 30 egun balioduneko epean alegazioak aurkez daitezkeela adierazita.

III. 2020-04-16. Alegazioak aurkeztea.

IV. 2020-07-02. Jendaurrean jartzeko epearen amaiera.

V. 2020-07-19. Txostena, idazkaritzarena, aurkeztutako alegazioak ezestea proposatuz.

VI. 2020-07-30. Plenoko erabakia, Bizitegi-erabilerako partzelak eraikitzeko ordenantza osagarriaren behin betiko onartzeari buruzkoa.

VII.- 2020-08-14. Ordenantza behin betiko onartzeari buruzko iragarkia GAOean argitaratzea.

VIII. 16-06-2026. Txostena, udaleko arkitekto aholkulariak eta Beasaingo Udaleko Lurralde Arloko zerbitzuburuak sinatua, bizitegi-erabilerako lurzatietarako eraikinei buruzko ordenantza osagarria indarrik gabe uztea justifikatuz.

OINARRI JURIDIKOAK

-7/1985 Legea, apirilaren 2koa, Toki Araubidearen Oinarriak arautzen dituenak: 4.1, 20.1 c), 47.1, 49 eta 52.2 106, 107,111 eta 113.

- Toki Erakundeen Antolaketa, Jarduera eta Araubide Juridikoaren Erregelamendua, azaroaren 28ko 2568/1986 Errege Dekretuaren bidez onartua: 82.2, 123. eta 126. artikulua.

- 39/2015 Legea, urriaren 1ekoa, Administrazio Publikoen Administrazio Prozedura Erkidearena: 80,82, 83, 129 eta 133. artikulua.

Horren ondorioz, Lurralde batzordeak proposatuta, Udalbatza Osoari ondorengoa onartzea proposatzen zaio:

Lehenik. Beasaingo udalerriko bizitegi-erabilerako lurzatiatarako eraikuntza ordenantza osagarria bertan behera uztea

Bigarren. Onartutako erabakia GAOean eta udal ediktu taulan iragarkiak argitaratzea.”

Hitz egiteko txanda eman ondoren, bildutakoek proposamenarekiko adostasuna azaldu dute:

Bozketa eginda, aho batez onartu da proposamena.

d.- KONTRATU-ALDAKETA BEASAINGO UDALERRIAN KALE GARBIKETA ETA BESTE BATZUEN ZERBITZUA EMATEKO ZERBITZUEI BURUZ. 2023ZEBO0156

Ezagutzera eman da Lurralde batzordeko proposamena:

“AURREKARIAK

Sektore Publikoko Kontratuen Legearen 203. 2a) artikulua honako hau dio:

2. Los contratos administrativos celebrados por los órganos de contratación solo podrán modificarse durante su vigencia cuando se dé alguno de los siguientes supuestos: a) Cuando así se haya previsto en el pliego de cláusulas administrativas particulares, en los términos y condiciones establecidos en el artículo 204;

Sektore Publikoko Kontratuen Legearen 204. artikulua honako hau dio:

Artículo 204 Modificaciones previstas en el pliego de cláusulas administrativas particulares

1. Los contratos de las Administraciones Públicas podrán modificarse durante su vigencia hasta un máximo del veinte por ciento del precio inicial cuando en los pliegos de cláusulas administrativas particulares se hubiere advertido expresamente de esta posibilidad, en la forma y con el contenido siguientes:

a) La cláusula de modificación deberá estar formulada de forma clara, precisa e inequívoca.

b) Asimismo, en lo que respecta a su contenido, la cláusula de modificación deberá precisar con el detalle suficiente: su alcance, límites y naturaleza; las condiciones en que podrá hacerse uso de la misma por referencia a circunstancias cuya concurrencia pueda verificarse de forma objetiva; y el procedimiento que haya de seguirse para realizar la modificación. La cláusula de modificación establecerá, asimismo, que la modificación no podrá suponer el establecimiento de nuevos precios unitarios no previstos en el contrato.

La formulación y contenido de la cláusula de modificación deberá ser tal que en todo caso permita a los candidatos y licitadores comprender su alcance exacto e interpretarla de la misma forma y que, por otra parte, permita al órgano de contratación comprobar efectivamente el cumplimiento por parte de los primeros de las condiciones de aptitud exigidas y valorar correctamente las ofertas presentadas por estos.

OINARRI JURIDIKOAK

I.- Kontratuaren aldaketa espedientean jasota dagoen dokumentazioan aurreikusita eta deskribatuta dago, edukiari eta zenbateko ekonomikoari dagokienez:

1.- Preskripzio teknikoen agiriak 3.1 artikuluan, ESKUZ EKORTZEA ESPALOIAK, GALTZADAK ETA OINEZKOEN EREMUAK eta 6.3 artikuluan, MAKINARIA ORDEZKATZEA, hurrenez hurren honela diote:

3.1,5.parrafoa; Kontratuan aurreikusitako aldaketa: peoi garbitzailea

Udalak plantillako langile bat du, lanaldi osokoa (%100ko jornadan), bide garbiketa zerbitzurako, 1. planoaren barruan urdinez markatutako eremuan espaloiak, galtzadak eta oinezkoentzako eremuak eskuz garbitzeko

Langile hori ez da agertzen subrogazio zerrendan, nahiz eta funtzionalki zerbitzuaren organigraman txertatua egon.

Hala ere, aurreikuspenen arabera, 2025ean zehar udal plantillako langile horrek erretiroa hartuko du, eta, beraz, enpresa esleipendunak espaloiak, galtzadak eta oinezkoentzako espazioak eskuz ekortzeko zerbitzua bere gain hartu beharko du, erretiroa hartzen duen unean; horretarako peoi garbitzaile berri bat atxiki beharko du plantillara.

Horrek kontratua aldatzea ekarriko du, administrazio-agiriaren 39. artikuluan eta ezaugarri koadroko 5. eta 28. ataletan aurreikusitakoaren arabera

6.3.- artikulua Makinaria ordezkatzeari

Igarotako zerbitzu aldiagatik Udalak balia ezintzat joko balitu urarekin garbitzeko kamioia, enpresa kontratistak urarekin garbitzeko kamioia berri erosi beharko luke ordezkatzeko, eta horrek berarekin ekarriko du kontratuan aldaketa bat egitea, hain zuzen, administrazio agiriaren 39. artikuluan eta ezaugarri koadroko 5. eta 28. artikuluetan aurreikusitakoa.

Makineriaren amortizazio epea hamar (10) urtekoa izango da.

2.- ZERBITZU ELKARTEA S.L.rekin 2024/11/14ean sinatutako kontratuan, bere bederatzigarren estipulazioan. IZAN LITETEZKEEN KONTRATUAREN ALDAKETAK dio:

Plegu teknikoaren 3,1 eta 6,3 artikuluetan aurreikusitakoak, hau da:

3.1. artikulua: Kontratistaren plantillari peoi garbitzaile bat atxikitzeko betebeharra, gaur egun, kale garbiketako zerbitzuaren organigraman dagoen, espaloiak, galtzadak eta oinezkoentzako eremuak eskuz ekortzen dituen (1. planoan urdinez markatutako eremua), udal-langileak erretiroa hartuz gero.

6,3 artikulua: Urarekin garbitzeko kamioi berri bat erostea (6.3.1 atalean adierazitako ezaugarriekin), baldin eta Udalak egungo kamioi baldekatzailea erabilitezina deklaritzen badu.

Makineriaren amortizazio epea hamar (10) urtetakoa izango da.

Kontratuaren amaieran, makineria udal jabetzakoa bihurtuko da, eta honek kontratistari ordainduko dio amortizatzeke dagoen zenbatekoa edo hurrengo enpresa kontratistari jasanarazteko aukera izango du.

II.- 3. 3.1 atalean aurreikusitako aldaketari dagokionez, KONTRATUAREN IGOERA KALKULATZEARI BURUZKO TXOSTENA, 2026/06/15ean udal obra eta zerbitzuen zerbitzuburuak eginikoa.

Udal-plantillako langileak 2026ko urriaren 5ean hartuko du erretiroa. Beraz, 3.1 artikuluan aurreikusitako aldaketa espaloiak, galtzadak eta oinezkoentzako eremuak eskuz ekortzeko lanei eusteko egin behar da, 1. planoaren barruan urdinez markatutako eremuan.

Administrazio-agiriaren 39. artikuluan adierazten denez, peoi garbitzailearen kostu zenbatetsia 66.715,82 € + BEZaren% 10 da.

Lizitazioa kalkulatzeko erabilitako parametroen arabera kostuak aztertu ondoren, eta Zerbitzu Elkartea SL zerbitzuaren esleipendunak aurkeztutako txostena gainbegiratu ondoren, honako hau ondorioztatzen da:

2026-2029 aldirian peoi garbitzaile bat lanean hasteko urteko kostua 66.715,82 € + % 10eko BEZa da.

Hileko kostua: 5.559,58 € + BEZaren % 10

4. MAKINAK ORDEZKATZEA atalean aurreikusitako aldaketari dagokionez, KONTRATUAREN GEHIKUNTZA KALKULATZEARI BURUZKO TXOSTENA, 2026/06/15ean udal obra eta zerbitzuen zerbitzuburuak eginikoa.

2001/12/05ean matrikulatu zen ordeztuko den baldekatzeko kamioia.

Ordezkapena 24 urteko zerbitzua duen ibilgailu bati dagokio, duela 14 urte amortizatu zena eta segurtasuna, fidagarritasuna eta zerbitzuaren jarraitutasuna arriskuan jartzen dituzten gabezia garrantzitsuak dituena.

Administrazio-agiriaren 39. artikuluan adierazten denez, buxatzeko kamioia ordeztzeko aurreikusitako kostua 137.566,00 € + BEZ da.

Ibilgailu hori ordeztzeko beharrari buruzko balorazioa bat dator zerbitzuaren esleipenduna den Zerbitzu Elkartea SLrekin, eta hori jasota dago horretarako egindako txostenaren 2. eranskinean.

Urteko kostua kalkulatzeko, eskaintza irmoa dute kamioiaren txasisaren fabrikatzaileak (IVECO EURO CARGO ML150E22P modelo "EURO 6E", 220 HP), eta garbiketa-tangaren hornitzailearen 8.500 litroko edukiera duen aluminiozko RIGUAL etxekoa) (ikus txostenaren 3. eta 4. eranskinak).

Aurkeztutako eskaintzetan deskribatzen diren ezaugarri teknikoak dagokienez, Agiri Teknikoak eskatzen dituen ezaugarri teknikoak egiaztatu ondoren, aurrekontuan jasotako materialak Agiri Teknikoak eskatutakoa betetzen duela ondorioztatu da.

Kamioi-baldekatzailearen hornidurari dagokion inbertsioa guztira 140.740,00 € + BEZ da guztira (% 10)

Kontratuan 10 urteko amortizazioa aurreikusten dela kontuan hartuta, horrek urtean 14.074,00 € + 10 % BEZa

Lizitazioa kalkulatzeko txantiloia aplikatuta, urteko amortizazioari finantza-kostuak aplikatu behar zaizkio, eta, azkenik, GG eta BI ehunekoak aplikatu.

Hori guztia dela eta, ondorioztatu da urteko kostua 20.413,65 € + % 10eko BEZa dela.

Hileko kostua: 1.701,14 € + BEZaren % 10

Aldaketetatik ateratzen den zenbatekoa, 87.129,47 €/urteko + % 10 BEZa

Igoeraren % kontratuaren urteko prezioarekiko: % 6,64

Gehikuntzaren ehunekoa plegu administratiboaren 39. artikuluan ezartzen den % 20tik beherakoa da

III.- 2026/06/16 udal Idazkariaren txostena, kontratu aldaketa zuzenbidearen arabera dela adieraziz. Espedientean ere jasotzen da kontuhartzailearen txostena fiskalizazioari buruzkoa eta kreditua egoteari buruzkoa.

Horren ondorioz, Lurralde Batzordeak Udalbatza Osoari proposatzen dio:

#### Lehenik:

Beasaingo udalerrian bide-garbiketa eta antzeko beste batzuk egiteko zerbitzu-kontratua aldatzea:

- PEOI garbitzaile bat kontratistaren plantillara atxikitzea. Honela baloratzen da: 66.715,82€/urteko (GO eta IO, barne) + % 10eko BEZ.
- Kontratistak beste kamioi baldekatzaile bat erosi behar du, hau da: Kamioiaren txasisaren fabrikatzaileak (IVECO EURO CARGO ML150E22P modelo "EURO 6E", 220 HP), eta garbiketa-tangaren hornitzailearen 8.500 litroko edukiera duen aluminiozko RIGUAL etxekoa) (ikus txosten teknikoaren 3. eta 4. eranskinak).

Inbertsioa guztira: 140.740,00 + BEZ. Urteko amortizazioa: 14.070,00 + BEZ. Urteko kostua: 20.413,65 (finantzaketa, GG eta BI, barne) + BEZ (%10).

Bigarren:

- Kontratuaren urteko prezioa (1.311.445,11€), 66.715,82 €tan handitzen da.
- Hilero (2026ko urrian izan ezik), 7.260,79 €+ % 10eko BEZa fakturatuko da.
- kontratuaren aldaketa indarrean jartzeko data kontuan hartuta (peoi garbitzailearentzako 06-10-2026 eta kamioiarentzako 1-10-2026), 2026ko urrian honako honela fakturatuko da:
  - 4.662,93€+ % 10eko BEZa, peoi garbitzaileari dagokiona.
  - 1.701,14€+ % 10eko BEZa, kamioiaren amortizazioari dagokiona.

Hirugarren:

Kontratuaren aldaketa sinatu aurretik, kontratistak 13.069,41€ko fidantza edo abala aurkeztu beharko du, aurretik aurkeztutakoa osatzeko.

Laugarren. Kontratuaren aldaketa indarrean sartuko da:

- Peoi garbitzaile bat kontratistaren plantillari atxikitzea: 2026ko urriaren 6an.

- Urez garbitzeko kamioi bat hornitzea, 10 urteko amortizazio-epearekin: 2026ko urriaren 1ean.

Horretarako, bi alderdiek (kontratatzaileak eta kontratistak) dagokion administrazio agiria sinatu beharko dute.”

Bozketa eginda, aho batez onartu da proposamena.

**5.- MOZIOA. EAJ ETA EH BILDUREN MOZIOA, FORUEN ABOLIZIOAREN 150. URTEURRENA ETA ALKATEEN MUGIMENDUAREN 50. URTEURRENA DIRELA ETA. 2026IDBO0017**

Leire Artola Ugalde, Alkate andrea (EAJ-PNV) eta Hasier Agirre Elkoroberezibar Beasaingo EH Bilduren bozeramailearen artean ondorengo mozioa irakurri dute:

“Foruen abolizioaren 150. urteurrena eta Alkateen Mugimenduaren 50. urteurrena direla eta

**ZIOEN AZALPENA**

2026. urteak garrantzi historiko eta politiko berezia du Euskal Herriaren-tzat. Izan ere, beste zenbait mugarriren artean –hala nola, Eusko Jaurlaritza eratu zela 90 urte betetzen dira– aurten bi efemeride nagusi ditugu: batetik, 1876ko uztailaren 21eko Foruen abolizioaren 150. urteurrena; eta, bestetik, 1976an Bergaran bildu zen Alkateen Mugimenduaren 50. urteurrena.

1876ko uztailaren 21eko legeak Araba, Bizkaia eta Gipuzkoako foru-erregimenaren abolizioa ekarri zuen, Bigarren Karlistadaren amaieraren testuinguruan. Nafarroa Garaia kasuan, foru-araubidearen eraldaketa eta burujabetza instituzionalaren murrizketa sakona lehenago gertatu zen, 1841eko Lege Hitzartuaren bidez, Lehen Karlistadaren ondoren. Lehenago, 1789-1790 urteen artean, Frantziako iraultzaren eskutik Lapurdi, Nafarroa Beherea eta Zuberoako euskal lurraldeen eskubide historikoen abolizioa gertatu zen. Hiru prozesu horiek, bakoitza bere une historikoan eta bere berezitasunekin, Euskal Herriko lurraldeek mendeetan garatutako instituzio, eskubide historiko eta burujabetza politikoaren galera eta murrizketa ekarri zuten. Erabaki haiek herri borondatearen gainetik ezarri ziren, eta ondorio sakonak izan zituzten Euskal Herriaren egituraketa instituzionalean, lurralde-artikulazioan eta autogobernuan.

1876ko abolizio hartatik mende bat geroago, 1976ko uztailaren 21ean, frankismoaren amaieraren testuinguruan eta trantsizio politikoaren atarian, Euskal Herriko hainbat udal ordezkari Bergaran bildu

*ziren. Alkateen Mugimendu hark Foruen abolizioaren mendeurrena baliatu zuen Euskal Herriaren nortasun nazionala, eskubide historikoak, udal tradizio demokratikoa eta autogobernurako nahia aldarrikatzeko.*

*1976ko adierazpen hartan jasotako espirituak gaurkotasun osoa du orain-dik ere. Izan ere, udalerriek Euskal Herriaren historian izan duten eginkizun politiko eta instituzionala funtsezkoa izan da, eta gaur egun ere udal era-kundeeek herritarren borondate demokratikoaren adierazpide hurbilena izaten jarraitzen dute.*

*Bergaran izan ziren alkateek eta zinegotziek aitortu zuten ez zitzaizela samurra gertatu herriaren nahia eta erabakia ulertu eta argitara ematean bere gain hartu zuten erantzukizuna betetzea; ala ere, haiek uste zuten heldu zela garaia argi eta garbi adierazteko herriaren eskubide politikoak iraungi ezinak eta ukaezinak direla. Auziaren benetako funtsa ez bait zegoen foraltasun zaharrean, eskubide historiko horiek eguneratzean baizik, foruek adierazten zituzten subiranotasun-eremuak euskal nazio ikuspegi-tik gaur egunera eta etorkizunera proiektatzean, alegia.*

*Orduan bezala, bizi dugun egoera honetan ere, desafio berriei ekin beharrez aurkitzen gara eta argi aldarrikatu nahi dugu, etorkizuneko gizarte erronkei erantzun baikor bat eman ahal izateko, euskal herritarren ahotsak bere lekua behar duela, hitzaren eta erabakiaren jabe behar dugula izan.*

*Oso garrantzitsua da une hau hartu behar ditugun erabakietan asmatzeko. Erantzukidetasun politiko eta sozialaren garaia da. Gure herria eta bere jendea aurrera ateratzeko ordua, garapen ekonomikoa gizarte justizia eta subiranotasun politikoa oinarritzat hartuta.*

*Erronka horiei guztiei ezin zaie behar bezala erantzun eskumen mugatuekin. Gaurko auziek gaurko tresnak eskatzen dituzte, eta Euskal Herriak autogobernu eta burujabetza handiagoa behar ditu bere etorkizuna bere herritarren borondate demokratikoaren arabera antolatzeko.*

*Horregatik, oroimen historikoaren aitortzak gaur egungo autogobernuaren inguruko eztabaida politiko eta instituzionala elikatu behar du.*

*Horregatik guztiagatik, Beasaingo Udalbatzak honako hau erabaki du:*

## **ERABAKIAK**

### **Lehena.**

*Beasaingo Udalak bat egiten du Alkateen Mugimenduen 50. urteurrenaren eta Foruen abolizioaren 150. urteurrenaren oroitzapenarekin, eta bi efemeride horien garrantzi historiko, politiko eta instituzionala aitortzen du.*

### **Bigarrena.**

*Udal honek aitortzen du Lapurdi, Nafarroa Beherea eta Zuberoako euskal lurraldeen eskubide historikoen abolizioa Frantziako iraultzarekin gertatu zela 1789 eta 1790 artean; horrez gain, aitortzen du 1841ean Nafarroa Garaian, eta 1876an Araba, Bizkaia eta Gipuzkoan ezarritako foru-erregimenaren murrizketa eta abolizio prozesuek euskal lurraldeen jatorrizko eskubide historikoen eta burujabetza instituzionalaren galera ekarri zutela. Era be-rean, aldarrikatzen du eskubide horiek ez direla iraungi, ezta herri borondate demokratikoaren ordezkariak ere.*

### **Hirugarrena.**

*Udal honek berresten du Euskal Herria Europako herri guztien artean be-rezko nortasuna eta nazio izaera duen herria dela, historia, gizarte eta kulturako ondare berezi baten gordailu; bi estatutan kokatuta eta gaur egun hiru eremu juridiko-politiko ezberdinetan antolatuta dauden zazpi lurralde-etan duela bere leku geografikoa eta euskal nazioa osatzen duten herritarrek dutela beren etorkizun*

*politikoa modu libre eta demokratikoan erabakitzeke eskubidea.*

*Laugarrena.*

*Udal honek aldarrikatzen du beharrezkoa dela foru integrazioaren eta burujabetza osoaren bidean urrats berriak egitea, eta, horretarako, Euskal Herriko lurraldeen eskubide historikoak eta autogobernua eguneratzea, gaur egungo behar demokratiko, sozial eta instituzionaletara egokituz.”*

*Bosgarrena.*

*Udal honek aitortzen du udalerriek Euskal Herriaren historian izan duten eginkizun erabakigarria, bereziki foru tradizioan, udal demokrazian eta herri ordezkartzan; eta konpromisoa hartzen du etorkizunean ere Euskal Herria-ren eraikuntza demokratikoan, erakunde demokratikoen rola indartzeko eta hauen artean, bereziki, udal erakundeena.*

*Seigarrena.*

*Udal honek bat egiten du 2026ko uztailaren 19an Bergaran antolatuko den ekitaldi politiko-instituzionalaren helburuekin, Alkateen Mugimendua gogoratzeko, 1976ko udal ordezkarien ekarpena aitortzeko eta Euskal Herriaren eskubide historikoen aldeko konpromisoa berritzeko.”*

Hitz egiteko txanda eman ondoren, bildutakoek proposamenarekiko ondorengo iritziak azaldu dituzte:

Aritz Corsitto Agirre jaunak (Elkarrekin Podemos): “Guk gure aldetik esan nahiko genuke ez zaigula askotan gertatu mozio baten proposatzen diren erabakiak ondo ikustea eta alde egotea, baina zioen azalpenekin nahiko kontrajarrita aurkitzea. Gure ustez mozio honek oroimen historikoa aldarrikatzen du baina auto selektibo eta partzial batean azaltzen du bere kontakizuna, gertakari konplexuak gaur egungo agenda politikoari egokitzeke moduan sinplifikatuz. Lehenik mozioak foruen abolizioa, XIX. mendeko karlisten ondoko kanpokoen erabakien emaitza gisa aurkeztzen du, herri borondatearen aurka ezarritako neurri soil gisa. Euskal gizartearen barne gatazka eta aniztasun politikoa ezkutatuz. Hala ere, bigarren gerra karlistaren testu inguruan euskal probintzietan ez zen herri bakar monolitikorik existitzen. Liberalismoaren aldeko sektore indartsuak zeuden, bereziki hiriburuetan. Karlismoaren aurka borrokatu zirenak eta horien protagonismoa mozioak sistematikoki estaltzen du. Bigarrenik, mozioak ez du aipatzen foruen krisiaren eta abolizioaren atzean estatu liberalaren eraikuntza prozesu luzea dagoela. 1851eko Nafarroako lege hitzartutik eta 1876ko abolizio legetik igarotzen dena eta non foruen aurkako presioa ez den bakarrik kanpotik etorritakoa baizik eta estatu zentralizatzailearekin bat egin zuten euskal liberalismoaren nagusienak. Foruen abolizioa euskal liberatu-programaren parte izan zen. Egitura juridiko bakarra eta betebeharrak militarren unifikazioa ezartzeko. Kupo armadako derrigorrezko parte-hartzea etab. Hori mozioak ezabatzen du. Gatazka sozial eta politikoa herriaren eskubide ukatuen eszenari sinplifikatura murriztuz. Testuak, Euskal Lurralde eskubide historikoak eta borondatea, kategoria bakarrean nahasten ditu, karlisten eta liberalen arteko gatazka sakona lausotuz. Euskal hiriburu gehienak liberalak izan ziren eta askotan karlisten aurkako motor- leku. Ez da egiazkoa, beraz, Euskal Herriaren nahia subjektu bakar eta karlista gisa irudikatzea. Mozioak ez du inongo arrastorik ematen Espainiako monarkia Borboiaren inguruan, euskal lurraldeetan egon zen babes-maila esanguratsua, ez da karlistekin egindako aliantza ere. Zuzenean baldintzatu bait zuten foru bukaeren negoziazioa eta ondorengo ekonomiko kontzeptuaren sorrera. Laburbilduz, mozioak memoria historikoaren alde egiten dioen arren kontakizun partzial eta interesatua eskaintzen duela uste dugu. Euskal gizartearen aniztasun politikoa ezkutatzen du liberalismoaren eta estatu liberala eraikuntza rola desagerrarazi eta horren

bidez XIX. mendeko gatazka konplexuak eta 1976ko testu inguru errepresiboa, gaur egungo agenda politikoaren zerbitzura sinplifikatzen dira. Hori dela eta guk gure abstentzioa azaltzen dugu.”

Eva Alvarez Atanes andreak (Socialistas Vascos-Euskal Sozialistak): “creemos que nos encontramos ante una moción que hace una interpretación nacionalista de la historia. Hace un uso partidista de la misma. La historia es de todos y no estamos a favor de que se haga un uso partidista de la misma. No compartimos el uso de estos acontecimientos para legitimar el proyecto soberanista actual. Los fueros no son propiedad del nacionalismo. Existían antes del nacionalismo y no legitima el proyecto político actual. Creemos que el autogobierno nace de la democracia. Su origen no está ni en los fueros ni en la declaración que se hizo en Bergara en 1976. En esa reunión fueron más de 70 alcaldes, no elegidos por sufragio universal, ya que eran alcaldes que venían del franquismo. No se le da la palabra al pueblo vasco, ya que no están todos representados. Además de eso en el texto se nombra a Navarra. Se habla de un sujeto político formado por siete territorios y creemos que hay que respetar a Navarra porque tiene sus propias instituciones y es ella quien tiene que elegir. No lo compartimos. Creemos en el autogobierno que hoy disfrutamos, que nace de una democracia conquistada y no de esta entelequia. Es fruto del Estatuto de Gernika, de la Constitución y de la pluralidad que hoy gozamos en el pueblo vasco.”

Hasier Agirre Elkoroberezibar jaunak (Beasaingo EH Bildu): “ez naiz hasiko historiaren errepasoa egiten baina mozioa partziala izateari esan, mozioa burujabetzat ari dela eta herritar guztiak dutela erabakitze aukera. Ez dugu inolako bereizketarik egiten. Ez gara ari karlista, liberala, nazionalistei buruz baizik eta herritarren erabakitze eskubideaz. Uste dut gauza integratzailekorik gutxi daudela. “*Uso partidista*” esaten denean, ez dakit zein partiduez ari garen. Hau da guk Euskal Herria nola ulertzen dugunaren isla eta hobeto izateko zein bide planteatzen ditugun. Nafarroa aipatzen dugu, baina ez dugu esaten bakoitzak nola bozkatu behar duen, baizik et guk nola ulertzen dugun. “*Alcaldes que vienen del franquismo*”, nik haietako bat daki zein zen, Jose Luis Elcoro, baina ez dut uste alkate frankistekin ezer ikusteko zuenik. Garai hartan legitimoa zer zen eta ez, ez dut uste oso zilegi zenik. Mozioa honekin herria ulertzeko moduko aitorpen bat egiten da eta burujabetzarekin herria eraikitzeo intenzionalitate bat, besterik ez.”

Alkate andreak (EAJ-PNV): “guk mozio honen bitartez gure herria berresten dugu. Euskadi, berezko nortasuna duen herria da eta gure nortasun politikoa modu librean erabakitzeo eskubidea dugula uste dugu. Aipatu duzu frankismoaren ondorioz 1976an Bergarara gerturatu ziren alkate horiek ez zirela demokratikoki hautatuak izan baina balioan jarri behar dugu garai hartan egin zuten saiakera, nortasun nazionala aldarrikatzeko. Udalak gertuan gauden erakundeak izanik hor daukagu palanka eta gizartea mobilizatzeko aukera. Datorren uztailaren 19an ere Bergaran hori berrikustea da denon asmoa. Gure herria aurrera ateratzeko autogobernu eta burujabetzan aurrera pausoak eman behar ditugu eta zentsu horretan mozio hau aurkeztu dugu EH Bildurekin batera.”

Aritz Corsitto Agirre jaunak (Elkarrekin Podemos): “nik berriro esango dut. Orokorrean proposamenekin ados gaude, baina abstenitu egingo gara ez zaigulako iruditzen emandako arrazoiak guztiz zehatza direnik. Esan nahi dudana da ez gaudela aurka.”

Alkate andreak (EAJ-PNV): “badakit hau alderdien artean adostutako mozioa dela, baina besteetan bezala, ekarpenak egiteko aukera izan duzu. Baina ulertzen dut beste testuinguru batetan egon gaitezke.”

Bozketa eginda, ondorengo emaitza lortu da.

Aldeko botoak: 13 (EAJ-PNV, Beasaingo EH Bildu)

Aurkako botoak: 2 (Socialistas Vascos-Euskal Sozialistak)

Abstentzioak: 1 (Elkarrekin Podemos)

Etorri gabeak: 1 (Beasaingo EH Bildu)

Horren ondorioz, gehiengo osoarekin onartu da mozioa.

## **6.- BERRI EMATEA:**

Ezagutzera eman dira:

a.- 2026ko maiatzaren 8tik ekainaren 21era emandako Ebazpenak.

b.- 2026ko maiatzaren 8tik ekainaren 21era emandako Ebazpenak kontratu txikiei buruz.

Angel Redondo Fernandez jaunak (Socialistas Vascos-Euskal Sozialistak), kontratu txikiei buruz ondorengo galdetu du: "Scape Monument, imagino que será lo de Igartza.

Alkate andreak (EAJ-PNV): "bozeramaile taldeak komentatu zen. Izaera bereziko kontratu txikia da eta kontratu txikiaren baldintzak betetzen ditu. Zenbatekoa gaindizen du baina izaera artistikoa du. Baina lasaia begiratuko dugu eta bozeramaile taldean adieraziko dugu."

Angel Redondo Fernandez jaunak (Socialistas Vascos-Euskal Sozialistak): "revisando los contratos menores de Zerki Zerbitzuak hay tres contratos menores con prácticamente el mismo objeto y el sumatorio de los tres supera los 18.000€. Al hilo del informe emitido por la Interventora pedimos que sigáis trabajando en los contratos menores."

Adur Ugartemendia Leunda (EAJ-PNV): "horretan gabiltz. Hori urte askotan kontratatuta izan dugu eta zailtasunak izan ditugu merkatuan beste enpresa batzuk bilatzeko. Asmoa lizitaziora bueltatzea da."

Angel Redondo Fernandez jaunak (Socialistas Vascos-Euskal Sozialistak): "quedamos a la espera de que nos aclaréis lo de Skate monument."

## **7.- ESKAERA ETA GALDERAK**

Eskaera eta galderen artean honelakoak aurkeztu dira:

### **BEROALDIA ETA BABES KLIMATIKOA**

Hasier Agirre Elkoroberezibar jaunak (Beasaingo EH Bildu): "azken aldian bizitzen ari garen beroaldia dela eta hainbat eskaera egin izan ditugu azken aste eta egunetan eta iaz ere bai. Erantzun batzuk ez zaizkigu gustatu baina egia da baita ere hainbat udal-instalazio ez daudela prestatuta bero hauei aurre egiteko.

Zentzu honetan bi eskaera egiten ditugu:

1.- Udal eraikin egoera aztertu eta klimatizazio jasangarri instalazioen kronograma egitea, lehentasuna egoera okerrenean daudenetik hasita.

2.- Guzti hau arautuko duen emergentzia-plana osatzea eta babes natural batzuk aurreikustea.

Badakigu udara honetarako denbora ez duela emango baina legealdia amaitzeko ea posible den. Lanketan parte hartzeko gure eskua luzatzen dugu."

Alkate andreak (EAJ-PNV): “aurrekontuetan emergentzia-plana egiteko diru-kontusaila adostutako dago eta horri bide emango diogu. Horretarako atal bat bero-plana izango da eta horri aurre egiteko zein ekintza txertatu behar ditugun. Inoiz ez bezala dagoeneko bi beroaldi izan ditugu eta konturatzen gara beroaldi hauek geratzeko etorri direla. Horrek eskatzen du planifikazio bat egitea. Teknikariekin hitz egin dugu planifikazio hori egiteko eta lehentasun batzuk markatzeko. Azken birgaitzetan klimatizazioa txertatuta dago, baina udaletxean bertan espazio batzuetan ez dago klimatizaziorik eta beste udal-eraikinetan ere berdin gertatzen da. Lehentasunak markatzeko irizpide ezberdinak kontuan hartu beharko ditugu, hala nola, espazioen erabilera udaran zenbatekoa den, ordutegiak, erabiltzaileak zeintzuk diren, lehentasuna zaurgarriei emanez, etab. Zentzu horretan etxe tutelatueta adinekoei begira laster batean jarriko da klimatizazioa eta berdin Seaska haurreskolan. Planifikazio zehatza eta txukuna egitea eskatzen du honek guztiak.”

Aritz Corsitto Agirre jaunak (Elkarrekin Podemos), batzorde informatiboan etxebizitza sozial-alogera kontratu bat luzatzeari buruz emandako informazioaren arabera, ikuspuntu legal eta etiko aldetik arazoak ekarri ditzakeen erabakia ote denaren ustea adierazi zela adierazi du eta esan du ez zitzaiela oso garbi geratu 17 urtez luzatzen joan den kontratuaren zergatia.

Alkate andreak (EAJ-PNV): “ez da egoera berria. 2029tik datorren egoera bat da eta ibilbide honetan ere esango dugu familia horren egoera aldatu egin dela baina, azken urteetan pertsona honi kontratu hori egin zaio, ez modu ohikoan, eta aldatzeko asmoarekin. Zentzu horretan datorren astean kontratua sinatzeko datorren horretan, aprobetxatuko dugu berarekin elkarrizketa bat izateko gizarte-ongizateko teknikariak lagunduta. Gure helburua da, azken luzapena izatea. Ikusi beharko dugu zeintzuk diren gaurko eguneko baldintzak eta zein aukera eduki dezakeen eta beste herritarren parean jarri eta beste herritarren baldintza berdinetan etxebizitza-egoera konpondu. Ez dago inolako faboritismoarik baizik eta udal honek egoera bati eman dion erantzunaren jarraipena.”

Eta tratatzeko besterik ezean bilera arratsaldeko zazpiak eta laurdenetan amaitu da eta nik, idazkari naizen honek, akta hau idatzi eta sinatu dut.